



*Мирпӯлат МИРЗО*

## *Дўрмон бахори*

Дўрмон боғларида кўклам нафаси,  
Кўнгил кўзга сурар еллар атрини.  
Бунча хуши бўлмаса саъва сайраши,  
Ёдга солар қай бир шеърнинг сатрини.  
Мовий осмон узра булутлар лак-лак,  
Кунжакда бинафши – масъум, нонармон.  
Бу дамлар сафоси бамисли эртак,  
Қайгадир зим-гойиб кетган гам-армон.  
Олқишилаб офтобни, сузуб кўк чойдан,  
Ҳикматлар айтишиб дунёга доир,  
Завқ туюб заминга инган чиройдан,  
Шоир ҳузурида ўлтирас шоир.  
Сўзлар ёғду каби жарангдор бу дам,  
Шу ёргуғ дунёга бамисли такбир.  
Қалбларда бир туйгу ҳукмрон – у ҳам  
Тириклик шаънига шукроналикдир.  
Руҳлар енгил ҳамда бекадар бирам,  
Ўхшаб ҳов юксакда учган варракка.

Гўдакдек қийқирмоқ исташар баъзан,  
Суҳбатлар уланар гоҳ байт-баракка.  
Гўё улар учун бу хилқат янги,  
Багрида йўқ эрур фисқ-фужур, қажлик.  
Гўё топмии улар дунёning ганжин,  
Гўё кўрмаганлар сира муҳтоҷслик.  
Гўё йўқ дунёда ҳасад-хиёнат,  
Гўё ҳақсизликдан озурда жон йўқ.  
Гўё тиклар қаддин инсоф-диёнат,  
Гўё бу дунёда мансаб-унвон йўқ.  
Не ажаб, ҳаволар покланса аён,  
Бу кўхна оламнинг ичу тошида! –  
Борлиқда қулф уриб баҳорий айём,  
Шоир ўлтирганда шоир қошида!  
Беҳишитда топилмас бу ганимат пайт:  
Узлатнишин қалбда янгидан шашт бор!  
Ўртада ризқ эрур лутф ва шеърий байт,  
Дунёда бундан ҳам ортиқ не гашт бор!



Ҳалима ХУДОЙБЕРДИЕВА,  
Ўзбекистон халқ шоири

## «Энг қора иш, энг тоза иш – бизнинг ишимиз»

Болалик йилларимни эслаганимда олмазор ҳовлимиз айвони олдида узун қилиб тортилган паттиламнинг ўрмаги кўз олдимга келади. Ўрмакнинг кузувини онам боғлар, (одатда кузувни асосан кайвонилар, ишининг устаси бўлган чеварлар боғлайди) биз унинг турини (ўрмак иплари) югурадик.

Кейин онам “Бисмиллаҳир роҳманир роҳийм” деб от устида ўтиргандек ўрмакнинг устига ўтириб тўқишини бошлар, онамнинг ҳар қилич қоқиб, бир йўл арқов ўтказгандаридан паттиламнинг гуллари очилиб, каттараб, тўлишиб боришини ҳавас билан кузатар, ўзим ҳам онам билан басма-бас патнинг турини чалишардим. (Ерда тортилган паттиламнинг ўрмаги икки тарафда ўтириб тўқилади) Биласизми, ўшанда ҳали мактабга бориб-бормаган вақтларим эди.

Онам билан ёнма-ён ўтириб ўрмак тўқирдик, ироқи дўплиларнинг ироқисини тикардик. Мана бу тўртликлар ўшандай пайтлар, онамнинг ўрмак тўқиб ёки дўппи тикиб ўтириб айтган хиргойиларидан эсимда қолган:

Ийдиргин мардга мени,  
Куйдиргин мардга мени.  
Аллоҳ, Аллоҳ, зорим эшиит,  
Сүйдиргин мардга мени.

Ёки:

Талҳ ҳижронни ютгайман,  
Куйиб нома битгайман.  
Сени нафақат тирик,  
Қабримда ҳам кутгайман.

Онамнинг овози ширали, хиргойилари чиройли эди. Бу сатрларнинг маъносини чуқур тушунмасам-да, у кишига кўшилиб хиргойи қилиб ўтиргандаримни куни кечагидай эслайман.

Мухитда гап қўп.

Отамнинг Абдураҳмон бова, Ражабов бова, Абдумўмин бова, Эшон бова каби етти-саккиз нафар қадрondonлари ҳар ўн, ўн беш кунда уйимизда китобхонлик қилишарди. Бу сұхбатларда Навоий, Фузулий, Бедил сингари улуғларимиз ғазалларидан ташқари ишқий, саргузашт достонлар ҳам ўқиларди. Гўрўғли, Кунтуғмиш, Авазхон, Алпомиш каби достонлар қарнамонлари отамнинг дўстлари сингари менга ҳам қадрдон бўлиб қолганди. Бу китобхонлик кечаларида достону ғазалларни кўпроқ отам Умматқул Худойберди ўғли ўқирди. Чунки у кишининг овозлари баланд, қироатлари ёқимли эди. Бу овозни ҳали-ҳануз баъзан тушларимда эшитгандай бўламан.

Бундай кечаларда мен доим отамнинг ёнига суқилиб кириб олиб, хаёлан Барчинга айланардим. Бойчиборга дардимни айтардим. Хуллас, достонлар оламида яшардим.

Бу достонларда енгилмас куч, қудрат тимсоли Ҳазрат Али ўзи билан “Енгсанг сенга тегаман, енгилсанг ўлдираман” шарти билан курашга тушган Зуфунунни енгар ва уни шу музофотга ҳоким қилиб қолдириб, ўзи янги музофотларни забт этиш йўлида от солиб кетарди.

Мен Ҳазрат Алининг ёллари бўрон янглиғ гувиллаб кетаётган қорабайир отининг ҳар елкаси бир музофотни кўтариб кетаётганига ишониб яшардим. Бу вақтларда отам боғбон, онам пиллачилик агрономи бўлиб ишларди.

...Озгина ортга қайтамиз.

Ўз онам Шарофат Хонназар қизи пахта даласидаги ўқариқидан дориланган сув ичib қўйиб, ўттиз беш ёшларрида оламдан ўтганларида мен икки ёшга етмаган гўдак эканман. Шунда амаким Умматқул Худойберди ўғли билан холам Қаршигул Хонназар қизи мени ўз тарбиясига

олган эканлар. (Бизниклар ака-ука, опа-сингилларга уйланишган экан).

Мен ўз онамни эслай олмайман. Ҳатто бирорта суратлари ҳам қолмаган. Бу дунёда кун кўрмай, ёш кетганди онажонимнинг хуру ғилмонларга кўшилгани рост бўлсин.

Аммо амаким (“амаки” деганим учун Худо мени кечирсинга, чунки мен дунёда фарзанд учун у кишидан меҳрибонроқ ота бўлишига ишонгим келмайди) ва холам туфайли ҳеч бир камим йўқ эди. Холадан она-нинг ҳиди келаркан. Бу икки жаннатмакон инсонлар – амаким билан холам мени онам дунёдан ўтган кундан бошлаб ўзларини “ота, она” дейишга ўргатишган экан. Жойлари жаннатда, тупрок тўшаклари пардан бўлсин уларнинг. Улар ҳали-хануз ер остида ётиб ҳам мени қўллаётганларига ишонаман.

Шундай қилиб, онам агроном бўлиб ишлаётган йилларга келгандик. Ҳақиқий меҳнат ҳамма замонларда ҳам ўз қадр-қимматини топади. Онаизоримнинг 3-4 марта Москвага, съездга делегат бўлиб бориб келгандарини эслайман.

Онамнинг тўқ кўк рангли оти бўлиб, пешонасида катта оқ қашқаси бўларди. Шунинг учунми унинг номи “Ола қашқа” эди. Отнинг кўзлари шундай ақпли эдик... Кейин мен умрим давомида бундай отни бошқа учратмадим. У ҳақиқатан ҳам шундай бетакрор хушсурат отмиди, ё болаликнинг кўзлари катта бўлади, деганларидай бу менинг болалик тасаввуримиди, билмайман... Шунинг учун ҳам биринчи шеъримни 7-синфда ўқиб юрганимда шу отимиизга бағишлиб ёзганман ва бу шеъртуман газетасида босилган.

Қишлоқда нима кўп – иш кўп. Кундузлари мактабга, пиллага, далага, пахтага... хуллас, тиним билмасдик. Кечаси ёзишга одатлангандим. Тарки одат – амри маҳол. То ҳануз асосан тунда ишлайман. Гарчи уйқусизлик соғликка зарар эканини билсан-да, тунда маза қилиб ишлайман. Ҳар қалай, тунда ҳеч ким сизга халақит бермайди. Мактабда ўқиб юрган вақтларимда ҳам ярим кечасигача ўтириб ёзверардим. Бу ҳол онамнинг жаҳлени чиқарар, хонанинг чироғини ўчириб, мени ётишга буюриб чиқиб кетардилар. Шундай пайтларда онамнинг ухлаб қолишиларини кутиб ётардим. Шу ётишда хаёлимда бир-икки шеърни тўқиб кўярдим-да, кейин секин туриб қофозга туширадим. Чироқнинг яна ёнганини кўрган онам яна келар, энди ётиб ухламасам отамни ўйготишини айтиб кўркитардилар. Бу ҳол 2-3 мартадан қайтариладиган кечалар ҳам бўларди.


Рахматлик онаизорим ҳақида кейинги йилларда Лила опа деган татар кўшнимиз (улар онам билан эгачи сингилдай қадрдан эдилар) айтиб берганди. Ўша йилларда онам кўшниларга чиқиб куйинаркан: “Кечаси билан ўтирган бола эрталаб юзини ювиб мактабга қопқиллаб кетаверади. Э, Худойим-эй, нима қилсан экан, болам бечора увуз этида куйиб кетаяпти”.

Йилдирим йиллар бир-бирини қувиб шу алфозда ўтаверди. Мактаб даври тугаб, бетакрор талабалик йилларим бошланди. Журналистика факультетининг биринчи курсида ўқиётганимда “Илк муҳаббат” номли китобим чоп этилди. Бу китоб шунчалар катта меҳрумуҳаббат билан кутиб олиндики, бунинг учун муҳлисларимдан, айниқса, университет домлалари – устозларимдан миннатдорман. Уларнинг бир ютуғимга ўн ютук



**Таниқли шоиралар:**

(чапдан ўнгга) Эътибор Охунова, Ҳалима Худойбердиева, Ойдин Ҳожиева, Гулчехра Жўраевва



кўшиб мақташлари, баъзан имтиҳон пайтлари Расул Ҳамзатов, Сильва Капутикъян ёки Эдуард Межелайтисданни ё Белла Ахмадуллинадан бирорта шеър ўқитиб (ўзбекча таржимада албатта ёд ўқирдим) имтиҳон дафттарчамга “5” баҳо қўйиб беришлари мени қанотлантириб юборарди. Абдуғафур Расуловнинг санъаткорларга хос нутқ санъати ҳаммамизни ром этиб қўярди. Баъзан дарслардан кочиб кетган пайтларимиз ҳам у кишининг дарсига қайтиб борардик.

У вақтларда шеърият кечаларига одамлар оқиб келар ва биз ҳам бу анжуманларга байрамга бораётгандек шошилиб борардик. Адашмасам, бу йилларда “Минбар шеърияти” даври бошланиб келаётган эди. Москвада Евгений Евтушенко, Роберт Рождественский, Белла Ахмадуллина, Андрей Вознесенский каби руснинг виждона нига айланиб ултурган шоирлари саҳнада 2-3 соатлаб шеър ўқир, уларнинг сўз айтиш жозибаси, воизликлари га маҳлиёлик кундан-кун ортар ва бу ҳолатнинг таъсири бизнинг юртимида ўтаётган учрашувларда ҳам сезила бошлаган эди. Биз Эркин Воҳидов, Абдулла Орипов, Рауф Парфи, Омон Матжон каби шоирлардан соатлаб шеър эшитишдан зерикмасдик. Ўз навбатида улар ҳам шеър ўқишидан чарчашмасди.

“Бу шоирлар, – деганди университетдаги бир учрашувда адабиёт ва шеъриятнинг катта билимдони, азиз домламиз (жойлари жаннатда бўлсин) Бегали Қосимов, – дарёларга ўхшайди. Гурроси, шиддатли ғалаёнлари бошқа-бошқа дарёларга. Асов дарёларга”.

Бу ҳақда адабиётимизнинг толмас, оташнафас тарғиботчилиридан бири Ҳамид Сулаймондан яна бир таъсирили гап эшигтгандим: “Сизлар ҳозир жуда гуркираб етилиб келдиларинг. Худди буғдой бошоқларидай. Шундай етилиш жараёнларида ҳар хил воқеалар ҳам содир бўлишини биз кўрдик, сизлар кўрманглар. Илоҳим, сизларни Худо ўз паноҳида асрасин”.

Адабиёт музейида (у киши музей директори эдилар) Геркулес домламизнинг (улар ҳақиқатан ҳам жуда басавлат, келишган, достон қаҳрамонларини эслатадиган одам эдилар), 3-курс талабаси билан шу қадар жиддий, самимий сухбат ўтказганлари бир умр ёдимда қолди.

Шамолдай ўтиб бораётган умримиз довонларида шоир акаларимизнинг ҳаёт йўлларини кузатиб, жаннатмакон устозларимизнинг бу эътирофлари қанчалар ҳақлигига амин бўлдим.

Халқимизнинг бу севимли шоирлари ўзбек шеъриятининг ююри поғоналарга кўтарилишида замондош ижодкорларга яловбардор бўлдилар деб иккilanмай айта оламан.

Менинг Тошкентга келиб қолишимга жаннатмакон устоз, давлат арбоби Шароф Рашидов сабаб бўлганлар. У киши Сирдарёга боргандарида “Сирдарё ҳақиқати” газетасида менинг шеърларимни ўқиб, ўша йиллардаги вилоят ҳокими Носир Маҳмудов ва газета бош муҳаррири Исмоил Сулаймоновга отам билан гаплашиб, мактабни тугатганимдан сўнг мени (унда 9-синфда ўқирдим) Тошкентта ўқишига юборишларини тайинлаб кетган эканлар. Кейинчалик бу ҳақда Исмоил Сулаймонов ўз китобларида батафсил ёздилар. Тошкентда азиз устозларим Миртемир ака, қадрли Зулфия опа, Комил Яшин каби миллатимизнинг фахр-ифтихорига айланган одамлардан кўп меҳр-муруватлар кўрдим. Ишлаш, яшаш сабоқларини олдим. Аллоҳга шукрки, менга ана шундай устозлардан таҳсил олиш саодатини берди. Шу-

нинг учун ҳам Тошкент ва Москвада таҳсил олган йилларим ҳаётимнинг энг ёрқин фасллари бўлиб қолди.

Ижодкор ўз ижодига, ҳаёт йўлига ўзи баҳо бериши кийин. Бироқ инсонда кўнгил деган нарса бор. Кўнгил – ўз соҳибининг холис ҳаками! Одам кўнгли тўлмаган нарсасини бирорга кўрсатгиси келмайди. Шу нуқтаи назардан айтишим мумкинки, мен ҳам шеърларимни кўнглим тўлгани учун нашр эттиранман. Аммо газета ёки журнallардаги айрим чиқишлиарда баъзан қандайдир камчиликлар бўлгандай, китобларимда ҳам баъзан шундай камчиликлар бўлиб туради. Демоқчиманки, ҳар томонлама мукаммал деб ўйлаган китобимни ҳали чиқаролганим йўқ. Шу туйгу ҳам инсонни ишга, ижодга ундан турса керак.

Адабиёт, назаримда, кўнгилларни занг босишдан сақлаб, поклаб турдиган тоза дарё сувларига ўхшайди. Биз маънавий кўтарилишлариз ҳеч қаёққа боролмаймиз. “Қобуснома”да “Ақл билан пул топиш мумкин, аммо пул билан ақл топиб бўлмайди” деган пурхикмат бир гап бор. Жамият биносининг қад кўтаришида маънавият пойдевор вазифасини ўтайди.

Адабиёт – кўнгил учун ишлайди. Уни дағаллашиб, тошга айланиб кетишдан сақлайди. У одамларни меҳрмуҳаббатга ўргатади. Бир-биридан тескари томонга эмас, бир-бирига пешвоз юришга ундаиди. Пешвоз юрганда ҳам биринчи қадамни иккilanмай ўзинг ташлашинг кераклигига ўргатади. Қандай севиш, қандай яшаш кераклигини ўргатиб оқаётган тоза дарё сувларидан ичмай яшаб бўладими?!?

Шу пок сувлардан бир қултум – Сент Экзюперининг “Истехком” романидан бир жумла келтирмоқчиман: “Аёл зоти севишини билдириши учун аёлнинг сояси ва аксадосига айланишга рози бўлган эркақдан нафратланади. Ўз акси билан сўзлашишнинг кимга ҳам қизиги бор. Унга сенинг “истехком” сингари мустаҳкамлигинг зарур. Зеро, ҳар бир тошингдан сенлигинг билиниб турсин”.

Дарҳақиқат, адабиёт ривожи миллат маънавияти ва келажаги учун шунчалик муҳим экан, бу соҳага янада дикқатли бўлишимиз керак. Улуғларимиздан мерос анъаналарни давом эттиришимиз ва шу билан бирга янги анъаналарга муаллиф бўлмоғимиз лозим бўлади. Курашчан қозоқ шоири Ўлжас Сулаймон ёзади: “Янги деб ҳамма янгиликларни қабул қилиб, эски деб ҳамма эскилардан воз кечиб бўлмайди. Цивилизация учун хизмат қиладиганларини олиб қолиш керак”.

Бу фикрни ҳамма масалада тадбиқ қилиш мумкин. Ҳаёлимга дастлабки китобларимдан бирида ёзган сатрларим келди:

Бундан агар эл учун,  
Келар бўлса қилча наф.  
Қилдай тилини топиб,  
Тиллашавер мард билан.

Тараққиётимиз, эртанги кунимизнинг тинчлиги, ободлиги учун хизмат қиладиган ҳар қандай анъана, қадриятларни кўз устига қўйиб сақлаш ва унинг акси бўлган ҳодисотлардан зудлик билан воз кечиш йўлларини топиш керак.

Севимли адабимиз Асқад Мухтор шундай деган эканлар: “Классика – бу шундай чукур ва пўртанили денгизки, унинг шиддатли тўлқинлари куч билан бир урилишдаёқ ҳар қандай “изм”ларни қирғоққа чиқариб ташлайди”.

Ҳақиқатан ҳам мумтоз адабиётимизнинг курдати чексиз. Ҳаммамиз шу буюк дарахтнинг илдизларидан озиқланиб оёққа турганмиз. Аммо масаланинг яна бир томони борки, юки енгил, маза-матрасиз, фикран қашшоқ шеъру ғазалларни баъзан мумтоз адабиётимизда ҳам, модерн шеъриятида ҳам учратиш мумкин.

Модерн сўзининг таржимаси “замонавийлик”дир. Замонавийликка, янгиликка ким интилмайди? Модерн кўргонларида юрган шоирларимизнинг чакмокдай чақнаган фикрлари кўнгилни ёритиб юборадиган пайтлар кўп бўлади. Бизнинг шеъриятимиз мавқеи баланд шеърият ва бу баландлик бизнинг “модерн”чиларимиз ижодида ҳам аста-секинлик билан кўзга ташланиб боряпти.

Дадил, нозик фикрловчи ёш шоирамиз Ойдиннисо мисраларига дикқат қилинг:

Шу лаҳза,  
айнан шу лаҳза  
хамма-ҳаммасидан кечаман!  
Ҳаёт йўқ,  
ўлим йўқ,  
Сеөги бор лим коса,

Юрак тўлгунча ичаман.  
Шу лаҳза,  
фақат шу лаҳза...  
Қолганини Худо билади.

Ёки:

Мен тогни сеөман  
У менга лолалар туттмайди.  
Фақат  
Мени жарликлардан  
Жимгина қизғанади у.

Ҳажман сиқиқ, лекин ўқувчини ўйга толдирувчи бу каби шеърларни модерннинг яхши намуналаридан демим келади.

Хуллас, адабиётимизни ривожлантириш учун биз жуда кўп ишларни амалга ошириш билан бирга ҳар биримиз ўз устимизда ишлашимиз, қаттиқ ишлашимиз керак бўлади. “Энг қора иш, энг тоза иш – бизнинг ишимиз”, дейди ёзувчининг меҳнати ҳақида Роберт Рождественский. Қора меҳнатдан қочмаслик фазилати оқликлар, юксакликлар беради. Биз бу фазилат билан кўзлаган манзилларимизга етиб борамиз.

## ШОИРА ҲАҚИДА

Ҳалима Худойбердиева 1947 йилда Сирдарё вилоятининг Боёвут туманида та-валлуд топган. 1972 йилда Тошкент Давлат университетининг (ҳозирги Ўзбекистон Миллий университети) журналистика факультетини тамомлаган. 1975-77 йилларда Москвада, Горький номидаги Адабиёт институтида таҳсил олган.

Шоира меҳнат фаолиятини талабалик йилларида ёқ бошлигаран эди. У 1971-75 йилларда “Саодат” журналида бўлум бошлиғи, 1978-83 йиллар оралиғида “Ёш гвардия” (ҳозирги “Янги аср авлоди”) нашириётида бўлум бошлиғи, 1983-85 йилларда “Саодат” журналида бош муҳаррир ўринбосари, 1985-94 йилларда эса “Саодат” журналининг бош муҳаррири вазифаларида ишлади. Шу билан бир вақтда 1989-94 йилларда Республика хотин-қизлар қўмитаси раиси лавозимида фаолият юритди. Кейинчалик “Санам” журнали бош муҳаррир ўринбосари вазифасида ижодий фаолиятини давом эттиради.

Ҳалима Худойбердиеванинг “Илк муҳаббат”, “Оқ олмалар”, “Суянч тогларим”, “Чаман”, “Иссик қор”, “Садоқат”, “Муқаддас аёл”, “Бу кунларга етганлар бор”, “Хурлик ўти”, “Юрагимнинг оғриқ нуқталари”, “Тўмариснинг айтгани”, “Сайлланма”, “Йўлдадирман”, шунингдек, рус тилида “Белые яблоки», “Решимость” сингари ўнлаб китоблари чоп этилган.

Шоира ижодий фаолияти давомида таржимачилик ишларида ҳам бир қатор ютуқларга эришган. Ҳусусан, унинг татар драматурги Тўфон Миннулиннинг “Алла” пьесасини ўзбек тилига таржима қилди. Бу спектакл кейинчалик Ҳамза номидаги Миллий академик театрда саҳнапаштирилиб, узоқ йиллар томошабинлар эътирофига сазовор бўлди.

Шоира Ҳалима Худойбердиева бир қатор мукофот ва унвонлар соҳибасидир. Жумладан, у Дўстлик, Ҳурмат белгиси орденлари ва Давлат мукофоти совриндоридир. 1992 йилда ўзбек адабиётига қўшган ҳиссаси учун “Ўзбекистон халқ шоири” унвонига муносиб деб топилди.



**Халима ХУДОЙБЕРДИЕВА**

# Мен шеър айтсал, айтмадим тил учинда

## МАШЬАЛА

Ҳақиқат машъаласини  
Кўтарган қўлларим куйди.  
Қайта-қайта босилган-у,  
Кўкарган йўлларим куйди.

Қанчалаб ойларим куйди,  
Қанчалаб йилларим куйди.  
Сочим тўлқини минг тола,  
Минг тола қилларим куйди.

Гоҳ дўстларим тонди ҳақдан,  
Нажотлар кутдим фалакдан.  
Бўлолмай ҳақ билан яктан,  
Айттолмай тилларим куйди.

Машраб додлаб елар менда,  
Усмон бежо кулар менда,  
Куюк иси келар мендан,  
Вужуду дилларим куйди.

Бу машъала куйиб кетган,  
Кафтиларимда илдиз отган.  
Ўт кўтариб кетаётган,  
Бўйсунмас қўлларим куйди.

Шундай яшаб ўламан мен,  
Дейман тушиб чўкка – қасам!  
Ерга қасам,



Кўкка қасам!

Қай кун машъал кўтармасам  
Шул кун кетган бўламан мен.

Ҳақиқат машъаласини  
Кўтарган қўлларим куйди...

## АЁЛ ЎТИБ БОРАР

Сен сўрама, мен ҳам айтмайин,  
Курагимнинг синганини қарс.  
Шовқин солма, мен уйготмайин,  
Юрагимда ётар бир йўлбарс.

Баланд бир ўт ёнган ичимни,  
Мен совутиб яшашим керак.  
Ўз-ўзимига сарфлаб қучимни,  
Мен овутиб яшашим керак.

Аёл ўтиб борар, шўх юриб,  
Шамолларда соч ёйган аёл.  
Ич-ичида йўлбарс ўкириб,  
Сиртдан майин жилмайган аёл!

## БИЛМАСЛАР

Кўрдим қишилоқ, гўзал шаҳарлар кўрдим,  
Оҳорлари кетиб борар, билмаслар.  
Жамалаксоч пари-пайкарлар кўрдим,  
Баҳорлари кетиб борар, билмаслар.



Тугмак бўлса етмас белбоз учлари,  
Дунё молин маҳкам тишлар тишлари.  
Боғларининг ширинзабон қушлари,  
Олқорлари кетиб борар, билмаслар.

Отлари-я, қорабайир отлари  
Гижинглайди, деб ўйласам, додлади.  
Ёли бўрон бўлганлигин ёдлади –  
Шунқорлари кетиб борар, билмаслар.

Кузатиб бу дунёning ўр-қирини,  
Билмай қолдим келмак-кетмак сирини.  
Ёлғон ёрлар ялашиб бир-бирини,  
Чин ёрлари кетиб борар, билмаслар.

Чарсиллаган бир ўт ёнар ичимда,  
Мен шеър айтсан, айтмадим тил учинда.  
Бу талотўп, қув-қув, чоп-чоп ичинда,  
Ҳалима ҳам ўтиб борар, билмаслар.

### БАРГ ТУШИБДИ ЕРЛАРГА

Онам ўлди. Бор дарёлар  
Қурийди деб қўрқдим мен.  
Бутун олам қора кийди,  
Қўк кийди деб қўрқдим мен.

Ҳар гуллаган боғчаю боғ,  
Ўт олгайдир мен кирган чоғ.  
Рух, вужудим бошдан оёқ  
Чўғ кийди деб қўрқдим мен.

Тошлар синдириди шонамни,  
Ажсал чопди пешонамни.  
Энди қушлар фақат гамни,  
Чўқийди деб қўрқдим мен.

Қаролиглар шамни енгди,  
Тўзгинликлар гамни енгди.  
Кўзим фақат гамни энди  
Ўқийди деб қўрқдим мен.

Аммо...  
Ё Ра-а-аб!  
Гул-гул, қуши-қуши.  
Барг тушмади ерларга.



Мен кезарман танҳо, беҳуши  
Тушунмай бу сирларга...

Онам ўлди. Бор дарёлар  
Қурийди деб қўрқдим мен.



### КЎЛ

Кўнглингиз бир уйдир ланг очик,  
Ўтган-кетган кираверади.  
Менинг кўнглим – кўзи ёшли жиқ,  
Бу ҳолатни кўраверади.

Кўнглингиз бир ойна – очик, ланг  
Ўтган-кетган ороланади.  
Бу ҳолатдан менга тегар санг,  
Менинг кўнглим яраланади.

Кўнглингиз – кўл. Тозармоқ учун  
Оромини бузгиси келмас.  
Менинг кўнглим эса балиқ – жисим  
Лойқа сувда сувгиси келмас.

Ишқ деганинг кўприклиари қил,  
У етгайдир – оҳи етганга.  
Балиқлари ташлаб кетган кўл –  
Бир кун қолар ўтган-кетганга.

### ЕРДА ҚОЛГАН СЎЗЛАРИМ

Ўзни урдим ўтгаю чўқقا,  
Кимга ботдим,  
Ким менга ботди.  
Гоҳ байроқдай юксалдим кўкка,  
Гоҳо поймол ерларда ётдим.

Давом этгай ҳали бу жсангим,  
Бас келгайман зару зўрларга,  
Қанотимдан айирма, Тангirim,  
Киргунимча қаро гўрларга.

Киргандада ҳам тинмас бўзларим,  
Бўлар улар шараф ё шарап.  
Менинг ерда қолган сўзларим,  
Болаларни кўкка кўттарар!



# ИЖОД – МАЪНАВИЙ ХОДИСА...МИ?

*Бундан салкам 50 йил аввал сўз санъаткори Абдулла Каҳҳор Ўзбекистон халқ ёзувчиси Ўткир Ҳошимовнинг “Чўл ҳавоси” қиссасини ўқиб: “Бирдан лов этиб аланга билан бошланган ижоднинг келаҗаги порлоқ бўлади. ...Шу аланга ҳеч қачон пасаймасин, ижодингиз ҳеч қачон тутамасин!” деб тилак билдирган эди.*

*Орадан йиллар ўтди. Буюк Абдулла Каҳҳорнинг дуолари ижобат бўлди. Ўзбек адабиётида ёзувчи Ўткир Ҳошимов қаламига мансуб гўзал қиссалар ва ҳикоялар пайдо бўлди. Бу асарлар асосида суратга олинган видеофильмлар йиллар давомида зангори экрандан тушмай, халқимизнинг олтин меросига айланди. Уруши деган балонинг инсон ҳаёти ва руҳиятидаги тажсовузкорона “акси” – “Икки эшик ораси” романида моҳирона “чизиб” берилди. Ўтган асрда халқимиз бошига тушиган фожеалар, адолатсизликлар ва бунинг оқибатида топталган тақдирлар “Тушда кечган умрлар” романида акс эттирилди. Ёки...*

*Бир сўз билан айтганда, “аланга пасаймади”. Ишонамизки, ўзбек китобхони бу “аланга” тафтидан ҳали узоқ йиллар баҳраманд бўлаҗасак.*

*– Адабиёт инсонни бедорликка ундаиди. Тириклик пучмоқларидан маъно, моҳият ахтаришга ўргатади. Бу “ахтариш” жараёни эса инсонга ўзини танитади. Зоро, ўзни танимоқ, Ўзликни англамоқдир! Шу маънода, ҳақиқий ижодкор руҳият муаллимидир.*

*Чинакам бадиий асар ўқувчи руҳиятини юксалтиради. Ҳаяжонга солади. Асар қаҳрамони йиғласа қўшилиб йиғлайди, изтироб чекса у ҳам изтиробга тушади. Китоб ўқувчининг ҳаётига, ўқувчи китоб саҳифаларидағи “ҳаёт”га араплашиб кетади. Сиз ёзисизки, “Шундай асарлар ёзсангки, китобхон уни ўқиганда ҳамма нарсани унумтса. Асар қаҳрамонлари ҳаёти билан яшаса. Қувонса, изтироб чекса...”. Назаримда, бу орзуга эришиш ёзувчи учун энг буюк баҳт ва энг юксак натижка бўлса керак.*

*Бугунгача ёзган китобларингиз ичидаги ана шундай “натижага” эришгани қайси деб ўйлайсиз? Умуман, сўнгги йилларда адабиётимизда сизни ўқувчи сифа-*





## **тида ҳаяжонга солган, ёзувчи сифатида ҳавас үйғотган асарлар пайдо бўлдими?**

– Саволингизнинг биринчи қисмига мен эмас, китобхон жавоб қилгани маъқул. Менга қолса, иккита ҳакам – Китобхон ва Вақт синовидан эсон-омон ўтган асар – ҳақиқий асар бўлади. Саволнинг иккинчи қисмига келсак... Оқсан дарё оқаверади. Адабиёт асарлар давомида яшаб келган ва бундан кейин ҳам яшайверади. Ўқувчини ҳаяжонга солаётган асарлар бор. Бирини айтсан иккincinnи хаёлдан кўтарилиб, укаларим ва сингилларимни ранжитиб қўйишдан истиҳола қиласман. Ёзувчилар боғида бўлган ёшлар семинарида жуда пухта шоирлар ва ёш адиблар борлигини кўриб, бошим осмонга етди...

– **Сизнинг асарларингиздаги қаҳрамонларнинг аксарияти хатолари учун жазо тортишига маҳкум этилган. Мисол учун, “Баҳор қайтмайди” қиссасидаги Алимардон, “Икки эшик ораси”даги Раъно ёки “Тушда кечган умрлар”даги Комиссар. Ёзувчи қаҳрамонларига “жазо тайинлаш”да ўз руҳиятидан келиб чиқадими ёки воқеалар силсласи буни тақозо қиласми?**

– Сиз айтиётган асар қаҳрамонлари қисмати анчайин мураккаб. Агар муаллиф “дунёда яхшилик тақдирланади, ёмонлик жазоланади”, деган қадимиий ақидани шиор қилиб олса, у насиҳатгўйга айланиб қолар эди. Асар ёзилаётганида қаҳрамонлар муаллиф бошида ўйлаган “кўча”дан эмас, бутунлай бошқа томон юриб кетиши мумкин. Менга деса Алимардон тирик қолса ҳам асарнинг таъсир кучи пасайиб қолмас эди. Бироқ у сиз билан мен ўйлагандан кўра мураккаброқ шахс. Унда худбинлик билан бирга мардлик ҳам бор. У бирордан мағлуб бўлиб яшагандан кўра ҳаётдан кетишини афзал кўради. Уни мен эмас, ўзи ҳалок қилди. “Тушда кечган умрлар”даги Комиссар эса етмиш йиллик зулм салтанатининг тимсоли. Оддий эмас, ўта хавфли манқурт! Энг муҳими, ўқувчи асардаги одамлар (“персонажлар” эмас, айнан ОДАМЛАР) қисматига ишонса, ҳаяжонга тушса, адига шуниси керак!

– **XX асрни қаритган “...изм”лар инсоният бошига мислсиз кулфатлар келтириди. Инсон руҳи, қалби ва маънавияти сиёсий мағкурунинг қулига айлантирилди. Ғайриисломий ва гайриинсоний гоялар доялигига “пионер”, “комсомол”, “коммунист” сингари мавжудотлар туғилди. Мавжуд сиёсий мағкура билан “озикланиб” улгайган бу авлодлар гўёки одамиятнинг идеал вакилларига айланди. Табиийки, ана шундай вазиятда бу “вакиллар” уруш майдонларидан, меҳнат лагерларидан, чўлу саҳролардан бадиий китоб саҳифаларига кўчди. Адабиёт қаҳрамонларга айланди. Айни ҳолат ўзбек адабиётида ҳам шаклан миллий, мазмунан “...изм”лар гоясини тараннум этувчи асарлар пайдо бўлишига олиб келди.**

Бугун бу ачиқ тарихни эслаб, ҳеч кимни маломат қилмоқчи эмасмиз. Зоро, ҳақиқий ёзувчи ўз даррининг виждан, миллатининг овозидир! Агар бу “виждан” оғримаса, агар бу “овоз” ёлғон оҳанглар таратсан... бу энди бошқа масала. Айтмоқчи бўлганимиз: не тонгки, ўзбек адабиётида ана шу гоявий ур-сурлардан омон чиқсан асарлар талайгина. (Бу – ниҳоятда жиддий ва

қувонларли ҳолат) Жумладан, сизнинг асарларингиз ҳам бу долғали давр синовларидан деярли талофатсиз чиқди. Албатта, бу ҳақда адабий танқидчиларимиз ҳам анча-мунча ёздилар. Уларнинг эътирофича, бу ёзувчининг ростгўйлиги билан боғлиқ экан. Айтинг-чи, ёзувчининг “рост ёзиши” дегани нима ўзи?

– Ҳозир мен учун энг муҳим ва энг қийин жараён – танланган асарларни танлаш бўлаётир. Ижод дегани бетакор бўлмоғи керак. Роман ва қиссалар, сахна асарлари ва ҳикоялар, ҳажвиялар ва бадиалар орасидан энг яхшиларини танлаш ва улар бир-бирини таҳорламаслиги шарт. Яратганга шукроналар қиласман: бадиий асарларнинг ҳаммаси иложи борича Инсон ҳақида, унинг қисмати ҳақида ёзилган экан! (Уларнинг бадиий савияси ҳар хил бўлиши мумкин, энг яхшилари, яъни бугунги китобхонни ҳам ўйлатадиганларини танлаш керак). Хуллас, ўша асарларни қайта кўрганимда бутун-бутун бобларни қайтадан ёзиш, айрим қаҳрамонлар қисматини “ўзгартириш” ёки асардан умуман чиқариб ташлаш зарурати бўлганий йўқ. Бироқ ўша пайтдаги айрим тушунча ва сўзларни тўғрилаш керак бўлди. Дейлик бугунги китобхонга “телефон будкаси”, “телефон трубкаси”, “автобус тўхташ жойи”, “студент”, “иккincinnи курс”, “район”, “узел”, “участка”, “перашка” деганга ўхшаш сўзлар бегона. Аммо булар шунчаки, йўл-йўлакай тузатиладиган деталлар холос.

Ростгўйлик масаласига келсак. Бу принцип бизнинг авлодга Қаҳҳор домла ва Озод домлапардан юқсан. Абдулла Қаҳҳорнинг яхши таъбири бор, эшигтансиз: “Адабиёт – атомдан кучли, унинг кучини ўтин ёришга сарфламаслик керак”. Устознинг тағин бир гўзал ташбеҳи бор эди. “Ҳақиқий ёзувчи СЎЗни тонналаб олиб, граммлаб сотади!” Бунга ким қанчалик эришгани ёки эришмаганини айтолмайман. Бироқ асарда ҳар бир сўз, ҳар бир жумла маъно ташиши ва жаранглаб туриши керак.

– **Ижодкор деган номга муносиб бўлиш учун аввало истеъодод керак. Истеъодод дегани эса пулга сотилмайди ёки уни ўқиб ўзлаштириб бўлмайди. Бу жиҳатдан ёзувчилик қалб амри билан боғлиқ жараён. Шунинг учун бўлса керак, ёзувчиликни “кўнгил иши” дейдилар. Ҳарқалай, адабиётимиз даргалари ана шу ақидага биноан фаолият юритганлар. Яъни, бу зотлар бошқа касб билан тириклил қилиб, бўш вакилларида “кўнгил иши” билан машғул бўлишган. Дарвоқе, улар “кўнгил иши” учун бироевдан қалам ҳақи ҳам олмаганлар. Аммо кейинчалик ёзувчилик том маънода ижтимоий-маънавий масалага айланаб қолди...**

– Ижод – чиндан кўнгил иши. Ҳақиқий ёзувчи Худо кўнглига солганини ёзади. Сўзнинг илоҳийлиги, бадиий ижодининг қудрати ҳам шунда. Тўғри, Алишер Навоий ҳазратларидан тортиб Махмургача барча ижодкорлар бирон давлат ишида фаолият кўрсатган ёки маълум ҳунар эгаси бўлгандар. Муқимий хаттот, Гулханий ҳунарманд, Завқий маҳсидўз, Оғаҳий мироб, Аваз Ўтар сартарош, Махмур сарбоз бўлган. Бироқ ҳақиқий ижод ҳеч қачон “шахсий масала”, “кўнгил иши” бўлиб қолган эмас. Агар шундай бўлса, шоир ёзган шеърини ўзи севган маҳбубасига, адига эса романини улфатла-



рига ўқиб берса, шу билан кифоя қилган бўлур эди. Қаламкашлар асарларини китоб қилиб чиқариб овора бўлиб юрмасди.

Энди саволингизнинг иккинчи қисми – ижод ахли меҳнатини рағбатлантириш масаласига келсак. Ҳазрат Навоий билан шоҳ Бобурга тил теккизмай қўя қолайлик. Навоий ҳазрлатлари улкан салтанатнинг бош вазири бўлгандар. Вақти келса, сulton Ҳусайн Бойқаронинг ўзи ҳам Мавлонодан қарз олиб тургани ҳақида гап-сўзлар юради. Бобур эса ўз номи билан шоҳ бўлган. Бинобарин, улар қалам ҳақига эҳтиёж сезмаганлар. Бундан ташқари, ушбу алломаларнинг асарларини хаттотлар нари борса, юз нусха, минг нусхада кўчирғанлар. Сиз айтган бошқа шоирлар ҳам қалам ҳақи нималигини билмаганлар. Аммо айтинг-чи, кўзи тириклигига Гулханийнинг нечта китоби чоп этилган? Муқимийнинг-чи? Оғаҳий, Завқий, Аваз Ўтар, Махмурнинг нечта китоби неча минг нусхада чиқкан ва неча юз мингга сотилган?

Бугунги кунда китоблар (ҳақиқий бадиий асарларни назарда тутаяпман) ўн минглаб нусхада чоп этилиб, миллионларга сотиляпти. Яъни, китоб – товарга, товар эса – пулга айланяпти. Бу – табиий ҳол. Адид асар ёзмаса, нашриётга олиб бормас эди. Нашриёт уни китоб қилиб чиқаришдан моддий манфаат кўришга кўзи етмаса, таҳрир қилмасди. Матбаа корхонаси фойда кўрмаса ўн минглаб, юз минглаб нусхада чоп этмасди. Китоб савдоси фойда кўрмаса, “эркин нарҳда” сотмасди. Демак, ёзувчининг “кўнгил иши” факат маънавий эмас, моддий бойликка ҳам айландими? Унинг меҳнатидан бошқалар ҳам озми-кўпми наф кўрятими? Шундай экан, китобдан бошқалар қатори муаллиф ҳам моддий манфаатдор бўлишга ҳақли. Негаки асарни йўқ жойдан бор қилган муаллифdir.

Жаҳон қонунчилигига, жумладан “Муаллифлик хукуки ва турдош хукуқлар тўғрисида”ги Қонунда муаллифга китоб номинал баҳосининг ўн фоизигача ҳақ бериш мумкин, деган мезон бор.

Бугун ҳамма ерда бўлгани каби бизнинг мамлакатда ҳам китоб нашр этиш бутун бир индустряяга айланган. Бу эса ёзувчилик қандайдир “шахсий юмуш” эмас, жиддий, маънавий, ижтимоий ҳодисага айланди, дегани. Негаки, китоб ўн минглаб хонадонларга кириб боради ва китобхонлар онгини шакллантиради.

**– Ўтқир ака, ростини айтсан, юқоридаги мулоҳазаларни энди берилажак саволга замин ҳозирлаш учун айтган эдим. Ҳақиқатдан ҳам ёзувчилик “шахсий юмуш” эмас. Чунки бу “юмуш” ўн минглаб хонадонларга кириб борар экан, энди у ижтимоий-маънавий аҳамият касб этади. Агар мана шу талаб нуқтаи назаридан қарайдиган бўлсак, кейинги пайтларда пайдо бўлаётган айрим “асар”лар кишини ташвишга солади. Дейлик, ҳамёни бақувватроқ бир ўртоқ “кўнгил иши”да – “роман” ёзади. Харобгина “роман”ни нашриёт муҳаррири “уҳ” тортма-тортма таҳрир қилиб чиқади. Матбаа корхонаси чоп этади. Китоб савдоси “роман”ни сотади. Қарабисизки, “асар” китобхонга етиб боради ва... энди, натижани сиз айтинг.**

– Адабиётимиз равнақи учун муҳим аҳамият касб этадиган босқич, бу – қаламкаш ва нашриёт-

нинг алоқаси масаласидир. Бугунги кунда Республика измизда ўнлаб нашриётлар, юзлаб босмахоналар фаолият кўрсатмоқда. Қонунга биноан лаёкатли ҳар бир юридик ёки жисмоний шахс ноширлик фаолияти билан шуғулланишга ҳақли. Оммавий ахборот воситалари сингари нашриётлар ҳам кўп бўлгани яхши. “Шарқ” нашриёт-матбаа акциядорлик компанияси, “Ўзбекистон”, “Янги аср авлоди”, Faafur Ғулом номидаги ва бошқа нашриётлар билан бир қаторда бир қанча нодавлат ва хусусий нашриётлар ҳам бор. Инсоф билан айтганда, уларда ҳам яхши-яхши китоблар нашр этилмоқда. Масалан, “Мумтоз сўз” нашриётида...

Афсуски, ноширлар орасида бозор бошида ўтириб олган чайқовчиларни эслатадиганлари ҳам йўқ эмас. Юқорида айтилган, ёзувчиликнинг кўчасига кирмаган “адиб”ларнинг бозорини чаққон қилаётгандар шундай ноширлардир. Улар эшиқдан кириб келган муаллифнинг истеъоди, ёзган асарининг бадиий кувватига эмас, чўнтағига қараб баҳолайдилар. Бир танишим шундай нашриёт директорининг хонасига кириб, тасодифан гувоҳи бўлган ҳангомани айтиб берган эди.

Шундай қилиб, башанг кийинган бир одам хонага киради ва директорга “зўр роман” ёзиб ташлаганини, шуни тезроқ ва чиройлироқ китоб қилиш кераклигиги, тахминан беш минг нусхада чоп этишнинг “харожати” қанча бўлишини сўрайди. Нашриёт раҳбари китоб ўртачароқ ҳажмда бўлса, шунча тираждаги нашр баҳоси тахминан фалон сўмларга тушишини, шунинг учун ўн беш-йигирма фоизини олдиндан “предоплата” қилиш лозимлигини айтади. Бояги “классик адид” дипломатидан бир салапан халта пул чиқариб, “мана, ўша “предоплата”, уч ойда китобимни чиқарсангиз, қолганини оласиз”, дейди.

Билмадим, балки бу анчайин ошириброқ айтилган гапдир. Қолаверса, бозор иқтисоди шароитида ноширларга ҳам осон эмас. Жамоага маош бериши, қозосотиб олиши керак, яна аллақанча харажатлар бор. Лекин у “роман” кўлтиқлаб келган ўша “жаноб”дан “барака топтур, ўзингиз кимсиз, аввал бирон сатр ёзганмисиз, кўлёзмангизни ким ўқиди, ким тавсия қилди?” деб сўраши керак-ку! Ё буёғи “така бўлсин, сут берсин”ми? Ўша романнавис муаллифда Худо юқтирган истеъоддод бўлса-ку, ҳалоли бўлсин! Истеъодд бўлмаса-чи? Роман ёзиш ғиши қуиши эмас-ку! Лев Толстойдек даҳо адид етмиш йил фаол ижод қилганига қарамай нима учун бор-йўғи учта роман ёзган? Хоҳласа, етмишта романни қойил қилиб ташлаши мумкин эди-ку! Ўзимизнинг устозлар – Абдулла Қодирий, Ойбек, Абдулла Қаҳҳор, Faafur Ғулом, Сайд Аҳмад, Аскад Мухтор, Шуҳрат домла, Ҳамид Ғулом, Мирзакалон Исмоилий, Одил Ёкубов, Пиримқул Қодиров, Үлмас Умарбековлар ҳам хоҳласа беш-ўнтадан роман қолдириши мумкин эди-ку! Нега бундай қилишмаган? Гап шундаки, роман ёзиш учун роман тафаккури, роман қамрови керак. Қолаверса, уч юз ёки беш юз саҳифанинг ҳаммасини баб-баравар ёритиб турадиган қалб алангаси керак! Китобхонни ларзага соладиган инсонлар қисмати, ҳалқ ва жамият ҳаётининг катта қатламини тасвирлаш зарур. Охир-оқибат ўша асар китобхоннинг маънавий мулкига айланиши керак. Бадиий адабиёт дегани шунчаки “шахсий кузатувлар” ёки олди-қочди “воқеанавислик” эмас!



Устоз Абдулла Қаҳҳорнинг бир гапи бор эди. “Учувчиликни билмаган одамни самолёт штурвалига яқин йўлатмайдилар. Аммо ёзувчиликнинг кўчасига кирмаган одам “асар” ёзиб ташласа, ҳеч кимнинг иши йўқ!” Истеъододи мундайроқ бўлса ҳам “кўли узун ёзувчи”нинг “шедевр” китобини қандай қисмат кутади? Бу ҳолат икки хил бўлиши мумкин: китоб чиққач, йиллаб дўконларда чанг босиб ётади ёки аксинча, муаллифнинг “таъсири” билан сотилиб кетади. Аммо ҳар икки ҳолатда ҳам бундай “ижод намунаси”нинг фойданан кўра зарари кўпроқ бўлади. Сабаби, у китобхонни ҳақиқий адабиётдан чалғитади. Халқа маънавий зарар келтиради. Шу китоб ўрнига босилиши мумкин бўлган бошқа истеъододли асарларнинг йўлини тўсади. Буниси ҳам маънавий заардан бўлак нарса эмас.

“Самиздат” деган тушунча бошқа мамлакатларда ҳам бор. Майли, кимдир “ном қолдириш” учун китоб чиқармоқчи экан, бунга йўл бериш керакдир. Бироқ бунақа китоблар истеъододли қаламкашлар, айниқса ёш ижодкорларнинг асари ўрнига чиқмаслиги керак.

Юртбошимиз таъкидлаганидек, “Бугунги кунда нашриётларга тўла эркинлик берилган, уларнинг фаолиятига ҳеч ким четдан туриб араплаша олмайди. Лекин ана шу эркинликни тўғри тушуниш, масалага масъулият билан ёндошиш даркор. Яъни, фақат иқтисодий манфаат ортидан қувиб, бадиий жиҳатдан заиф, миллий маънавиятимиз, қадриятларимизга тўғри келмайдиган, адабиётнинг обрўсини туширадиган китоблар нашр этилишига йўл қўймаслик керак!”

Кўпчилик қаламкашларни ташвишга солаётган бу масалага давлатимиз раҳбарининг ўзи бу қадар ойдинлик киригтани жиддий гап!

Албатта, сўз эркинлиги, ҳурфиқрлик улуғ тушунча. Бу ўринда гап тақиқлаш, “цензура қилиш” ҳақида кетаётгани йўқ. Бироқ истеъододи борми-йўқми, хоҳлаган одам хоҳлаган “асарини” ёзаверса, хоҳлаган ношир хоҳлаган китобини босаверса, хоҳлаган “савдо ходими” хоҳлаган китобини хоҳлаган жойида “эркин нарх”да сотоверса, булар маънавиятга қандай таъсир қиларкин?

**– Модомики, ўқувчига асар тақдим қилиш, китоб нашр этиш жараёни шу қадар масъулиятили экан, энди тайёр китобни сотиш муаммоси ҳам чакана масала эмас. Зоро, миллат маънавиятига, маърифатига дахлдор масалаларга шунчаки қараб бўлмайди.**

– Китоб савдоси – адабиёт тараққиётида мухим рол ўйнайдиган масала. Тан олишимиз керак, китоб савдоси соҳасида ҳам муаммолар етарли. Албатта, китоб савдосини тўғри ва оқилона йўлга қўйган ташкилотлар йўқ эмас. Масалан, “Шарқ зиёкори” китоблар маркази фаолияти кўп томонлама ўрнак бўларлидир. Бу ерда “Шарқ” нашриёт-матбаа акциядорлик компанияси баш таҳририяти томонидан чоп этилган китобларгина эмас, бошқа нашриётларнинг маҳсулотлари ҳам сотилади. Марказнинг ҳамма вилоятларда бўлимлари

бор. Ҳозир Тошкентдаги бир неча олий ўқув юртларида китоб савдоси ташкил этилмоқда. Муҳими, марказ тасарруфидаги тармоқларда китоблар қатъий белгиланган нарх билан сотилади. Бу масалага алоҳида тўхталишга тўғри келади.

“Баҳоси эркин нархда” деган, бош-кетининг тайини йўқ тушунча мавжуд экан, одамларга маъқул китоблар савдосида мантиқа зид вазиятлар пайдо бўлаверади. Ноқулай бўлса ҳам бир мисол айтишим мумкин. “Шарқ” компаниясида чоп этилган бир китобимнинг “номинал баҳоси” икки ярим минг сўм деб белгиланган эди. “Шарқ зиёкори”дан ўзим ҳам шу баҳода сотиб олдим. Орадан кўп ўтмай, шаҳар марказидан тахминан беш чақирим наридаги бир жойда шу китобнинг ўзи етти минг сўмдан сотилаётганини кўриб ҳайрон қолдим. Тасаввур қилинг, китобни бир дўкондан сотиб олиб, нарироққа бориб сотаётган “ишбилармон” ҳар бир китобдан уч ҳисса “даромад қилса” ва бу бир неча йил ижод қилиб, асар ёзган муаллиф олган қалам ҳақидан анчагина кўп бўлса, ғалати туюлар экан. Яна талай эл севган адаб ва шоирларнинг китоби ҳам турли жойларда икки-уч ҳисса қимматига пулланаётганини кўрдим. Албатта, кимдир сенинг меҳнатинг мевасидан озми-кўпми манфаатдор бўлса, Худога шукр қилмоқ керак. Бироқ инсоф сари барака, деган гап ҳам бор.

Менга қолса (бошқа ҳамкаслар ҳам бу фикрга қўшилади, деб ўйлайман) китобим қанча арzonроқ сотилиб, қанча кўпроқ ўқувчига етиб борса, шунча яхши. Демоқчиманки, китоб савдоси масаласида ҳам тўпланиб қолган анча муаммолар бор. Мамлакатимизнинг чеккароқ шаҳар ва қишлоқларида китоб дўконлари йўқлиги, борлари ҳам ёпилиб, ўрнига бошқа нарсалар сотиладиган савдо “точкалари”га айланаб кетгани жуда жиддий муаммо. Китоб нархини назорат қилиш ҳам аллақачон этилган масала. Бу ўринда “бозор иқтисоди”нинг “эркин нарх” деган тушунчasi ўзини оқламайди. Жаҳон тажрибасидан ўргансак бўладиган мисоллар бор. Дейлик, Германияда ҳар йили аҳоли жон бошига ўртacha юз долларлик китоб харид қилинади. (Катталар ва болалар адабиётини қўшиб ҳисоблаганда). Энг муҳими – у ерда китоб қатъий нарх билан сотилади. Худди аптекадаги доридармонларни белгиланганидан қиммат сотиш мумкин бўлмагани каби китобни ҳам “устама нарх” қўйиб пуллаган сотовучи қонун олдида жавоб беради! Менимча, бу тажрибани ҳам ўргансак зарар қилмайди.

Хуласа қилиб айтиш мумкинки, қаламкашлик шунчаки ҳавас учун қофоз қоралаш эмас. Адабиёт – ҳали айтганимиздек жиддий маънавий-ижтимоий ҳодиса, маънавият биносини тутиб турган устунлардан бири. Ижодкор эса худди қадими юон афсоналаридағи атлантлар каби ўша устунни елкасида кўтариб туришга маҳкум. Зоро, ижод – вақти-вақти билан сайрибоғ қилинадиган “шон-шухрат” гулшани эмас, завқли, айни пайтда оғир ва масъулиятили юмушдир.

**Суҳбатдош: Алишер НАЗАР**



**Абдуғафур РАСУЛОВ,**  
филология фанлари доктори,  
ЎзМУ профессори


## ОЙДИН ШЕРГИЯТ

Асл шеър назмнинг тоза, сара таърифини кашф этади, бойитиб боради. Шеърни кўриш, таниш, англаш, фарқлаш, қиёслаш, солиштириш учун зурафога ўнларча ҳар хил кўз керак бўлади. Бундан ўттиз йиллар муқаддам истеъдодли, авангард рассомларимиздан бирининг танадаги ўндан ортиқ кўз тасвирланган асарини кўриб ҳайрон қолгандим. Ҳозир шеър бўстонига кирган шеърхонга табиий кўзнинг ўзи камлик қилиб қолди. Шеър ортида турган шоирни англаш, тушуниш, солиштириш учун ҳар хил кўзлар даркор бўлмоқда. Шеър космос аломатларини, хаос мураккабликларини, “тирик сайёра” руҳидаги ингичка тебранишларни ҳам тасвирлайди. Талқин, таҳлил, баҳолаш, саралаш учун ақл элчилари – кўплаб кўзлар зарур.

Ҳеч ким кўлламаган қиёс, тимсолни кўриш, тасвирлаш – шоирликнинг муҳим синовларидан. Ўзбек шеъриятида нозик дидли, бетакрор кўриш қобилиятига эга шоирлар кўп. Шулардан бири ҳозирги ўзбек шеъриятининг истеъдодли вакиласи Ойдин Ҳожиевадир.

Ойдин Ҳожиева шу пайтгача “Шабнам” (1970), “Манзиллар” (1971), “Мен севган кўшик” (1972), “Заркокил қиз ва куёш” (1972), “Орзу гули” (1975), “Наво” (1977), “Тароват” (1978), “Достонлар” (1980), “Тамал тоши” (1980), “Мушфиқ онажон” (1982), “Чашмаларни излайман” (1987), “Ишонч юлдузлари” (1989), “Кўзимнинг оку қораси” (1996), “Паноҳим” (1998) сингари тўпламларни нашр этирган. Ярим асрdirки, унинг кўлидан қалам тушмайди: мақолалар ёзади, шеърий, насрый асарлар яратади, бош мухаррир сифатида юзлаб кўлэзмаларни саралайди, “Саодат”, “Гулчехралар”га илинади. Шоира толмас тарғиботчи: адабий учрашувларда қатнашади, Ёзувчилар уюшмаси тадбирларида иштирок этади. Юрт кезади. Истиқпол самараларини кўзи билан кўради, замондошлар билан сухбат куради.

Шоирининг “Шом шуълалари” сайланмаси – умр китоби, юзлаб тақдирларнинг нозик портрети, оҳанглар олами, ранглар жилолари, яқин-йироқ воқеа-ҳодисаларнинг шеър шаклида намоён бўлиши, Истиқпол, Истиқбол,



шуро замонининг жабрдийда Сиймолари асосий қаҳрамон бўлган чўнг китоб.

Шоира одамлар ҳолати, бўрон учирган юрт кўринишини топиб-топиб, ўхшатиб-ўхшатиб тасвирлайди. “Инглай-йиғлай сўқир бўлди булоқлар”, “Гуллаб-гуллаб тақир бўлди гулбоғлар”, “Қирғоқлар ҳијрон хатини ўқииди” (251-бет). Сўқир булоқ, тақир гулбоғ, сувидан жудо бўлган қирғоқ...

Донишмандлик шеъриятида вақт, замон, он, фурсатга ҳамиша эътибор берилган. Замон – катта тушунча. У миллиардлаб йилларни қамрайди. Унинг маҳсус атамалари, ...дан ...гача чегараси бор. Шоира донишмандлик шеъриятига ўз улушкини қўшади:

Фурсат – олтин чиғириқ,  
Замон момо иш эшар.  
Минг йилларнинг нуқтаси  
Урчуғида тулашар.

“Момо” деган сўз замонга, фурсатга аниқлик киритади. Чиғириқ, урчуқда мангу ҳаракат жараёни акс этади. Замон момо ҳеч қачон ҳаракат билан боғлиқ тушунчалар (чиғириқ, урчуқ, эшмоқ)дан воз кечмайди. “Олтин”, “нуқта”, “минг йил” – замон бекатлари.

Ойдин ёзади:

Қиз тушган маконга дилдан йўл қолур,  
Бешикда гувраниб она тил қолур,  
Ва ишонч кўргони – хуш манзил қолур,  
Ёр кўкси қиз учун бир Қуддус экан...

Аёл руҳияти – миллий бетақрорлик билан узвий боғлиқ. Шоира атайнин муқаддас Қуддус номини таъкидлади. Қуддус кўплаб пайғамбарлар яшаган, мангу макон топган маскан. Бу ерда динлар, олиҳиммат қарашлар тувашиб кетган.

“Шом шуълалари” сайланмасидаги лирик қаҳрамонларнинг аксарияти сал кам ярим аср шуро ҳукмронлиги даврида яшади. Ҳўрлик, қадрсизлик, қарамлик азобини торта-торта халқнинг суяклари окара борди. Ватанда беватанлик туйғуси инсонни ич-ичидан емирап-



ди. Элнинг ардоқли сиймолари – санъаткорлар, арбоблар, олимлар, мангу музлик билан қопланган жойларга бадарға қилиндилар:

*Кўзлари кўр замона,  
Қулоги кар замона,  
Қарбонлик сўраб ўтган  
Қизил аждар замона...*

Шоира ижодида чақмоқдай чақнаган, момогулдурақдай гумбирлаган, селдай тошиб келган шеърлар кўп. Уларни ўқиркан, шеърхон лирик қаҳрамон руҳиятидаги изтироб, зиддиятларни дилдан ҳис қиласди, кўзларида ўт чақнайди:

*Нега қайчи орасида  
Қолаверар менинг жоним?  
Изтироблар кўрасида  
Ловуллайди устухоним.  
Қулогим кар, кўзларим кўр  
Бўла олмай чингилтобман,  
Кўрдим магар бир бешуур,  
Бедорхобману бетобман.  
Нега ростин айтсан, бот-бот  
Тилим куяр, кўлим куяр?  
Гоҳ соддадил мен бесавод  
Ўтга уриб, кўлим куяр?*

Ойдин Ҳожиеванинг аксарият лирик қаҳрамони Аёл. Аёл-ҳаёт тиргаги; урф-одатларни давом эттиради; алласи биланоқ ўғлини Алломишдай бўлишга даъват қиласди; оиласини, эл-юртни балолардан ҳимоя қиласди. Жасоратли, ақл-хушли аёллари кўп бўлган халқ ҳамиша ўсади, улғаяди:

*Тоғлар сендан ўрганар  
Сукунатни, бардошни,  
Дуоингдан эл кўкарап,  
Қарғишиң ёрар тошни.  
Миллатнинг жон томири  
Сен Ватанга тимсолсан.  
Юртнинг ўчмас чироғи  
Момо Ҳаво – Аёлсан..*

Шоира наздида аёл борлиқ – уч туғишган (жамодот, наботот, ҳайвонот)нинг бошланиши, асл манбаи. Аёл таърифини айтиб адо қилиб бўлмайди. Лекин Аёл ва гўзаллик эгизак тушунча. Бири иккинчисини тақозо этади:

*Қизнинг нозик ҳовучларида  
Гул кулади қуқир-қуқир.  
Юзидағи кулгичларида  
Шуъла берар икки тутам нур.  
Осмон тиниқ кўзгусин тутуб  
Кутуб турар қизни йўлакда,  
Маст қиласди оламни тутуб,  
Райхон иси хазончинакда.*

“Шом шуълалари” – оҳанглар жамулжам бўлган сайланма. Унда “Ишқ майнин ичдим, ишқпарат бўлдим” (274-бет) сингари машрабона айтимлар; “Сандиқчада оқ рўмол! Рўмолчанинг эгаси Очилмаган гул мисол...” (113-бет) сингари ўланлар; “Дупур-дупур келса от, қиз қўшиқ бошлар ношод. Ёнмади олтин пичноқ, занглаб ҳам қолмас

бироқ...” (16-бет) тоифасидаги қўшиклар; “Етти пуштига салом! Хелу хуштига салом! Кўни қўшнига салом! Келин салом! (355-бет) тарзидаги келин-саломлар; “Кимдир азон айтур янтоқ шохид. Равон йўлда тойган пешонадирман” (264-бет) сингари байтлар; “Ялтираб ётиби кузнинг гуллари” (331-бет) деб бошланадиган оғир карвон мисралар бор. Оҳанг маъно, кайфият, шоир руҳияти билан омухта. Оҳанг – шеърнинг тавсияномаси. Оҳанг мазмунни ҳам белгилайди. Аниқроғи, маъно монанд оҳангни излайди.

Ойдиннинг сўнгги йигирма йиллик ижодидаги асосий мавзу – истиқлол. Унинг “Шом шуълалари” сайланмасининг тагсарлавҳаси, менимча, “Истиқлол илҳомлари”дир. Шоира достон ва қасидалари, асосан, истиқлол, мустақиллик учун жон фидо қилганлар, курашганлар ҳақида. Муаллиф шу кунлар юксаклигидан узоқ тарихга назар ташлайди. Буюк боболаримиз, истеъоддли шоиру олимларимиз фаолияти маҳражида ҳамиша истиқлол ғояси бўлган. “Зиёрат” достонини шоира ўз оиласидаги воқеадан бошлайди. Акаси Нематжон урушга кетган. Она қирқ йил бўзлади, ўғлидан дарак излади. Ота қадди дол бўлди, дард уни йикитди. Ака қайтмади. Она бедарак кетган ўғлига аза очолмади, андуҳларини тўкиб сололмади. Мустақиллик майдонидаги мотамсаро Онада барча аёллар, хусусан, Нематжон онасининг алами акс этган. “Озод сўз ёлқинлари” – шоира қалбининг нидоси, айтилиши зарур бўлган фикрлари. Унда биографик тасвир, ҳолатлар кўп. “Истиқлолга қасида” – босиб ўтилган йўлга шоирона нигоҳ. Истиқлолга хизмат қилганларга ҳурмат ифодаси. Йўлнинг баланд-пастликлари, курашу йўқотишлари, кувончу ташвишларининг шоирона тасвири.

“Шом шуълалари” – саралаб, сайлаб олинган шеърлар тўплами. Уларни нозик, синчковлик билан ўрганиш, кўлланилган санъатларни баҳолаш, янги сўз, тимсолий ибораларни, оҳорли ташбехларнинг ҳаётлигини, онтологик моҳиятини руҳ тарозусида ўлчаш жоиз. Бошқача айтганда, шеършунос ҳар хил, олмоси лазерли кўзларга эга бўлиши керак. “Шом шуълалари”ни модерн шоир кўзи, диди билан бирров назардан ўтказсак қандай бўларкин? Модерн асарларда сиртмас, судур; мавзуни ёритишга ўта масъулият билан ёндашиш кўзга ташланади. Уларда қаҳрамонлар номи, уларни эринмай санаш сира маъқулланмайди. Ном, исм – ўзига хос белги, холос. Лекин увоқ персонаж билан номларни санаб кетавериш бошқа-бошқа нарса. Увоқ тимсол – кичкина олмос, ақиқ, тилла парчадай гап. Ойдинхон “2003 йил қор хати” ҳазил, енгилгина шеърида Гулчеҳрани “бир қўлида қалам, бир қўлида бола, тилида “ёр-ёр” билан тасвирлаб” мўъжазгина образ яратган.

Истиқлол онгимиз, руҳимизга чукур кириб бораётган умри узоқ тушунча. Ойдин Ҳожиева ҳам бора-бора Истиқлолни янгиланаётган дунёқараш самараси сифатида тиниқ ранг, тоза оҳангларда мукаммал, гўзал, мангу яшовчан қилиб тасвирлашига ишончим комил.

“Шом шуълалари” – истеъоддли шоиранинг асл қўшиклари, тансик ўланлари, жўшиб айтган алёрлари, шеърхонни ўйлашга, ширин азоблар дунёсига олиб кирадиган асарлари сайланмаси. Шеър шайдоси бўлган ҳозирги ўқувчи Ойдин шоиранинг бетакрор, самимий овозига ўрганган. Бу ўқтам, жўшқин овоз узоқ-узоқ замонларда ҳам янграб турсин.



Зебо РАХИМОВА

## Севдим дема, эй дил, севганини ёлтоң

\* \* \*

Дунёлар мовийдир, насимлар мовий,  
биз билган, билмаган исмлар мовий.  
Бу рангин дунёда минг йил чалгима,  
такрорлар бир сўзни бешафқат ровий:  
дунё биздан ўтар,  
бизлар – дунёдан...

Олам – улкан дараҳт, турланади Дил,  
узилган ҳар япроқ ҳаётнинг оти.  
Ғанимат умрдан, ғанимат дилдан  
ҳали кетмай туриб тириклик тоти,  
дунё биздан ўтар,  
бизлар – дунёдан...

Кумуш кўйлагида тўлғонган маъво,  
эй, гул кечаларнинг вобаста тани.  
Маҳбуб нафасидан эсган хур сабо,  
сени тилаб берса бир кўнгли гани:  
дунё биздан ўтар,  
бизлар – дунёдан...

Мезонлар қуши каби учди ҳавода,  
кимсасиз ҳазонрез боғларга бордим.  
Баҳайбат чинорлар пойида кезиб,  
бир жажжси ниҳолга кўнглимни ёрдим:  
дунё биздан ўтар,  
бизлар – дунёдан...

Тўрт фасл на гўзал, омонат, Раббим!  
Ўчгайдир бир куни менинг ҳам номим.  
Бу инжса умрдан не қолур унда,  
не билан ўлчанур менинг аъмолим,  
дунё биздан ўтар,  
бизлар – дунёдан...



Орзулар мовийдир, туйгулар мовий,  
биз туйган, туймаган қайгулар мовий.  
Бу рангин дунёда қанча чалгима,  
такрорлар бир сўзни бешафқат ровий:  
дунё биздан ўтар,  
бизлар – дунёдан...

\* \* \*

Намозишомдай сокинлик қизгии  
голосларнинг силлиқ шохида,  
тун чўкмоқда,  
дўстим, айт-чи ҳеч  
эслайсанми мени гоҳида?

Гул япроқда узун ҳаёт бор,  
гарқ гуллайди боғлар ораста,  
тун қўйнида уйгонар баҳор,  
юрагимдай маҳзун ва хаста.

Хотиримжам кузатолмайман  
ботаётган қуёшни ҳамон,  
такдир чалкаш, тузатолмайман,  
унутмоқ – баҳт,  
унутмоқ – ёмон...

### ТАРИХ

Шовуллайди, ойдин сукунат тўзар,  
тун қўйнида маъюс денгиз каби боғ,  
бу фараҳ кенглиқда юрагим сузар,  
кўзларимда маҳзун кўнглимдаги доз.  
Бу баҳт меникидир,  
бу баҳт сеники.

Ойнинг нурларига илашар хаёл,  
тупроққа сингийди тўқилган ўйим.



қўлингни кўксингга маҳкамроқ қўйиб,  
кулгингми, ииғлагинг келади тўйиб.  
Бу баҳт меникидир,  
бу баҳт сеники.

Ой кўпирар, кўкдан юлдузлар оқар,  
япроқлардан томар оқшом шукуҳи,  
қаршингда жислмайиб кўнглингга боқар,  
гам-гуссадан фориг ойдинлик руҳи.  
Бу баҳт меникидир,  
бу баҳт сеники.

Елларнинг таъмиди юракнинг тоти,  
шаббода қўлида умрингни ўйнар,  
бу ой жон-жонингга кетмасдан ботиб,  
ёғиб тугамасдан оқ ойдин ўйлар,  
Бу баҳт меникидир,  
бу баҳт сеники.

Балки баҳтилидирман, балки баҳтсиз, айт,  
балки шу бир лаҳза умримнинг бори,  
менким Ишқ ўқидан лат еган бир байт,  
васлинг согинчиман, ҳажрингнинг ёри...  
Бу баҳт меникидир,  
бу баҳт сеники.

Шовуллайди, ойдин суқунат тўзар,  
тун қўйнида кумуши тўлқинли боғлар,  
фараҳли бу оқшом тинчимни бузар,  
кўзим мардумида дилдаги доғлар.  
Бу баҳт меникидир,  
бу баҳт сеники.

## ОҚ ЁМФИР

Зумрад самоларда зумрад ҳаволар,  
«қур, ҳо қур» турналар,  
эй, нақшин кўшиқ,  
сиз билан юбордим дарё-кўлларга  
куйчи юрагимни –  
баҳшимни кўшиб.

Булут боқиб юрган қўйчивон шамол  
кўк узра сурувин тинчитмас бир зум,  
зарҳал ҳаволарга сингийди, гоҳо  
қуёшига термилиб ииғлади юм-юм.

Офтобнинг изидан ўйлга чиққан кун,  
болари тиллашар гулбарги билан,  
ёмғирда ювилган қирларда орзу  
уйгуналишиб кетар дил ранги билан.

Мехнаткаш тупроқдан андоза олиб  
яшаргинг келади,  
гайратинг ортар,  
юрагинг кўксингни иккига ёриб  
қуёшига интилиб тикка ўйл тортар...



\* \* \*

Тинимсиз чорлади мени бу эшик,  
кирдим, шу эшикдан меҳр сўрадим.  
Дунёнинг кўнгли тор, ҳамёни тешик –  
гурсиллаб кўксимни тедди юрагим.

Тинимсиз чорлади мени бу эшик,  
мени қийнайверди кунлар атайнин.  
Мени қийнайверди қизиқувчанлик,  
кун сайин,  
кун сайин,  
кун сайин...

Тинимсиз чорлади мени бу эшик,  
тириклик комига тоши каби чўқдим.  
Бу уйнинг ичидаги ҳамма орзумни  
юракдан сугуриб, тупроқча тўқдим.

Тинимсиз чорлади мени бу эшик,  
энди қандай чиқай, дов бермас юрак.  
Ҳаққа ҳақиқатни сўйлаши учун тик  
ё! Рабби!  
Ё! Рабби!!  
чиқишим керак!!!

\* \* \*

Вужуд кемасида руҳ ҳорген ўйлчи,  
шодумон тоши отар хаёлимга тун,  
юрак қопқасида аччиқ бир кулги  
титкилаб ўтирас ҳаётим ўтин.

Кулранг суқунатга кўникди кўзим...,  
мудроқ шууримни бу сиртмоқ қийди,  
гарчи бир ифода англатмас юзим,  
багримни гуссалар беармон ейди.


Гарчанд илдаосиз айтилди шеърим,  
гарчанд бу ҳаётга мен бир талаба,  
куймоқда юрагим, дөхқони ерим,  
бешафқат эзгинлик қиласар галаба.

Чорасиз ҳолимга келади раҳмим,  
бу аччиқ туйгуни қайрайди кузак,  
сенсиз яшамоқча етмади фаҳмим,  
эй, Ишқ,  
азалий, абадий эртак...

\* \* \*

Беморман, нетай, соглар ичинда,  
хазон япроги кўк боғлар ичинда,  
бу умр надомат, доғлар ичинда,  
севдим дема эй дил, севганинг ёлғон.

Орзулар қилганман ошиқларга хос,  
гоҳ ўйлларга қараб қон бўлганим рост,  
бир кўнгил топмадим шу кўнглимга мос,  
севдим дема эй дил, севганинг ёлғон.  
Қизил қонга белаб оламни шомлар,





# ЖУМЛА

кетди бу дунёдан топмай нишонлар,  
жон бу тирикликни тинмай нишонлар,  
севдим дема эй дил, севганинг ёлгон.

**Неъматлар ичидаги неъматлар кумтуб,**  
шик деб ишқизларнинг қўлидан тутуб,  
мен уни унудим, уни унуби  
севдим дема эй дил, севганинг ёлгон.

Маҳшардан дам урдим дунёни қучиб,  
ўздан эмас, ризқдан ноумид, чўчиб,  
энди юрак бўм-бўши, жон чўги ўчиб  
севдим дема эй дил, севганинг ёлгон.

Дил ўлса тирилмас, баҳту вола ҳам  
татимас, қувончу қайгу нола ҳам,  
бу дардни аритмас энди бола ҳам,  
севдим дема эй дил, севганинг ёлгон.

Толе бозорида шўришу гавго,  
ким аҳли жсаннат, ким дўзахга савго,  
бу жисим жон истар, нафс қилар изво,  
севдим дема эй дил, севганинг ёлгон.

Тилимни тишладим, юракда қони,  
ўтди ёшлик айём, умр имкони,  
қоши билан қобоқда ўлим пайкони,  
севдим дема эй дил, севганинг ёлгон.

Вақт бўхронида биз чирпирак бир хас,  
бу даер, давронлар туймаган бир сас,  
кўнгил увол бўлди, сарф бўлди-ку, бас,  
севдим дема эй дил, севганинг ёлгон.

Не маъно, моҳият бу бору ҳечдан,  
не мақсад, не умид эрта-ю кечдан,  
бу шик емирди-ку мени ич-ичдан,  
севдим дема эй дил, севганинг ёлгон.

Ўзимдан кечдим-у қошингга келдим,  
Муддао васлинг деб бошингга келдим,  
Китоб, Шавкан<sup>1</sup> кечиб Шошингга келдим,  
севдим дема эй дил, севганинг ёлгон...  
эй дил, бу дунёга келганинг ёлгон...



\* \* \*

Икки дунё янгради созинг,  
Етти иқлим тутди овозинг,  
бўлдим сенинг бир ишқибозинг,  
Булбулми бу, ё сени розинг,  
Айт, нимага ўхшайди нозинг.

Гулга боқсам дардим зўраяр,  
Хазон ўйнар баҳоримизда,  
Не қилмайин кўнгил қораляр,  
Не ҳикматинг гул, хоримизда,  
Айт, нимага ўхшайди нозинг.

Куртакмидим қишида очилган,  
Изгиринда сўлди япрогим,  
Ўн саккиз минг оламдан ўзиб,  
Тўзиб борар аччиқ тупрогим,  
Айт, нимага ўхшайди нозинг.

Шик жаҳаннам дамидан бир ўт,  
Куийб ётар икки жаҳоним,  
Гоҳ ўзимга келсан, ғам унум,  
Яна сени истайди жоним,  
Айт, нимага ўхшайди нозинг.



Бу шик менинг бўйнимда дорим,  
Умр-сабрим, борим-қарорим,  
Тилимдадир кўнглимда борим,  
У дунё-ю, бу дунё ёрим,  
Айт, нимага ўхшайди нозинг.

Не айб қилдим меҳрингни тўсдим-  
қаҳринг билан қўрқитар дўстим,  
девоналик феълимдан эмас,  
муҳаббатим-бор каму кўстим,  
Айт, нимага ўхшайди нозинг.



<sup>1</sup> Шавкан – қишилоқнинг номи.



Собир ЎНАР

# БЕГОНА МЭҦМОН

**Ҳикоя**

Дадаҳон Баходиров чизған сурат



Бу бир ривоят. Лекин ўзим унга ишондим. Тўқиган жойларим ҳам бор, тўқимаганларим ҳам. Лекин ғалати. Сабаби...

Матлаб аслида шу Оқморални деб дунёга келган экан. Саксонга кириб умрининг боши-кетини ўйласа шундай бўлиб чиқди. Шунча йил-а, шунча узун умр-а, сарсон-саргардонликка эврилган қисмат, ана, боринг, пешона-я. Оқморални деб яшаган йиллари асли уни

қиздан юзлаб чақирим нари, худди қуюндаги хашакдай бегона манзилларга улоқтириб ташлайверибди. Қариди, чуриди, энди манглайига тарсиллатиб шаппат урди.

Ҳали ҳам Талас тогларида таёгини, чоригини судраб юрар эди. Қўра-қўтону тоғ-адирларда бу атрофларнинг эгаси бўлган янги бой – Замонбойнинг хизматини қиласарди. Бир тўп отлиқ қуролланган йигитлар куппа-кундузи келиб қўраю капасини шиппати



шийдам қилишди. Ўрисча-қирғизча қурама тилда бақира-бақира шу ерда чол билан бирга молбоқарлик қилиб юрган Қоракулни, хотини ва икки гұдак боласиям отиб ташлашди. Уларга ташланытган учта бўрибосарниям автоматдан тариллатиб ўт очиб ертишлатишди. Сўнг бири Матлаб чолга юзланиб Замонбой энди йўклиги, манави давонгирлар аллақачон уни нариги дунёга равона қилишганини бемалол, дона-дона қилиб тушунтириди, сўнг бойнинг йилки уюри, подаси, қўй отарлари қаердалигини суриштириди. Буткул ҳимоясиз қолган чол сойлар, адирларнинг номини айтиб, моллар ўтлаётган манзилларни айтди. Ҳалиги отлиқ қошларини чимириб турди-да, чолнинг юзига зарб билан қамчи қўйди. Тирқираган қон кўзларига тушди, “воҳ, падарингга лаънат” дея қўллари билан юзини тўсунча бўлмай қўлидан судраганча қўра ёнидаги яккамихда бойланган байтал ёнига опкелиб, ўша моллар юрган жойни бизга кўрсатасан, дея буйруқ қилди. Чол юзидан тушаётган қоп-қора қонни артиб улгурмай, байтални эгарлаш асносида имиллаётгани сабаб бўксасидан тағин бир қамчи еди. Беихтиёр йигитни бўралатиб сўкиб юборди. Ёноклари пир-пир учди. Аммо негадир босмачи йигит бу сафар пўписа қилмади. Чамаси бу қари инсон ҳали-ҳануз унга кераклигини эслаб қолди.

— Кўзинг-бетинга қарағанда сарт чигарсан? — деди ажаблангандамо.

Чол ияигигача келиб бармоқ энлигига сумалакдай бўлиб турган қонни ижирғаниб жабдуқа артаркан, сен тўнғиз кўпгурга бунинг нима қизиги бор, ўлдириш ниятинг бор экан, шу ерда бир ўқ билан тинчтиб қўяқолмайсанми, демоқчи бўлди. Ияги, лаблари титради-ю, ҳеч нарса демади. Балки омонлиқдан умид қилгандир. Эгарга ўтирап-ўтирмас йигит байталнинг сағрисига аччиқ қамчи босди. Отини пишқирирган қўйи унинг ортидан йўртди.

Хуллас, ожиз-нотавон чол минг қўйли бойнинг қўйечки, қорамолу уюр-уюр йилқиларини отлиқларнинг олдига солиб ҳайдатиб юборди. Эвазига тағин икки қамчи еди, ноинсофлар унинг остидаги байтални ҳам олдиларига солганча адирлар қўйисигача бўкирган қўйи от қўйдилар.

Чол энди тақдир битиги бир ерга келганига, балки сўнгги кун яшаётганига тамом икрор бўлди. Худо ўлдиримаса одам не машаққатларни орқалаб, бошдан ўтказиб юравераркан. Ана қисмат: қаерда туғилдинг, қаерда яшадинг, қаерда ўлмоқдасан? Хўп, ўзи нима учун яшадинг? Тўғрироги, яшаган эдинг?

Кўз олдида ўзи туғилиб ўсган Хартанг қишлоғи жонланди. Отасининг эл қатори бир қаричгина ери бор эди, лекин қўли гул эди шекилли, олам-жаҳон узум етиштиради. Ота-ўғил эшакаравада Самарқанд бозорига элтиб, қанд-новвот, ўзларига, ука ва сингилларига, онасига ҳам кийим, рўмоллар харид қилиб қайтишарди. Отаси унинг замонга мос бўлиб ўсишини, келажақда катта одам бўлишини астойдил хоҳларди. Шундай бўлаётганди ҳам. Самарқанддаги очилган университетга кирди. Не балолиг бўлдиликим, йигит узоқ юрт — Жамбулдан келган Оқморал деган қизга ошиқ бўлди-қолди. Бора-бора қиз ҳам унга

кўнгил қўйди. Лекин на йигитнинг, на қизнинг отонаси уларнинг турмуш қуришига рози эди. Ораларни суриштириб қаравшса нақд беш юз чақирим келади. Тавбангдан кетай, ўзбекман деганнинг ҳам не ерларга уруғи сочишган-а! Жамбуллик соғ ўзбек, қуралай кўз Оқморал! Хуллас, икки томоннинг ҳам ота-онаси норози, йигит-қиз ўкиш тугагач, ўз уйлари-ўлан тўшакларига қайтишди. Ўша маҳаллар қишлоқларда ўқитувчи кам, Матлаб ҳадемай ҳашар билан қурилган қишлоқ мактабига директор бўлди. Аммо қизни унтулмади. Китоблардаги сингари кеча-кундуз оҳ чекди. Хатлар ёзди, хатлар олди. Оқморал! Маъноси қозоқчадан ўзбекчага ўгирилса — оқ оху эмиш. Оқ оху! Қизнинг отаси бир қалин қозоқ ошнасининг таклифи билан шу исмни танлаган экан. Не бўлғай, ўша қозоқ ошна Оқморал гўдаклигига ўғлига бешиккертди ҳам қилиб қўйибди. Оқморалнинг ёзишича уларда удумни қаттиқ ушлар эмишлар. Удум шариатдан ҳам устун эмиш.

Матлаб бу сўзларни ўқиб нақд олов каби ёниб кетарди. Оқ юзли сулув-оқ охуни жизғанак бўлиб бирорвлардан, номаълум йигитлардан рашк қиларди. Бу дард шу қадар кучли эдики, охир оқибат касалманд аҳволга келди. Тунлари деярли бўзлаб чиқадиган бўлди. Отаси буни сезиб, тезроқ бошини боғлиқ қилиб қўйиш тадоригига тушди. Кўп ўтмай отаси ўз тоғасининг қизига уйлантириб ҳам қўйди. Бир ой яшашди. Йигит ҳамон Оқморалнинг қўйида жони ўртанаэрди. Ахийри кунларнинг бирида ҳе йўқ, бе йўқ, Самарқанд вокзалига бориб қайдасан Жамбул деба жўнади-борди.

Топди. Оқморалини топди. Гапнинг қисқаси, йигит ҳам шу ерда ўқитувчилик қила бошлади. Шу юртнинг эгасиман деганлар ҳам аллақачон қизга совчи қўя бошлаган эдилар. Колхоз раиси урушга бориб келган ўғлига сўраттирган, йигит яримжон бўлиб келган, сўнг пешонадан кўриб ортиқ безовта қилмай қўяди. Бешиккертди бўлган йигит ана-мана тўй қиламан деб тайёрланиб юрган кезда хирмонда яrim қоп ғалла билан кўлга тушиб қамалиб кетади. Тақдирнинг кулганини кўрингки, Матлаб камтарона тўй қилиб Оқморалига эришади. Ўзининг қайнотасиникида ичкуёв бўлиб яшай бошлайди. Аммо баҳтли эди. Фоят баҳтли эди! Ҳатто ортда қолган ота-она, рўзғор, хотини ҳам эсидан чиқиб кетди.

Қишлоқ аҳли бир бегона жойдан келиб элнинг энг сулув қизига уйланиб олганини тумшуқларининг тагидаги хазинани ўмаргандай қабул қилди. Урушдан кейинги сиёсий айбловлар авжга чиққанда Матлабнинг устидан ҳам чақувлар бошланади. Мактабда ишлаб юрган оддий ўқитувчини қарийб ватан хоини сифатида қамоқقا оладилар. Матлаб Сибирга сургун бўлиб кетади.

Оқморалнинг ота-онаси, ҳатто ўзи ҳам куёвдан умидини узадилар. Чунки Сибирга сургун бўлғанлар деярли қайтмас эдилар. Умрбод сургун қилишдими: ё оч-наҳорлиқдан, ё касаллиқдан ўлиб кетаверарди.

Оқморалнинг Матлабдан қолган гумонаси бор эди. “Халқ душманинг боласи” деган тамғадан кўрқиб отаси Жамбул касалхонасига бориб болани



олдириб ташлайди. Кунларнинг бирида бешиккертди қилинган йигит қамоқдан қайтади. Ота-оналар маслаҳатни бир жойга қўйиб ёшларнинг бошини қовуштирадилар. Беш йил, ўн йил ўтади ҳамки, улардан фарзанд бўлмайди. Йигитнинг ундови, отана истаги билан Оқморал эрининг бошқа турмуш қуришига розилик беради, аммо ўзи ҳам шу эшиқда сиғинди бўлиб юраверади.

Тақдирнинг хукмига қаранг: Матлаб орадан йигирма икки йил ўтиб, яна денг, соғ-саломат тўрт мучали бут – Оқморалнинг эшигини қоқиб келади. Ахволни билгач оҳ уриб Мажнун каби саҳроларда дарбадар бўлиб юради, тоғ-тошлар, адирларга боради. Чўпонларга ёрдамчи тушади. Шу ерда қолиб кетади. Қарийди. Ўзини қисмат хукмига ҳавола қилади.

Охирини, мана, кўриб турибсиз...

Аммо буям кам эмас экан. Ҳали охири эмас экан...

\* \* \*

Чол яраларининг, сүякларининг оғриғидан қийналиб бир неча одим ташларкан, қўл билан текислангандек теп-текис катта тошни кўрди. Бориб оёқ илди. Дам олиб, сўнгра сойдаги зилол булоқ сувидан юз-кўзларини чайиб, қон теккан кийимини ҳам ювиб олишни ният қилиб қўйди. Тақдир энди тағин хукм ўқталаётганини ичидан ҳис қилди. Бир зум ўзига ачиниб хўрлиги келди.

Ахир, энди ёруғ дунёда ҳеч бир суюнчи, таянчи қолмабди. Шериги – чўпон болани ҳам итдай отиб ташлашди. Хотини, икки боласини ҳам. Хўш, бу бечораларда нима гуноҳ эди? Ўлдирмай ҳам шунча молни ҳайдаб кетаверишса бўларди-ку. Кимнинг кучи етарди у абллаҳларга. Ё тавба, ё қудратингдан, ким булар, нега кўзларига бунча қон тўлган? Алҳазар, ё алҳазар!

Кўзларини йириб очаркан, ён томонидаги Чотқолнинг худди зиналардай қат-қат кўтарилиб кетганини биринчи бор кўрди. Чўққипари оппоқ қор билан ўралган. Айтишларича тоғ устида каттакон бир муз қоплаган кўл ҳам бор эмиш. Кўлнинг устига тинимсиз қор ёғармиш, кўл остидан сизган сув тоғ ёнбағирларидан булоқ бўлиб отилиб чиқармиш.

Мендай муз қотган шўрликларнинг кўз ёшлари улар...

Чолнинг кўзига қор ҳар қачонгидан ҳам кўра оқариброк, ҳатто ялтираб тургандек кўринди. Бир пайтлар эшитган эди: ўша тоғларда оқ барслар яшармиш. Ҳа, оқ барслар. Паст адирларга улар йўламайди шекилли. Айтишларича оқ барслар фақат шу ерда бўлармиш. Оппоқ барслар. Улар ўша ёқларда кун кўрувчи ўзларига ўхшаш оқ кийикларни еб озиқланармиш.

Оқ моралларни...

Оқмороал!..

Кимларга ем бўлди, озиқ бўлди у оҳу!

Умр эса ўтди-кетди. Мендан не қолди?

Хартанг... Жуда олис, жудаям олисда қолди...  
Ота-она тупроқ бўлиб кетган чиқар. Ука-сингиллар-чи?

Нимага сарфланди бу умр?

Бармоқлари билан тошни пийпаркан, миясига учкундек бир хотира урилди.

...Икки оқсоқол ҳамроҳлигидаги билан тошни пийпаркан эди. Бир кун бурун Замонбойнинг ўзи келиб қўй сўйдириб, от гўштидан қази-қарта ҳам тайёрлатиб кетган эди. Сўнгра эртаси куни ўтов атрофини шериклари билан тозалаб яйдоқ жойга кигиз тўшаб меҳмон кутганди. Бир меҳмон келди: оқ костюм-шимида, оқ қўйлак, оқ туфлида, ёши ўтинкираган бўлса-да, қуюқ соchlарини орқага тараган, бай-бай, юзидан нур томади, нур-ку майли, маъно, донолик ёғади. Кигизга ўтириб бошига қирғизи қалпоқ илди. Суратчи уни, шерикларини суратга олди.

Таомдан кўп тановул қилмас экан. Энди соғилган сутдан сипқоришини яхши кўраркан. Сўнгра қимиз, қимронни. Оқсоқоллардан овул-уругларни суриштириди. Бир оқин чол дўмбира олиб “Манас”дан айтди. Сел бўлиб эшитди. Пиёда келиб худди шу тошда ўтиришди. Матлаб чолдан бу адиру сойларнинг номини сўради. Уруг-авлодини ҳам сўраб қолди. Қисқа айтган эди, “бу қизиқ” деди. Бир келганда алоҳида “сўйлаб бериш”ини тайинлади. Матлаб чол мўмингина бўлиб қўл қовуштириб турди. “Оқ барисни кўрганинг барма?” деб сўраб қолди. Йўқ жавобини олгач, шу ерда шунча йил яшасанг ҳам кўрмайсанми дегандек иддао қилди.

Бунга ўн йил бўлди.

Кейин билса... Ҳа, кейин билса, у одам унчамунча эмас, ҳув паstdаги овулда болалиги ўтган, дунёнинг энг зўр ёзувчиси нақд Чингиз Айтматовнинг ўзгинаси экан. Ҳа, Чингиз Айтматов!..

Ундан бери замон ўзгарди. Дунё ҳам ўзгарди. Айтматов ҳам йўқ. Ҳа, уни шу атрофдаги ўзининг овуллига дафн қилдик дейишувди. Замонбой айтувди бу гапни. Матлаб чол билан сухбати қиёматга қолди. Бу дунёда қайта қўришув насиб қилмапти.

Ўшанда Матлаб бобо “Нима учун бир оғиз айтмадинглар, мен унинг қиссаларини, “Қиёмат” романини ёддан биламан-ку, икки оғиз тузук-куруқ гаплаштирмасизлар ҳам, бир катта бой деб ўйлабман, аттанг-а!” деб ўртаниб оҳу зор қилганди. Айтматов қариган чогида сўнгги романи – “Кулаётган тоғ”ни ёзди. Ўшанда у мана шу тоғ, мана шу тоғ бағридаги оқ барслар, мана шу қотил тўдаларнинг разилликларини, охир оқибат ўз қавмининг не ахволга келиб қилаётган қилмишларини қаламга олган экан-да...

Ҳай, гўринг нурга тўлгур, Чингиз дўстим-а!..

Ўшанда ҳей, ўзбек чол, бу ерларда нима қилиб юрибсан, деб сўрадинг, сўрашга сўраб дарду дийди-ёмни эшитмадинг-ку. Тинглаганингда, билганингда бирор асарингга киритиб мен ғарип чолни ҳам китобларинг каби дунёга достон қилган бўлармидинг?..

Энди бўлса, на Оқмороал, на Чингиз, на Замонбой бор дунёда...

Дунё ҳувиллаб қолди.

\* \* \*

Чол аввалига шу ўрганган жойини макон тутмоқчи бўлди. Бироқ кимсасиз гўша уни ютиб юбораман дерди. Замонбойнинг чиндан ҳам куни битган кўринади



– бирор-ярим бу атрофдан на уни, на бошқани йўқлаб ҳам ўтмади.

Матлаб чол ноилож тугун кўтариб йўлга тушди. Жамбулга бора-бора чегарада тўхталиб қолди. Ёнида бошпурти бўлмаганидан ҳарбийлар орқага қайтариб юбориш пайдан бўлишди. Бақиришиб қолиб уларнинг каттаси бир кечакамаб ҳам қўйди. Эртаси куни бир майор киши қари одамни нима қиласизлар қийнаб, деб қўйиб юборди. Шунгача чолнинг ғазаби кўзғаб ичкаридан буларни бўралатиб сўка бошлаган эди. Чиқандан кейин ҳам кечаги катта ҳарбийга: “қараб тур, бола, шу қилганинг мен анави сув омборининг дамбасини портлатиб юбораман, ҳаммани сувда чўктириб юбораман!” деди ўдағайлаб.

– Қўйиб юбор уни, – деди майор. – Қария билан тенг бўласанми. Шу ҳолига, майли, дамбани портлатиб юборақолсин. – Шундай дея у ҳиринглаб кулиб чолга “хайр” дегандек қўлини силкиб қўйди.

Кейинги чегарада у тагин тўсиқа дуч келди. Фифони фалакка чиқиб ҳаммангни портлатиб юбораман, деб бақирди. Яна тутилди. Лекин ҳамма чолнинг бу иш қўлидан келмаслигини билиб турарди.

– Ненг бар? – деб сўради ҳарбий йигит.

– Ақчам жўқ.

– Портлатудиган ненг бар дебатирман.

– Ўзим билемин.

– Бул жерде оғайнин-түвисинг барма, ким деганди қидирибатирсан?

Матлаб бобо таниган-билганинни бирин-кетин эслади, айтди. Баъзиларини чегарачилар биладиган чиқди. Афтидан, чол нуқул марҳумларни таниркан. Охири тоқати тоқ бўлиб “Оқморалнигига бораман!” деди.

– Биз эреккепен сўйлашамис, қотин қолқини билмеймис. Ўт, ўтабер, – дея чолнинг елкасидан суриси нарироққа итариб юборди.

Шаҳар шу даражада ўзгариб кетибди, у билган биноларнинг ҳеч қайсисини топа олмади. Тентирай-тентирай бир замонлар ферма омбори мудири бўлиб ишлайдиган ошнаси Матёқубнинг уйини излаб топди. Ошнаси қариб букилган, лекин гап-сўзи тетик эди. Оҳ уриб, оҳдан сўнг бир оз лоф уриб тонготар гурунг қилишди. Кун келиб, ўлар вақтида суюгим бегона юртда чирийдиган бўлди-да, деб ҳасрат қилди. Ошнаси, энди сенга борар юрт йўқ чиқар, қолган умрингни мениндида ўтказ, невараларим сениям, мениям тегиб-тепкилаб қўмишади, деди. Айтишларича укасининг қўлида қолган Оқморал узоқ йиллар мактабга директорлик қилиб, кейин қарилек нафақасига чиқибди. Қаригани ҳам билинмайдиган сулув кампир бўлиб қолибди.

Бу орада маҳалла-кўйда Талас тоғидан ошик кеплан бир девона чол сув омборни портлатаман дебди, мелиса қамаб, сўнг чиқариб юборибди, у Оқморал деган аёлни сўраб юрганиши, деган гап чиқди. Сув омборини бир ёқлик қилишга-ку кучи етмас, аммо сулув кампир бу чолга ким бўларкин – шуниси қизиқ эди.

Шу зайл кунлар ўтди. Чолнинг кўнглида Оқморални излаб топсам, ўтган-кетганига ҳай берив обдон сухбат курсам деган орзу-истак ҳам пайдо бўлди.

Матёқуб ошнасини қабатига олади, ҳеч бўлмагандан қариб-чуриганда бир дийдорлашай девдим, дея, эшик қоқиб бораверади, бошқа нима ҳам дерди.

Кунларнинг бирида кутилмаган шов-шув гапчиқди. Тепадаги сув омборининг суви тошибди. Жамбул сув остида қолаётганниш дейишарди одамлар. Матлаб чолнинг дами ичига тушиб кетди.

Ростдан ҳам сув омборининг дамбаси очилиб кетган бўлса-я, деб ўтакаси ёрилгудай бўлди. Халқда гап ётармиди: яқингинада бир девона чол чегарачиларга сувингни тошираман, дамбани портлатиб шаҳарингни сувга бўктираман, деб дўқ қилган экан, шу чол айтганини қилганга ўхшайди, энди ўлдик, тоққа қочмасак кутуловмайдиганга ўхшаймиз.

Сув омборининг шаҳар томонга қуилиб эниш қисмида ҳақиқатан ҳам икки ён маҳаллага сув тошиб чиқкан, полиз, чорбоғлар сув остида қолиб, пахса деворларни захлатиб ичкарига ҳам сув уриб кира бошлаган, одамлар жон ҳалпида қўлига илингган нарсани олиб, тепаларга қоча бошлаган, шошганларидан ким пиёда, ким улов, ким машинада ҳар ёнга тирқирар эдилар. Бу сулув кампир яшайдиган маҳалла эди. Қуёш уфққа чекина бошлаган эди, ким подасини қирга ҳайдаган, ким қоплаб олган бўйчасини орқалаганча сув кечиб тепага ўрлаган, кимлардир бола-чақасини опичлаб, етаклаб, қий-чув қилиб дўнглишка, ҳув ўша Талас тоғларига томон чопиб борар, саросимага тушган аҳоли омон қолишига тиришар эди. Уфқ қуёшида қизариб пичагина ёришиб турган тоғ одамларнинг нечоғли ваҳимали товушларига тўлиб кетган, бу бандай ожизларнинг ўзлари эса мисоли бир тийиқсиз, тутқич бермас каттакон мол подасига айланган эди...

Шу куни Оқморал кампир яшайдиган тела маҳаллада рўй берган эди воеа. Укаси аввал томорқасига сув тараб, ариқ бошидан хабар олиб келиб бамайлихотир сўрига келиб ёнбошлаган, чой дамлатиб опаси ва кампирни билан ул-булдан икки оғиз ҳангома қилишга тушган эди. Бир вақт кампирни тараган сувингиз ҳовлига тошиб кетди-ку деб бақириб қолди. Шоша-пиша ўрнидан туриб шиппагини оёққа илай деса сув ана-мана пойабзалини ҳовли четидаги оғилхона томонга тез оқизиб кетди. Бирдан кўркиб қолиб ариқ бошига югурди, аммо сувнинг бу қадар зудлик билан кўпайганини кўриб донг қотди. Ваҳимадан “Ўлдик, ўйдан чиқ ҳамманг!” деб бақириб юборди.

Сув шу даражада тез кўпайиб борардики, одамлар миш-мish тарқалган дарвеш чолнинг кўпорувчи эканига чиппа-чин ишониб қолишиди. Умумий дард инсонларни бирлаштиради, деган гап бор. Аммо фалокатнинг ҳаммаси ҳам уларни бирлаштираслиги, аксинча, кимларгадир ёв қилиб ҳам қўйиши мумкин экан. Мисол учун сулув кампир, яъни Оқморал бугун шу ўйдаги оила аъзолари ичидаги ягона тошқин курбони бўладиган чиқди. Сабаби у укасининг хотини, келини, ўғил-қиз ва неваралари сиккан “Волга” машинасига сигмай қолиб кетди. У бошда жиянларининг “Амма, тезроқ чиқинг машинага!” деган даъвати билан “Волга”нинг олд ўринидигига жойлашиб олган эди, кейин оила аъзолари кўп эмас, кам эмас, нақд ўн олти киши экани маълум бўлди.



Ўн олти киши-я! Шунча одам бир ёнгил машинага қандай сиғиши мумкин? Лекин дўппи тор келганда сиғиб ҳам кетаркан. Орқа юхона эса шитоб билан ортилган кўрпа, бўхча ва кийим, пойабзаллар билан аллақачон тўлиб бўлган эди.

Ана холос! Шу вақтда машинанинг эшиги бер-килмай қолди-ку. Жигарлар бир-бирининг устига бувланиб-суқилиб тирбанд бўлиб олган эдилар. Эшикни ука ташқаридан итариб зўриқиб ёлмоқчи бўлди, фойдаси бўлмади, одам ҳаддан ташқари кўп эди. Шунда эркакнинг калласи ишлаб қолди. Одд эшикни очиб опасига маъноли тикилди. Бирдан кўзларини ирпиратиб:

– Опа, – деди.

Кампир бир маънони сезиб қолди ва бўшашди.

Ука давом этди:

– Саксонга кирдингиз-а?..

– Мен ўлгур... Мен ўлгур... – кампир саросима ва хижолат ҳисси юзига уриб, укасининг невараларини итариб-суриванда тушди.

– Хафа бўлманг яна, ахир сизнинг ёшингизга ким етди, ким етмади. Унинг устига... уйга қоровуллик қилиб турасиз. Айтиб бўладими... ким билсин, яна... Ўғри-пўғрилар ҳам йўқ эмас... Кечирасиз-да, ахволни кўриб турибсиз-ку. Биздан норози бўлманг...

Кампир ахволни олдинроқ тушунмагани учун ҳақиқатан афсус қилди.

– Мен меров, мен эсар... чирогим, айланай, жонимни ўйлаганимни қара. Миямни еб қўйибман-да... сен шошил, тезроқ ҳайдо, бу туришда йўлларинг бер-килиб қолади. Мендан рози бўлинглар... Қара, каллам ишламаганини. Эҳтиёт бўлиб ҳайдо.

Ука машинага ўтириб моторни юргизди. Опаси у ўргатганидай эшикни орқасидан зарб билан ёпди.

Энди юрган ҳам эдики, катта невараси қичқириб юборди:

– Вой, соткам...

– Бақирма-е, одамлар не ахволда-ю...

– Йўқ, бўлмаса тушаман...

– Сотка керакми, жон керакми санга...

– Баҳромнинг совғаси эди... Майли, силар кетаверинглар...

Ука аччиқ билан тормозни қаттиқ босиб шартта кабинани очди-да, қичқириди:

– Опа! Опа дейман! Гарангми... Опа-а!

Кампир энди айвон тепасидаги супага чиқаётган эди. Бир оз гарангсиб туриб қолди. Укасининг товушини эшитиб ортига ўғирилди. Қўлини силкиди. Тезроқ жўнамай нима қилиб турибсизлар, демоқчи эди.

– Майли, мен силардан розиман, – деди сўнг. Кейин: – Сувда чўккан шаҳид бўлармиш, ташвиш чекманглар, – деди-да, видолашаётган каби қўлини у ёқбу ёққа чайқади. Яна ортига ўғирилмоқчи эди, укаси жонининг борича бўкирди:

– Сарвининг соткасини опчиқинг дёяпман! Эшитяпсизми, телевизорнинг устида, зарядда экан.

Кампир бу гапни эшитди чофи, уйга кириб кетди. Қайтиб чиқиб аппаратни баланд кўтариб укасига кўрсатди. Сўнг яна супага қараб йўналди. Укасининг жон-пони чиқиб кетди.

– Бу ёққа опкелинг!

Кампир гапга энди тушунди чофи, бу ёққа қараб юраверди. Укаси сабри чидамай тез-тез борди-да, опасининг қўлидан соткани юлиб олди.

– Вой-й, жигарим-а, мен бу сабилни оволинг, гаплашиб турдимиз деб тушунибман-а, кечирасан-да, қаричилик...

Ука келганча “Волга”нинг мотори ўчиб қолган, энди калитни қанча бураса ҳам машина ўт олай демасди.

– Опамизни норози қилдик-да, – деди хотини.

– Нима? – деб қичқириди унга чоли.

– Опам норози эмасмикан деб ўйляяпман-да.

Мана, техниканиз ҳам юрмай қолди-ку.

– Минғирлама-е. Ҳар нарсани гапиравермай тур, не ахволдамиз-у... бидирлайсан. Опам саксонга кирди, саксонга... Бўлмаса ўрнига сен қол. А, қол, туш машинадан!

– Дадажониси...

– Бўлмаса мен қолай, мана, ҳайдо машинани.

– Дадажониси... Сизни деб...

– Бўлмаса минғирлама.

Аммо машина ҳамон жойидан қимирламасди.

– Опа! – деб тағин чақириди ука.

Опаси қараган эди, укаси қўл имлаб чақириди. Тез бўлинг дегандек қўлини зарб билан силкитди.

Опаси кавушини оёғига илмай шошиб кела бошлади. Лозим-кўйлаги тамом шалаббо бўлган эди. Сув тобора кўпайиб борарди.

– Укажон, мени қўй, мен энди бу дунёning одами эмасман. Розиман, – деди кўзлари мўлтираб.

– Э, мен буни айтэтганим йўқ. Машинанинг орқасидан тутиб юборинг, юрмаяпти.

– Ҳа-я, эсим қурсин, кучим етармикин?

– Етади, етади, сал туртсангиз бўлди, нарёғи пастлик, юриб кетади.

Кампир машинанинг ортига ўтиб бор кучи билан итара бошлади. Ука ҳам кабинадан чап оёғини чиқариб тираганча чирана бошлаган эди, машина кўзгалиб юриб кетди. Сўнг пастликка йўналиб мотори ҳам ўт олди.

Неваралар чий-чийлаб “Аммам қолиб кетди, аммам сувга чўқадими?” дейишарди.

Машина бир оз пастликка қараб юрди-юрдида, сўнг йўналишини ўзгартириб тепаликка қараб кетди. Текислиқдаги асфальтдан тезлигини ошириб олди-да, қирга қараб чиқкан тош йўлдан ортига кумшағалларни сачратганча ўрлаб жўнади. Шу зайл бора-бора кичрайиб кўздан йўқолди.

Сулув кампир ундан кўз узмай турди. Фойиб бўлгач “хайрият” деб кўйди.

Энди унинг наздида тошқин тошаверса, ҳаммаёқни сув олиб кетса бўлаверарди. Чунки энди фалокатга, илло ўлимга ҳам руҳан тайёр эди.

\* \* \*

Намозшом тушганда Матлаб чол қий-чув қилиб саросимада тоққа ошиқаётган оломонга қўшилмай бир ўзи тентиради. У айни тошқин бошланган тепа маҳаллага боришни ният қилганди. Бу тошқин ҳали



бошланиши экани, агар чиндан ҳам дамба ўпирилган бўлса ҳадемай қиёмат қойим бўлишини у дилидан ҳис этарди. Аммо дамба дегани шундок ташлаб, ҳимоясиз қолдириладиган жой эмас. Ҳамма жойда бўлгани сингари бу ерда ҳам у қўриқланса керак. Давлат учун стратегик аҳамият касб этадиган, аҳоли учун эса жон озиғи бўлмиш сув омборини эҳтиёт қилмаслик мумкин эмас. Зоро, ўша Жамбулга тушиб келаётган куни ҳам ҳарбийлар сув омборини портлатиб юбораман деганида мазах қилиб кулишган эди-ку.

Қаршисида ариқларни аллақачон тўлдириб четдаги йўлларнинг ҳам шағал тошларини шалдиратиб оқиб тушаётган сувнинг у қадар дами баланд эмаслигидан ваҳимага тушмай бораётган чолнинг кўнглида недир хотиржамлик бор эди. Ва не бир хаёлда, урушдан кейинги дастлабки йилларда қурилган мамлакат миёссида улкан сув иншооти ҳисобланган сув омборининг шаҳарга қуиладиган қисмида ўша кезларда бунёд этилган осмон бўйи чархпалакни кўзлаб борарди. Чархпалак тепадан бетон каналда шитоб билан оқиб тушувчи катта сув устига ўрнатилган бўлиб, унинг сув тўлдирилган идишлари ҳам дошқозондай келувчи чўян идишлар бўлганидан шамол тегирмони сингари тез айлана олмас эди. Бироқ чархпалак айланиб тепага кўтарилавергач бири чап, бири ўнг томондаги катта бетон ариқда сув қуювчи катта чўян қозондан тўкилаётган сув офтоб шуъласида ажаб жимиirlаб ўзига хос кичик камалаклар ҳосил қилар, кўрган кўзни қувонтиради. Шу атрофда бунёд қилинган истироҳат боғининг терак, арчаю чинорларига шамолда дув-дув учиб келувчи сув зарралари келиб урилар, дараҳтнинг намиқсан тоза япроқлари қёш нурида ўзгача ялтиради. Матлаб, ўша вақтларда айни куч-ғайратга тўлган бўз бола, мактабдан бўш кезлари Оқморал билан бу ерларга келар, соатлаб гурунг қилиб тўймас эди. Кечагина эди. Худди кечагина эди. Аммо ундан бери қанча сувлар оқиб кетибди. Сувлар оқибди-ю, хотира, ширин бир туйғулардан ўзга нима қолибди? Азобу укубат, тухмат, Сибир... Бу ёқда Оқморалнинг шўр қисмати... У кўриб гувоҳи бўлиб турган қисматда Оқморални айблай олмасди ҳам. Илло Сибирга сургун дегани ажал комига тик оёқда бормоқ дегани эди-ку. Лекин шу парирўй қизни деб унинг буткул умри кўкка соврилиб бўлди.

...Сув бетон ариқдан тошиб чиқиб атрофларни ювиб кетаётганди. “Тошқинга сабабчи” бўлган девона чол эса шу атрофда тагин ўзининг тақдирини томоша қилиб юрарди. У бир замонлар Оқморал билан саир қилиб келиб шудринг зарралари ила чайилиб қорайиб қолгувчи, иккаласи устига чиқиб энтикиб юзларини сувга тутиб турувчи каттакон темир қувур оп-дига келиб қолди. Ўшанда чархпалак қозонларидан бетон ариқга тўкилиб, сўнгра шу қувурга ғалдири-ғулдир шовқин ила қуилиб деярли тўлиб оқадиган топ-тоза сувга томоша қилиб диллари завқланар, сув зарралари ҳўл қилгани етмагандай бир-бирларига ҳовуч-ҳовуч сув сепишар, йигитнинг оқ нейлон кўйлаги, қизнинг энди урфга кирган шоҳи атласи баданига чиппа ёпишиб қолар, қизнинг дуркун кўкраги ростмана билиниб қолар, пушти дуррачаси остидаги

қалин ўрилган қора соchlари ҳам зилол сувда бирров чўмилиб олар, девонаваш ўшлик сурурига қўшилиб рўмол тагидан кўкси узра бир кулич дордай биланглаб чиқиб келиб, шўхликка қўшилар эди. Сўнгра ўшлар гўё уст-бошларини қуритиш учунмикан, қалин дарахтлар панасига ўтиб узоқ қолиб кетишар, эҳтимол, уст-бошлари намдан аригач, қизаришиб чиқиб келишард...

Йигитлик чогини эслаб, яна нималардир кўксига тўкилиб чол ағанаб йиглагиси келди.

Аммо атрофни ёритиб турган прожекторлар ёруғида қувур оғзига тиқилиб турган каттакон қора нарсага кўзи тушиб бир нарсага ақли етгандай кўнгли нурланди. Яна тек қотиб бирор ҳаром ўлган мол эмасмикан деб тўхтади. Барibir сесканди. Сўнг қари чолни мол гавдаси чўчитганига ҳайрон бўлди, аммо не-не бўри-қашқир изғиб-кезган Талас овлоқларини бир зум эслаб қувур оғзига сув кечиб келди. Қарасаки, гўё тўфон уриб ётган жойда чиндан ҳам бир нарса тиқилган. Бир катта шаҳар аҳли шунга аҳамият бермабди-ки, деб ажабланди. Енг шимариб бир узун таёқ топди-да, уни қувурга узатиб, тиқилган нарсани итариб оқизиб юбормоқчи бўлди. Кучи етмади. Нарёқдан, қувур устидан юриб келмаса бўлмас экан. Шундай қилди. Қувур устидан келиб таёқ суккан эди, тагин бўлмади. Бир кўрпа ё теридай нарса шоҳ-шабба билан қўшилиб қувур оғзига қопланниб қолибди. Қиши кезлари чархпалак тўхтатиб қўйилишини эслади. Қанақадир бир тормозга ўхшаган мурвати бўлиши керак. Йўқ, уни чол ахтариб тополмади. Тағин қувур устидан юриб келди. Ётиб олиб бояги қопламани бир учидан бор кучи билан тортди. Ўша парчаси йиртилиб чиқиб келди. Яна ётиб олиб тортаверди, тагин бир парча узилиб чиқди. Яна тортсам чиқади деб ўйлаган эди, йўқ қолгани қайтанга маҳкамроқ ёпишиб қолган эди. Чолнинг мияси ишлаб кетди. Бояги қалин таёқ билан кўрпа ё кийим қопланган шоҳ-бутани уриб-суреб юборгани яхшироқ экан. Сув оқимига қўшиб таёқни суқиб итраверди. Шунда денг, шоҳ-шаббалар синиб-синиб сув оқимининг тезлиги билан улар қувурнинг ичига бирданига сингиб ғойиб бўлди. Атрофга оқаётган тошқин ҳам туйқус тўхтади-қолди.

Маҳалла-гузар тим-тирас эди. Чол ўзича зўр иш битирганини ҳис этди. Аммо атрофда ҳеч ким йўқ, чамаси ҳамма жон ҳовучлаб қири дўнгликларга ўрлаб кетган, балки... балки бошқалар тун зулматида вахимаю бедорлиқдан чарчаб ўйқуга чўмған эдилар. Ҳар қалай дунёни сув босмаётган эди-ку. Тепаликдаги икки гузарга сув тошган эди, холос.

Чол борар манзилини белгилай олмас, лекин ўта чарчаган эди. Кесилган чинор кундасига ўтириб тин олди. Барibir ўшлик хотиралари уни тарқ этмасди.

Анови ариқ четидаги бўлиқ ўт-ўлан кўмған жойларда ўша чоқда урф бўлган қора хром туфлисдининг, Оқморалнинг ҳам учли, пошнаси ҳам учли оқ туфлиси излари бордир. Лекин энди буларнинг қандай аҳамияти бор?

Тобора ҳорғинлик ўз измига тортиб ва хийла тун шабадасидан жунжикиб борар экан, бу ерда тунаб



бўлмаслигига, Матёкуб ошнасиникига эниб бормаса бўлмаслигига икрор бўлди. Бели ҳам зирқирай бошлиди. Иссик кўрпага ўранишни ният қилди.

Омонат бу дунёда ўзи бирор кун хотиржам ором топдимми, деб ўйлади. Не ажабки, ундан кунни эслалмади.

Шунда... нарироқдаги дарахтлар ортидан бир хилқат қора тортиб келаётганини пайқади. Тўғри ўзига қараб келарди. Ўрнидан туриб томоқ қириб қўйди. У ҳам бир тўхтади-да йўталган бўлди. “Аёл киши”.

Бир оз юриб пешвоз чиққандай бўлди чол ва:

– Келинг, – деб қўйди йўлига.

– Ассалому алайкум, бобо. Ўзи қушуйкуман десангиз. Шу бугун қўшнилару бола-чақа, бариси уйланини ташлаб қирга кетишиди. Тошқин ёмон экан.

– Сиз-чи, бир ўзингиз қолдингизми?

– Бир ўзим... ха, уйқоровул ҳам керак-ку... Ваҳимаси ёмон бўларкан. Ҳар ким жонини ўйлаб қоларкан. Унинг устига бир довон ошиб келган девона чол аввалдан сув омбор тошади, деб каромат қилган экан. Одамларнинг оғзида шу гап эди, сув тошгач, ана, девонанинг башорати амалга ошди, деб ҳамма шошиб қолди.

– Бу тошқин эмас, анови чархпалакнинг суви, – деди чол.

– Қанақасига?

– Шунақасига-да. Ўзи... оббо, қизиқ бўпти-ку, фарзандларингиз сиздай кампирни тошқин босаётган уйга қоровул қилиб кетишгани ғалати бўпти-да...

– Шарти кетиб, парти қолган бўлсам. Қаридим. Бу дунёда кўраримни кўриб бўлдим. Орзу-ҳавасларим амалга ошди-ошмади, ҳар нечук бир одам катори яшадим. Ҳаёт ортда қолди. Энди қирга чопиб қутулган билан нима ўзгаради?

– Шуни айтинг! Мен ҳам кўчабошидаги Матёкуб жўрамникида эдим. Ўтган-кетгандан гаплашиб ҳангомалашиб ётган эдик, бола-чақаси гузарни сув босяпти деб восвослардек машинага чиқиб, жўрамниям миндириб тепага кетишиди. Мени бегона... бегона меҳмон... деб қолдиришиди. Ҳафа эмасман. Ўзи кимман уларга? Вақти-замонида бир фариштанинг ортидан довдираб эргашиб келган дайди итман-да...

– Дайди ит эмассиз, – шундай дея кампир негадир мунгайиб энгашиб олди. – Сиз Самарқанднинг

Хартанг қишлоғидансиз. Дунё ҳадисшуносарининг пешқадами Имом Бухорий дафн этилган қишлоқдан.

– Биларкансиз, биларкансиз-а... – Сўнг бирдан тетикланиб: – Қайдан билдингиз? – деб сўради ва қулоғини елпана қилиб турди.

– ...

(Шу жойда Кумушбабининг “Сиз ўшаму?” номли машҳур саволини көлтирасак бўларди. Аммо қаҳрамонларимизнинг бири кампир, бири чол. Ўхшаш жойи шундаки, булар ҳам бир-бирларининг дийдорларига тўймадилар. Тарих зулми дийдордан устун турди: иккисини икки ёққа юлқиб улоқтириб юборди. Биз учун қизигу ҳам шу: бировникуга ўхшамаган қисмат. Қолаверса...)

Қолаверса...

(Чол ва кампирни бир-бирига суюнтириб дийдиёлаштириб қўйсан ҳам бўларди. Хоҳласангиз Сиз шундай масаввур қилинг. Яхшиси биз ҳикоячи сифатида бу ҳолатга тегинмайлик. Сабабини тушуниб турибсиз: енгил ҳолат эмас...)

Алқисса, сулув кампир чол билан укасининг ҳовлисига тушдилар. Тонгни қарши олдилар. Ҳаёт жой-жойига тушди. Тоққа чиқиб кетганлар ҳам биринкетин тушиб келишиди. Сулув кампирнинг укасининг жужуқ неваралари тоққа машинада қандай чиқиб боришгани, тик қиялардан қўрқмай ўтиб боришганини бирин-кетин ҳам бурро, ҳам соқовланиб гал бермай ҳикоя қилишарди.

Лекин эрталаб кетаётгандарида кечча чиққан жойларидан машина пастга қараб тушолмабди. Бобоси кечқурун бу ерлардан қандай чиқдик экан, деб юрак ҳовучлаб қолибди. Ёрдамчи кутиб турганмиш...

Чол ҳам, кампир ҳам уларга ёрдам кераклигини тушунишиди. Бир-бирига им қоқиб ўринларидан кўзғалишиди...

(Матлаб ва Оқморал эртакдагидек мурод-мақсадига етмагандир. Лекин муроду мақсад нима ўзи? Изласан топа опасанми?

Хуллас, бу ёғи Сизга ҳавола. Хоҳласангиз Матлаб чолни қариган чогида Самарқандга жўнатиб юборинг, хоҳласангиз икки қария кексалик гаштини бирга сурсинлар. Ўзингиз қолганини истаганингиз-ча тўқийверинг.

Бизнинг ишишимиз битди.)





**Узоқ ЖҮРАҚУЛОВ,**  
филология фанлари номзоди,  
ЎзМУ доценти

## ЖАРДАЁЖ МАРОМИ

Адабиёт тушунчасига образли таъриф берганда, кўпинча уни инсон қалби, жамият руҳиятининг барометрига ўхшатамиз. Ҳақиқатан, хассос ижодкор нигоҳи ўзга назарлардан пинҳон, лаҳзада кечажак синоатларни илғайди, ижодкорнинг чап кўли инсониятнинг улкан қалби устида туради, унинг қандай ураётганини аниқлади, ўнг кўли қалам йўнади, руҳияти сўз тӯфонлари ичра парвоз этиб сўзлар аро лойикларини саралайди, оқ қоғоз томон йўллайди. Ижодкор қалби эса, сўз нури ила жилваланиб, бадиият салтанатига ҳарорат бағишлайди. Ижод дунёсида бу жараён илҳом, расмий доираларда адабий жараён деб номланади. Бадиий ижод кишилари шоир, носир, драматург дея атласа, адабий жараён томирини тутиб, унинг қандай ураётганини аниқлашга омил кишилар мунаққидлар, айни жараённинг ўзи адабий танқидчилик дейилади. Бундан келиб чиқадики, адабий танқидчилик бадиий ижод жараёни билан мақсад ва моҳияти нуқтаи назаридан узвий, ҳатто эгиз ҳодиса.


Ўзбек адабиётида кейинги йигирма – йигирма беш йиллар ичida жиддий ўзгаришлар, янгиланишлар кўзга ташланди. Айниқса эпик ва лирик турда ҳам семантик, ҳам структур жиҳатдан қолипларга симайдиганроқ асарлар майдонга келди. Ўзбек мумтоз адабиёти ва фольклори, жаҳон адабиёти анъаналарини ижодий синтез қилишга уриниш, инсон феноменига бир қадар эркинроқ ёндашув тамойиллари, образлар талқинида, услубда янгиликлар қилишга интилиш сезилларли равишда кучайди. Бу жараён бўйига қараб бўлмаса ҳам, энiga қараб шу қадар тез ўса бошлади-ки, ўтган асрнинг 80-йилларигача адабий жараён билан қадам бақадам юришга одатланган ўзбек танқидчилиги бундай суръат олдида эсанкираб қолди. Бир сўз билан айтганда, адабий ижод табиатига хос тартибсизлик олдида анъана ва тартибларга содик танқидчилик ўз ожизлигини тан олишдан ўзга чора топа олмади. Зотан, адабий жараёндаги табиий пуртана адабий танқид олдига талқин доирасини кенгайтириш, тубдан янгиланиш ёхуд

жараён ўзанидан чекиниб туриш масаласини кўндаланг кўйган эди. Адабий танқидчилик иккинчи йўлни танлади, аникроғи танлашга мажбур бўлди.

Аммо чекиниш сира ҳам мағлубият дегани эмас. Чекиниш, бу – нафас ростлаш, йўл қидириш, изланиш, куч йигиши, бир сўз билан айтганда илмий тактика дегани. Бу ҳам ўзбек адабий танқидчилигининг ўзига хос бир босқичи бўлди. Зотан, адабий танқидчиликнинг шаклу шамойили, фаолият тарзи бир ёки бир нечта танқидчи, муайян ижтимоий, маънавий-руҳий омиллар билангина боғланиб қолмайди. Қолаверса, айни босқич сира ҳам тасодиф эмас, балки ўз номи билан жараён. У ўзининг аниқ қонуниятлари, аниқ та-мойилларига эга. Ана шу жараённи холис кузатиш, қонуниятларини илғаш ва қайд этиш, умумлаштириш, шу асосда ўзбек адабий танқидчилигининг келажаги хусусида фикр айтиш зарурати бор эди. Филология фанлари номзоди, Низомий номидаги Тошкент давлат педагогика университети доценти Курдош Қаҳрамоновнинг “Адабий танқид: янгиланиш жараёнлари” (Т.:Алишер Навоий номидаги Ўзбекистон Миллый кутубхонаси, 2009), деб номланган монографияси айни зарурат туфайли майдонга келган асарлардан биридир.

Албатта, Қ.Қаҳрамоновга қадар ҳам ўзбек адабий танқидчилигининг шаклланиши, ўзига хослиги, ривожланиш тамойиллари, вакиллари тадқиқига қаратилган диссертациялар, монография ва рисолалар чоп этилган. Аммо, шуни алоҳида таъқидлаш жоизки, Қ.Қаҳрамонов монографияси ўзигача ёзилган тадқиқотлардан қатор хусусиятлари билан ажralиб туради.

Олдинги тадқиқотлардан фарқли ўлароқ, “Адабий танқид: янгиланиш жараёнлари” китобида адабий танқидчилигимизнинг бир қадар турғун даврларига ўхшамаган, ранг-баранг, чигал ва мураккаб палласи ўрганилган. Олдинги ишларда аниқ ва мажбурий методология асосида бунёд этилган адабиётни адабий танқидчилик яна-да мустаҳкамроқ қолипга солиб





талқин этилган бўлса, Қ.Қаҳрамонов изланишларида ўрганилган давр адабиёти, танқидчилиги фаолиятида айни қолипларнинг синиши, йўлсизлик, изланиш, маълум маънода асл адабиётни кашф этиш, кашф этароқ адашиш жараёнлари хусусида фикр юритилган. Шунга кўра, монографияда ўзбек адабий танқидчилигининг кейинги даврларига доир бир нечта муҳим масалалар талқин этилган.

Маълумки, ўтган аср 80-йиллари интиҳосига келиб, адабий танқид нима, бадиий асарга қайси усулда ёндашмок мақсадга мувофиқ, қандай асар чин маънода асл адабиёт намунаси бўла олади, танқиддан паст асарларга қандай муносабатда бўлмоқ лозим каби қатор саволлар ўртага тушдики, бу даврдан бошлаб шаклана бошлаган ўзига хос адабий материаллар эндилиқда шу каби ҳақли жумбокларга жавоб топиш масаласини кўндаланг кўйди. Натижада бадиий асарни таҳлил этиш ўйларини излаш, илмий изланишлар йўсими, адабий танқид методологиясини белгилаш ўта долзарб муаммога айланди. Негаки, бу давр адабиёти том маънода синтезлашган адабиёт бўлиб, на анъанавий мумтоз поэтика, на жадидлар барпо этган социологик талқин, на шўро танқидчилигига узоқ ўйлар гегемонлик қилган марксча методология қолипларига тушур эди. Бу адабиёт мавжуд методологик тамойилларнинг барчасини умумлаштириш, шу асосда ўзига хос янги тадқиқот усувларини кашф этишни талаб этарди. Гарчи, бу жараён қарийб ўттиз ўйлардан бери давом этиб келаётган бўлса-да, унинг илмий-назарий жиҳатдан яхлит, системалашган бир шакли ҳанузгача дунёга келгани йўқ. Жараён давом этяпти.

Қ.Қаҳрамонов тадқиқотининг мазмуни, эҳтимол мақсади ҳам мана шу жараён ҳақида тасаввур ҳосил қилиш, айни оқимни бир ном, ҳаракат шаклида тасвирлашга қаратилгани билан ўзининг маълум ютуқ ҳамда камчиликларини намоён этади.

Дарҳақиқат, бу борада олим билдирган фикрларга кўшилиш мумкин. Муайян асарни бир бутун бадиий матн сифатида структур таҳлил қилиш, ўзбек адабий танқидчилигига хос индивидуал тафаккурнинг маҳсулни бўлмаса-да, жаҳон адабиётшунослик илмида маълум тадқиқ канонларидан унумли фойдаланиш натижаси сифатида диккатга молик. Ва бу ҳолат Европа ҳамда рус адабиётшунослигига узоқ давом этган илмий талқинлардаги класицизм анъаналарини ёдга солади. Буларни эътироф этган ҳолда шуни таъкидлаш жоизки, миллый адабий танқиднинг ривожланиши, янги методологик тамойилларнинг шаклланиши учун энг муҳим восита жаҳон ҳалқлари тажрибасида мавжуд илмий-адабий методларнинг маъно-моҳиятини англаш, уларнинг назарий асосларини ўзлаштиришдир. Бу борада китобда атрофлича ўрганилган филология фанлари номзоди Сувон Мелининг “Структурализм ва структур таҳлил ҳақида” (китобда сарлавҳа хато берилган – У.Ж.) тадқиқотини алоҳида таъкидлаш лозим. Менимча, жаҳон адабиётшунослиги тарихида мавжуд ва муайян самара берган барча тадқиқот методларининг айнан маданий-тарихий, ижтимоий-сиёсий, руҳий-маънавий, илмий-адабий, этик, эстетик моҳияти нұқтаи назаридан теран ўрганиш, умумлаштириш бугунги адабий жараённинг муҳим шарти бўлиб турибди. Шундагина шарқ мумтоз танқидчилиги одоблари, йўналишлари, мақсад-муддаолари бизга бутун бўй-бости билан намоён бўлади. Бу икки кутб адабий тафаккурини том маънода солиштириш, лозим бўлса, синтезлаш имконияти туғилади. Шунда ҳам кейинги ийлар адабий танқидчилигига бўлгани каби тарихий шарт-

шароит, макон-замон муносабатларини ҳисобга олмай турли тайёр методларни бугунги адабий манбаларга татбиқ этиш, ўзбек адабий танқидчилиги ривожи учун асос бўла олмайди. Фақат адабий танқид методологиясини белгилаш учун восита ўлароқ хизмат қиласи, холос. Зотан, адабий танқид методологияси шундай ҳодисаки, унинг шакли шамойили ҳар бир макон-замонга, ҳар бир ижодкорга индивидуал ёндашув, адабий жараён, бадиий асар табиатидан келиб чиқиб баҳо беришни тақозо этади. Тирик матнни тайёр қолипларга солишга уриниш эса бу чаманзорнинг пайхон бўлишига олиб келади.

Бундай ўзига хос методологияни ишлаб чиқиш учун мунаққид дегани, энг аввало, холис, миллый, шарқ маънавий-маърифий анъаналарига тўйинган аниқ дунё-қарашга эга бўлиши лозим. Бунингиз ўзбек адабий танқидчилигининг ўз методологияси бўлиши ҳақида гап ҳам бўлиши мумкин эмас.

Қ.Қаҳрамонов тадқиқотида мана шундай жиддий масалаларга эътибор қаратиш, уларни илмий материаллар асосида баён этишга интилиш сезилади. Аммо олимнинг: "...Мустақиллик даври танқидчилигига бадиий асарни баҳолашда системали таҳлил етакчилик қилаётганини таъкидлаш зарур" (128-бет), деган фикрларига қўшилиб бўлмайди. У системали таҳлил намунаси сифатида кўрсатган тадқиқотларнинг бирортаси бу улкан илмий феномен талабларига жавоб бермайди. Гарчи, биз миллый танқидчилигимиз хусусида меҳр-муҳаббат билан фикр юритишимиш ўзбекона одоб ҳисобланса-да, бундай жиддий муаммоларнинг холис ечимини топишнинг зарурати ва шартлиги том маънода объектив бўлишини талаб этади. Қолаверса, системали таҳлил дегани бир асарга кўплаб илмий-адабий методларни бирваракайига татбиқ қилиш дегани ҳам эмас. Масалани айни тарзда тушуниш гўёки бир дарахтга шакл бериш учун биратўла ўнлаб боғбонлик асбобларини ишга солишга ўхшайди. Ҳолбуки, ҳар бир дарахтнинг ўз табиати, манзил тутмиш ўрни, қуёш билан муносабат қилиш критерийлари бўлади. Қайсиdir дарахтнинг муолажаси биргина қайчи билан, бошқасиники арра ёки болта билан амалга оширилганда самара бериши мумкин. Шуни унутмаслик керакки, тилга олинган қайчи, арра, болталарнинг ҳар бири ўз-ўзича мустақил иш қуроли, ўз услугига эга индивидуал предмет бўлганидек, ҳар бир илмий-адабий метод ҳам (агар у метод даражасига кўтарилган бўлса!) алоҳида бир системадир. Мана шундай методлар йиғиндиси, уларнинг умумлашган кўриниши методология аталадики, ижтимоий жараёнлардан, замон ва макон табиатидан тамомила ҳоли бўлмаган, ҳаракатдаги, интиҳосини ҳеч ким башорат қила олмайдиган адабий танқид методологияси табиати ҳам турғун тушунчаларда эмас, балки айнан доимий циркулятив ҳаракатда намоён бўлади. Бугунги адабий жараёнда намоён бўлаётган баъзи бадиий экспериментлар, тақлидлар, шаклан бошқачароқ асарларни тўғридан-тўғри модернизм намунаси дея баҳолашга уринишлар ҳам айнан ҳаракатдаги жараён моҳиятини теран англа-маётганимиздан келиб чиқаётганини алоҳида таъкидлаш лозим. Шунинг учун ҳам айни жараён хусусида фикр билдириш, уни номлаш, етакчи хусусиятларини белгилаш ўта мураккаб жараён. Тадқиқотчидан изланиш, изланиш ва яна изланишни талаб этади.

Доцент Қ.Қаҳрамонов ўта заҳматкаш, синчков, илмли ва, энг муҳими, холисликка интилувчи олим. Унга бу йўлдаги машақатли меҳнатлари самарали бўлишини ти-лаб қоламиз.



Махмуд ТОИР



## Сөзиниң жонима Інформашан бир үл

*Сўзниң гўзали муҳаббат мадҳида айтилур. Бу борада сўзниң азалини эса Одам Ато ҳазратлари Момо Ҳаво онамизга айтганлар. Демак, ошиқлик бизга Одам Атодан мерос. Аммо бу мерос ҳар дилда ҳар рангда юз очур. Ҳар тилда ўзгача оҳанг касб этур. Севганга ҳаёт гўзал, севилганга баҳт бор.*

*«Ёшлик» журнали муҳлисларига илинаётган бу битикларим йигитлик йилларининг садоси. Уларнинг аксарияти дафтарлар қатида қолиб кетса шеърнинг ҳам уволи борга ўхшади. Муҳаббатнинг уволини ризқнинг уволига қиёслаб бўлмас. Аслида шеърни изоҳсиз ўқиган маъқул эмасми?..*

### ХАЛҚОНА

Қат-қатгина қатлама,  
Қатларида ёзи қўп.  
Ким севишни билмаса,  
Юрагида дозги қўп.

Ошиқликдан ор қилган,  
Оро ўйлда оввора.  
Муҳаббатни хор қилган,  
Яшар абад дилпора.

Қантак ўрик қанд эмас,  
Чойга солиб бўлмайди.  
Бевафонинг номини,  
Ёдга олиб бўлмайди.

Қўлни-қўлга берсангиз,  
Дукилайди юраклар.  
Ногоҳ қарсиллаб синар,  
Эгилмаган тераклар.

Пора-пора, дилпора,  
Севолмаган бечора.

Тошга малҳам кор қилмас,  
Бўлиб юрманг оввора.

Ишқдан ишрат изламанг,  
Ишқ вафонинг меваси.  
Кўзга тушган ямоқдир,  
Чинниларнинг чегаси.

### ЧИН ОШИҚ

Шодлигида шароб бор,  
Кўзларида гулоб бор.  
Сочларида тун бўлса  
Юзларида офтоб бор.

Бу қандай чашима экан,  
Дил унга ташна экан.  
Севмайин, севилмайин,  
Ичишига шошима экан.

Гул тутар ифори йўқ,  
Дилида дилдори йўқ.  
Ҳар ошиқ Мажнун бўлса  
Лайлининг бозори йўқ.

Садоқат шеваси хуш,  
Муҳаббат меваси хуш.  
Ошиқман деб оҳ урап,  
Ёрни бир кўрганми туши?

Сеҳрда садо бўлмас,  
Қуруқ сўз нидо бўлмас.  
Чин ошиқ чиранмайди,  
Бир оҳда адо бўлмас.

### КУЛГИЧИНГ

Қатра кўз ёши қонимдан,  
Бир оҳ чиқди жонимдан.  
Шу гўзалнинг пойига,  
Туширдинг осмонимдан.

Магрур эдим, сор эдим,  
Чертилмаган тор эдим.  
Худойимга йигласам,  
Хилватда хумор эдим.

Ай муҳаббат, муҳаббат,  
Юзингдаги нурингдан.



Сен кулдинг, мен кул бўлдим,  
Кўзингдаги қўрингдан.

Офтоб қани, ой қани,  
Кўрсин, кўрсатай сани.  
Менсиз ерда юрганин,  
Жисмимдаги жон мани.

Қабогингда қоринг йўқ,  
Тикилсан туморинг йўқ.  
Кулгичинг кундан гўзал,  
Менингдек хушторинг йўқ.

### ОЛМА ОТСАНГ

Қарсилаган қарс нима,  
Кўнгилдаги дарз нима,  
Йўлга чиққан ийгитга,  
Араз нима, арз нима?

Олма отсанг билиб от,  
Аввал ўзинг илиб от.  
Бахтили бўлган борми, айт,  
Дунёсида солиб дод.

Офтобга арзандасан,  
Моҳтобга пазандасан.  
Худойимнинг олдида,  
Битта гарип бандасан.

Кўзга тушган чўп экан,  
Бахтили бўлсанг хўп экан.  
Бу оламга сен, мендек,  
Келиб кетган кўп экан.

Чиройда чиммат бўлур,  
Хуши сўзда ҳикмат бўлур.  
Одам учун айт, нима,  
Қадрдек қиммат бўлур.

Билиб севсанг баҳтисан,  
Кўксингда тоғ, таҳтисан.  
Юзингда юзта офтоб,  
Ёр олдида аҳдисан.

### ИШҚ ГУЛОБИ

Шамолнинг шитобидан,  
Бир чимдим тутиб олсан.  
Қизил гул гулобидан  
Бир қултум ютиб олсан.

Кейин кўзингга боқсан,  
Кейин юзингга боқсан.

Оразинг оташида,  
Жонимни лов-лов ёқсан.

Юлдузларнинг юзидан,  
Дурларин тилаб олсан.  
Ойнинг ойдин рўмолин,  
Зулфини силаб олсан.

Бирин кафтингга солсан,  
Бирин кифтингга солсан.  
Меҳринги болиши қилсанг,  
Бағрингда баҳтдан толсан.

Мажнуннинг қайғусидан,  
Тўкилган тиловатдек.  
Пайлининг ёғдусидан  
Топилган ҳаловатдек.

Қувончни шароб қилсан,  
Қайғуни кабоб қилсан,  
Висолда қоврилдик деб,  
Оlamга хитоб қилсан.

### ГУЛИМ

Осмондаги ой десам,  
Олислаб кетгандайсиз.  
Жоним десам жилмайиб,  
Нафасим етгандайсиз.

Сиз мендан узоқлашиманг,  
Узилиб кетолмайсиз.  
Гулим, баҳтни менингиз,  
Бармогин тутолмайсиз.

Жўшқин сойлар савлати,  
Сув юқмас тошдамикин?  
Меҳмон қадри меҳрда,  
Ё чимдим ошдамикин?

Бу дунёда муҳаббат,  
Кўнглининг хуши меҳмони.  
Бир умр ўзим бўлай,  
Кўнглингизни мезбони.

Қадрингизни қатраси  
Қаримайди қонимда.  
Гулим, гулдек очилиб  
Яшайверинг жонимда.

### ИЗЛАРИНГДАН ТЕРГАЙМАН

Мен жонимни Жабборга  
Бекорларга бермайман.

Кўзингдаги шабнамни  
Кипригимда тергайман.

Бу дунё девонаси  
Деб ўкситма дилимни.  
Тун менга тумор тутса,  
Ишқ ёритган йўлимни.

Мен бегона осмоннинг  
Офтобини узмайман.  
Чиройинг гул баргига  
Тиконларда чизмайман.

Ошиқман деб дунёга  
Жар солмоқдан на ҳожат?  
Номинг нондай азизу  
Ёдинг менга ибодат.

Мен жонимни жабборга  
Бекорларга бермайман.  
Жаннатда ҳам ифорни  
Изларингдан тергайман.

### САДО БЎЛУР

Тоши ойнани тоши йўлда,  
Ётганини ким кўрган?  
Айт, вафони бозорда  
Сотганини ким кўрган?

Кўнгил-а, куйган кўнгил,  
Сув сепиб сўндиримагин.  
Сўймаганни ёлбориб  
Ёлғонга кўндиримагин.

Умр қисқа йўл узун,  
Тулпорлар ҳам толаркан.  
Аламнинг алангаси  
Юрагингда ёнаркан.

Кўз яраиса узукка,  
Айтгин, ким гина қилар.  
Қайрилма қоши, қалам қоши  
Қайрилса нима қилар?

Кўнглимнинг кўчасидан,  
Топганим озор бўлди.  
Армон бағримда тикан,  
Ҳижрон менга ёр бўлди.

Куйса-ю, куйдирмаса,  
Ҳар кўнгил адo бўлур.  
Бу дунёда айт, қачон  
Тошлиардан садо бўлур?!



Дилдора АБДУРАИМОВА,  
ЎзМУ талабаси

## ЎЗЛИКНИ АНГЛАШ ЙЎЛИДА

Халқимиз, миллатимиз бой тарихий маданий ва маънавий меросга эга, уларни ўрганиш миллий ўзлигимизни англашга, улардан самарали фойдаланиш эса Республикаизда фуқаролик жамияти ва демократик ҳуқуқий давлат барпо этишга имкон беради. Республикаиз Президенти И.А.Каримов “Мамлакатимизда демократик ислоҳотларни яна-да чукурлаштириш ва фуқаролик жамиятини ривожлантириш концепцияси” номли рисоласида ёзганидек, “Мамлакатимизни ислоҳ этиш ва демократлаштириш жараёни ҳеч қачон ортга қайтмайдиган, қатъий ва изчил тус олгани, одамларимиз ўзгариб, уларнинг сиёсий ва фуқаролик фаоллиги ошгани, онгу тафаккури юксалиб, ён-атрофда бўлаётган барча воқеа-ҳодисаларга дахлдорлик туўғуси, эртанги кунга ишончи ортиб бораётгани мисолида кўриш, англаш қийин эмас”<sup>1</sup>.

Ўзбекистонда мустақиллик йилларида амалга оширилаётган ислоҳотларнинг муваффакияти халқимизнинг маънавий камолоти ва миллий руҳининг даражаси билан белгиланади. Шу нұктаи назардан XXI асрда давлатимизнинг равнақи, унинг кучи ҳамда салоҳияти кўп жиҳатдан халқ маънавиятининг юксаклиги ва поклигига, ёшларимизнинг интеллектуал саводхонлигига, улар онгода ва қалбida миллий гоянинг шаклланганлигига боғлиқиди.

Мамлакатимиз мустақилликни қўлга киритган дастлабки кунлариданоқ миллий анъана, урфодатларимизни тиклашга киришилди. Маънавият ва маърифат соҳаларига, миллий ўзликни англашга устивор аҳамият берила бошлади. Шу билан бирга, миллий маданиятимизнинг умуминсоний қадриятлар билан ўйғунлигини таъминлашга имконият яратилди. Натижада жамиятимиз маънавий ҳаётида янгиланиш

ва ўзгариш юз бериб, миллатлараро тотувлик тикланди, миллий урф-одат ва қадриятларга муносабат ижобий томонга ўзгарди.

Давлатимиз раҳбари Ислом Каримовнинг 2006 йил 25 августдаги “Миллий ғоя тарғиботи ва маънавий-маърифий ишлар самарадорлигини ошириш тўғрисида”ги қарорида бу масалага алоҳида эътибор қаратилган. Бинобарин, глобаллашган дунёда фуқаролар, айниқса ёшларнинг ижтимоий фаоллигини ошириш, уларда мустақил дунёқарашни шакллантириш, ўзлигини англаши, миллий ғурури ривожида миллий урф-одат ва қадриятлар муҳим аҳамият касб этади.

Юртбошимиз И.А.Каримов “Юксак маънавият – енгилмас куч” номли асарида таъкидлаганларидек, “Биз халқимизнинг ҳеч кимдан ҳеч қачон кам бўлмаслиги, фарзандларимизнинг биздан кўра кучли, билимли, доно ва албатта баҳтли бўлиб яшаши учун бор куч ва имкониятларимизни сафарбар этаётган эканмиз, бу борада маънавий тарбия масаласи, ҳеч шубҳасиз бекиёс аҳамият касб этади. Агар биз бу масалада хушёрлик ва сезирлигимизни, қатъият ва масъулиятимизни йўқотсан, бу ўта муҳим ишни ўз ҳолига, ўзибўларчиликка ташлаб қўядиган бўлсан, муқаддас қадриятларимизга йўғрилган ва улардан озиқланган маънавиятимиздан, тарихий хотирамиздан айрилиб, охироқибатда ўзимиз яшаётган умумбашарий тараққиёт йўлидан четга чиқиб қолишимиз мумкин... Ўз тарихини билмайдиган, кечаги кунини унугтан миллатнинг келажаги йўқ”<sup>2</sup>.

Дарҳақиқат, ҳеч бир халқ ўз тарихини билмай туриб, тараққиётга эриша олмайди. Шу маънода улуғ

<sup>1</sup> Каримов И.А. Мамлакатимизда демократик ислоҳотларни яна-да чукурлаштириш ва фуқаролик жамиятини шакллантириш концепцияси. –Т.: Ўзбекистон, 2010, 7 бет.

<sup>2</sup> Каримов И.А. Юксак маънавият – енгилмас куч. Т.: Маънавият, 2008, 4 - бет.



аждодларимиз қолдирган мерос, миллий урф-одат ва қадриятларни ёшларимиз онгига янаям таъсиричан усуллар билан сингдириш уларни маънан баркамол, етук қилиб тарбиялашда, уларда ўзликни англаш туйғусинининг шаклланишида муҳим роль йўнайди.

Баркамол ахлоқ ва яхши хулқ аста-секинлик билан шаклланади. Халқнинг ахлоқий мезонлари, қадриятлари ўтмиш маънавий мероси билан, кўхна она замин билан боғлиқдир. Ана шунинг учун ахлоқий тасаввурларимиз, одоб мактабимиз, миллий қадриятларимиз ва урф-одатларимиз, маданий меросимиз пировард натижада миллат учун, унинг обрўси ва истиқболи учун хизмат қўлсагина бошқаларда эҳтиром ва ҳавас туйғуларини ўйғотади, ана шундагина миллат ўз ўтмишини, ўзлигини, тақдирини, қадриятларини, урф-одатларини унутмайди. Яхши фазилатлар, одатлар, анъаналар, миллий қадриятлар ва буюк боболаримиз сиймоси, уларнинг тарихий мероси авлодлар йўлини шамчироқ янглиғ ёритиб боради.

Халқимиз ўз бошидан қанчадан-қанча оғир, машақкатли кунларни ўтказган. Доро, Искандар, Чингиз, Черняев, Кауфман каби босқинчилар тупроғимизни яксон этиб, халқимизни кул қилмоқни орзу қилган эдилар. Ўтмишда юртимизга бостириб келган ҳар қандай мустабид борки, биринчи навбатда, миллий қадриятларни оёқости қилишга, миллат руҳини синдиришга, уни ўзлигидан жудо қилишга ҳаракат қилган.

Юртбошимиз Ислом Каримов “Юксак маънавият – енгилмас куч” номли китобида бу ҳақда ёзганидек, “Ана шундай даҳшатли даврда ҳам ҳар қандай зулм ва истибоддаға қарамасдан, халқимиз ўзини, ўзлигини ўйқотмади. Тилини ва динини, иймон-эътиқодини сақлаб қолди. Ноҳақлик ва зўравонлик ҳукмрон бўлган шундай замонларда ҳам юртимиздан миллат ва халқ қайғуси билан яшаган ҳақиқий ватанпарвар инсонлар етишиб чиқди. Халқимизнинг асрлар давомида янада кучайиб, тобланиб борган мустаҳкам иродаси, иймон-эътиқоди нафақат қадимий маънавиятимиз, балки миллий ўзлигимизни сақлаб қолишга асос бўлди”<sup>3</sup>.

XXI асрда халқимиз руҳиятига қарши қаратилган ғоявий-мафкуравий хуружлар турли усулларда тобора нозиклашиб, “маданийлашиб” бормоқда. Турли кино-фильмлар, телевидение кўрсатувлари ва радиоэшиттиришлари шаклида, газета-журналлар, интернет тармоғи ва бошқа йўналишларда мунтазам равишда тикиштирилаётган кўплаб аҳборотлар халқимиз, ёшларимизнинг тушунчаларини барбод этишга, мафкуравий иммунитетимизни сусайтиришга қаратилгандир. Ёшларни заарарли ғоялар таъсирига олишга уринаётган тажовузларга қарши турадиган асосий омил энг

<sup>3</sup> Каримов И.А. Юксак маънавият – енгилмас куч. Т.: Маънавият, 2008, 25-26 бетлар.

аввало халқимизнинг ор-номуси, эътиқоди, маърифатини, миллий қадриятларини ўзида мужассам этган маънавий кудратидир.

Миллий онгимиз ва руҳимизни кўтариш, аждодларимизни, ўзлигимизни танишимиз, келгуси ва ҳозирги авлодни тўғри тарбиялашимиз лозим. Одамлар ўз қадриятларимиз ва маросимларимизнинг тиклана бошлаганидан бир нишона сифатида инсонпарварлик ғояларини, меҳр-муҳаббат ва раҳм-шафқатни, одаб-ахлоқни, халқлар дўстлигини тараннум этган Алишер Навоий, Саъдий, Жомий, Беруний, Форобий, Фузулий, Умар Хайём, Бедил каби буюк мутаффакирлар ижодидан кенг фойдаланмоқдалар. Бу соҳада қилинаётган ишимизда умуминсоний қадриятларни тарғиб қилган арбоблар, жумладан Имом Бухорий, Имом ат-Термизий сингари муҳаддислар, Имом Мотурудий, Бурҳониддин Марғонионий, Аҳмад Яссавий, Сўфи Оллоёр, Рабғузий, Фаззолий, Баҳоуддин Нақшбанд, Хўжа Аҳорон сингари шайх ва уламолар асарларини ўрганиш, улар ижодининг янгича таҳлил-талқинлари кишиларда катта қизиқиш ўйғотмоқда. Чунончи, Имом ат-Термизий “Энг яхши дўст деб одамларга доим хайрли ишларни қилиб юрувчи кишига айтилади”, “Одамлар орасида ғулу солиш, бир-бирларидан бездириш – гуноҳдир”, деб таълим берганди.

Миллий ўзликни англаш биринчидан, халқимиз, миллатимиз яратган маънавий ахлоқий қадриятларни, меросни ўзлаштиришни англашга, иккинчидан, шахсни инсоний фазилатларни намоён этишга, жамиядда инсонпарварликни мустаҳкамлашга ундейди. Шу тариқа миллий ўзликни англашнинг ўзи маънавий-ахлоқий фазилатлар, инсонпарварлик тарзида намоён бўлади. Бу эса – ўзликни англашни умуминсоний қадриятлар билан уйғуллашишига олиб келади. “Биз, – дейди И.А.Каримов, миллий маданиятнинг ўзига хослигини тиклаш ва ривожлантиришга катта эътибор берар эканмиз, миллий ўзликни англаш маданияти ғояларидан, умуминсоний қадриятлардан узилмаслигини назарда тутамиз. Ўзбек халқининг тарихи ва маданияти умумбашарий цивилизациянинг таркибий ва ажralmas қисмидир”<sup>4</sup>.

Биз юксак маънавиятга асосланган миллий ғоямиз, қадриятларимизни, кимлигимизни англасак, мустақил дунёкараш эгаси бўлсак, шубҳасиз, ёт ва зарарли ғоялар қурбони бўлмаймиз. Шу сабабли ҳам ўзига хосликни, бой маданий ва тарихий меросимиз, миллий қадриятларимизни кўз қорачиғидек асраш ҳар биримизнинг, жумладан, ёшларнинг муқаддас бурчимиз бўлмоғи лозим.

<sup>4</sup> Президент И.А.Каримовнинг ЮНЕСКО ижроия кенгаши сессиясининг 155-якунловчи мажлисида сўзлаган нутқи. (Халқ сўзи, 1998 йил 7 ноябрь)



Ҳамрохон МУСУРМОНОВА



# ДИЙДОР ҚҮШИГИ

Хикоя

Бу атрофда унинг олдига тушадиган тулпор йўқ эди. Уни етаклаб, кўчадан савлат билан бораётган Бахтиёр чавандозга ҳамманинг ҳаваси келарди. Чунки Оққашқа улок-кўпкариларга тулпорларнинг сардори бўлиб киради. Қоп-кора ёлларини ҳилпиратиб, майдонга чопиб кирганда ҳар қандай зўр чавандознинг ҳам юраги алғов-далғов бўлмай қолмасди. Бахтиёрни Оққашқанинг чавандози дейишарди.

Бахтиёр эса тулпорини «Дўстим, қадрдоним» деб эркаларди. Фақат кўпкарига киргандагина: «Олға, тулпорим, олға», дея меҳр билан кулоғига шивирларди.

\*\*\*

Одатдагидек, саҳарда отхонага кирган Бахтиёр бир зум серрайиб туриб қолди. Ҳеч нимага тушунмагандек анграйиб, Оққашқанинг қозиги ёнига борди. «Бўшроқ боғлаган бўлсам, ечилиб кетганмикан?» деган ўйда тулпорнинг арқонини қидирди. Қозикда арқон кўринмасди.

Бахтиёрнинг ич-ичидан бир овоз: «Тулпорни ўғирлашган», дея таъкидлагандек бўлди. Оғилхонадан шошиб чиқиб, ҳовлини айланди, кўчага югурди. Фираширада кўчанинг икки юзидаги тераклар қилт этмай турарди. Юраги бўм-бўш бўлиб қайтиб кириб, яна тулпорнинг қозиги ёнига борди. Ерга тикилиб, ўзича бирор аломат, нишон излади. Ерда тулпорнинг туёқ излари кўринмасди. Шундагина ич-ичидан тошиб келаётган ғалаён тилига кўчди:

– Ах-ҳ, ярамаслар! Ўғирлашибди! Оққашқани олиб кетишибди!

Ичкиридан хотини, ўғли ва қизи югуриб чиқди:

- Нима гап, отаси?
- Оққашқа... Оққашқа йўқ, Ҳанифа.
- Балки, арқони бўшалиб кетгандир? Эҳтимол, кўча-пўчага чиқиб...
- Йўқ! – деди Бахтиёр Ҳанифанинг гапини бўлиб.
- Уни ўғирлашган...



Бахтиёр бошини чанглаб, Оққашқанинг охури ёнига ўтириб қолди. Ҳанифа ўн тўрт ёшли ўғли Шаҳобиддинга юзланди:

– Бор, болам, Эшпўлат амакингни чақириб кел.

Дадасининг дўстини чақириб келса, Оққашқа то-пиладигандек, Шаҳобиддин кўча тарафга югурди.

\* \* \*

– Нима гап? Тинчликми, келин? – деди эшикдан ҳовликиб кириб келди Эшпўлат.

Ҳанифа унга салом беришни ҳам унутиб, отхона тарафга ишора қилди:

– Ошнангизнинг оти... Оққашқа йўқолиб қолди.

– Вахима қилмасаларинг-чи, арқони ечилган бўлса, дала-палага йўрғалаб кетгандир. Ҳозир биргалашиб қидирамиз, – деб Эшпўлат, Бахтиёрнинг ёнига бориб, елкасига қўлини кўйди. – Оғайни, бу нима ўтириш?.. Қараш керак, эҳтимол, бедапояга кетгандир...

– Кўнглим сезиб турибди. Уни ўғирлашган, – деди Бахтиёр тишларини ғижирлатиб. – Лекин бу ишни ким қилганига ақлим етмаяпти.

– Аввал мундоқ дала-палани айланиб кўрайликичи, топилмаса, кейин ваҳима қиласан. Тур энди. Тулпоринг йўқолиши мумкинмас-э... Топамиз. Сенинг уйингга ҳадди сиғиб, бирор ўғриликка киролармиди? Тур, ошна...

Бахтиёрнинг кўзида алланечук умид учқунлади.

– Шу пайтгача сира бундай бўлмаган, бегонани яқинига йўлатмасди. Жуда бўлмаса, кишинаб, ишора берарди, – деди дўстига жавдираф қараб.

– Кўрдингми, унга бирор даф қилганда, Оққашқанг ҳаммани оёққа турғазган бўларди. Вақтни ўтказмай, қидириш керак, – Эшпўлат ғайратли қиёфада Шаҳобиддинга юзланди: – Шаҳоб, бор, Ойбек акангни чақир. Дадангиз айтяпти, иккаламиз бедапояни кўриб келарканмиз, деб айт унга... Келин, сизлар уйдан чиқмай ўтиргилар, нима хабар бўлса, шу ерга кела-миз.

– Яхшиям сен бор экансан, оғайни, бўлмаса, шу пайт нима қилардим? – деди Бахтиёр унинг елкасига қўл ташлаб.

Эшпўлат ошнасига қараб кулимсиради:

– Бунақа ўтирма, топамиз тулпорингни.

\* \* \*

Ҳанифа сўрида бошини эгиб ўтирган Бахтиёрнинг ёнига келиб, қўлидаги чойнак-пиёлани эрининг ёнига кўйди.

– Отаси, топилар ўша жонивор... Одамлар ўтиб кетяпти бу дунёдан, у-ку бир от экан...

– Гап отнинг йўқолганида эмас, онаси, – деди Бахтиёр бир нуқтадан кўз узмай. – Оққашқани ўғирлаган нокас уйимни оёқ ости қилди. Энди эл-юрт олдида нима деган одам бўламан? Бахтиёрнинг уйига ит ҳам, бит ҳам бемалол кириб, истаган нарсасини олиб кетаверади, деб одамлар устимдан кулмайдими, ахир?!

– Кўйсангиз-чи. Бир отнинг йўқолгани Бахтиёр чавандозни синдириби, қаддини букибди, деган таъна ёмон, отаси. Боингизни кўтаринг. Одамлар қайғунгизни сезмасин.

Хотинининг гаплари Бахтиёрга маъқул кўринди.

– Сенга гап бўлса, бас, жуда чечансан, – деди у оғир хўрсиниб. – Лекин гапингда жон бор. Мен Бахтиёр чавандозман. Элнинг ичидаги одамман. Ҳар қанча ташвишим бўлса ҳам бошимни эгмаслигим керак.

Чавандоз хотини узатган чойни иссиқ-иссиқ хўллади.

– Ана, Эшпўлат ошнангиз, сизни деб куйиб-пишиб юрибди. Шу от ўлгурни қидиритириб ўғли Ойбекниям тиндиримаяпти.

– Унинг бунақа жонқуярлигини авваллари сира сезмагандим. Ичидаги бир ғайирлиги бор, деб юрардим.

– Ҳа, энди дўст дегани синовда билинади-да, отаси...

\* \* \*

Оққашқанинг димоғига зах хиди урилди. Кўнгли алланечук ноҳушникин сешиб, безовта депсинди. Бошини илкис силтаб, туёқларига солинган занжир-кишандан озод бўлишга уринди. Қаерда турганини англамоқчи бўлгандек бошини сарак-сарак қилди. Аммо ҳеч нарсани илғамади. Бирордан кейин димоғига қуриган беданинг иси урилиб, кўнгли хотиржам тортди. Чунки бу ису унга қадрдон отхонасини эслатганди.

– Энди шу ерда яшайсан, тулпорларнинг сардори, – деган овоз қулогига кирди.

Овоз ҳам, унинг атрофида ўралашаётган одамнинг иси ҳам унга жуда таниш эди.

Сўнг кўзини тўсиб турган нарсани олиб ташлашди. Туйнукдан хира нур ёғилар, гира-шира хонада Эшпўлат тиржайиб турарди. Уни кўриб, тулпорнинг кўнглидаги ноҳушлик тарқалди. Ахир бу Бахтиёрнинг дўсти-ку. Демак, Оққашқанинг ҳам дўсти. Дўстнинг дўстидан ёмонлик келмайди.

– Фиринг деб, овозингни чиқара кўрма, – деди Эшпўлат, унга ғалати ўшшайиб. – Бахтиёр ўпкасини босиб олгунча шу ерда яшайсан, кейин... – Эшпўлатнинг юзига заҳарханда кулги ёйилди. – Қази-пазига ярарсан.

Эшпўлат ёғоч эшикни гичирлатиб очиб, ташқарига чиқиб кетди.

Унинг гапини англамаган Оққашқа қуриган бедани курт-курт қилиб, эринибигина кавшай бошлади...

У ички ботиний сезги билан тонг отганини пайқади. Туйнукдан тушаётган ёруғлик тиниклашди. Оққашқанинг оғзи қуруқшаб, сув ичгиси келди. Ҳар куни бу маҳалда Бахтиёр ундан икки марта хабар оларди. Фира-шира тонг отаётган паллада келиб, олдига бир боф қуриган беда ташлар, сўнг ёлини силаб:

– Яхшимисан, ошна, омонмисан? Иккимизни соғсаломат кўриштирган Аллоҳга шукрлар бўлсин, – деб у билан сўрашарди.

Офтоб оламни ёритган пайтда эса бўйнига арпа солинган халтани илиб қўярди-да, дағаллашган кенг кафтлари билан баданини ишқалаб, силаб-сийпалаб эркалади. «Иккимиз дўст бўлиш учун яралганмиз: сен ва мен, икки дўст», – дерди Бахтиёр унинг кўзларига термилиб. Бу гапдан яйраб кетган Оққашқа думини у ёқ-бу ёққа ташлаб, ер депсиниб, бошини сарак-сарак қилиб, дўстига муҳаббатини изҳор этарди.

– Ҳамма гапимга тушунасан-а, жонивор? – деб унинг юзига шапатилаб урарди Бахтиёр. – Одамлар бир-бирини тушунмайдиган замонда, сенинг ақлингга беш кетаман. Зуккосан, дўстим.



Оққашқа Бахтиёрни одамларнинг энг кўрками, энг саховатлиси ва энг яхшиси деб билади. Уни кўриши билан беихтиёр куйлагиси келади, туёклари билан ер депсиниб, думини кериб, ўйинга туша бошлайди. Бахтиёр эса кўзлари қувончдан порлаб: «Ха, жонивор-а, менинг тулпорим. Гижинглаб туришингга борман-да», деб унинг бўйнидан кучоқлади. Оққашқа яйраб кетади. Шу асно Бахтиёрнинг ҳам юраги муҳаббатга лиммо-лим тўлганини хис этади.

Лекин нимага бугун у келмаяпти? Оққашқа туёклари билан ер депсиниб, бошини силкиди. Тунги воқеалар элас-элас эсига тушди: Эшпўлат уни бу ёққа бошлаб келаётганда, қулоғига: «Тинчлан, дўстимнинг дўсти, сени Бахтиёр чақиряпти, дўстинг сени кутяпти», деганди. Ха, аниқ шундай деган эди. Сўнг негадир туёкларига ва кўзига юмшоқ мато боғлаб, уни отхонадан етаклаб чиқди...

Энди эса Бахтиёрдан дарак йўқ.

Оққашқа туйнуқдан тушаётган нурга термилди. Чанқоги кучайди, қорни очди. Яна ер депсиниб, безовталашиб, уч-тўрт марта кишнади. Бахтиёрни чақирди. Аммо ундан Бахтиёр ҳам, Эшпўлат ҳам хабар олмади.

\* \* \*

Бир ҳафта, ўн кун ўтса ҳам, Оққашқа топилмагач, Бахтиёр кўча-кўйга ҳам чиқмай қўйди. Унга алам қилаётгани Бахтиёр чавандозни назар-писанд қилмай, уйига ўғриликка киришгани эди. Ҳамма унга ачиниб қараётгандек, «Бунинг ҳовлisisи бир марта оёқ ости бўлди», дея калака қилаётгандектуюларди. Оққашқани ўғирлаган одам чавандознинг ори, ғурурини ҳам топтаб кетганди. Кимсан – Бахтиёр чавандоз, Бахтиёр фермер бўлса... Унча-мунча одам ҳадди сиғиб, юзига гапиролмасди. Тўртта сигирни парваришлаб, бокиб, кўпайтириб, ферма барпо қилди. Қўлида ишлаётган йигитларнинг оёғидан ўт чақнайди. Лекин Оққашқасиз унинг обрўси кемтик эди.

\* \* \*

Тулпорнинг туёкларига кишан солиб қўйишганди. У ер депсиниб толиқди. Очлик, чанқоқ азоб бера бошлади. Охурга тумшуғини тикиб, кеча солинган беда қолдикларини қидирди. Охурнинг бир бурчагида тўртбешта япроқ қолган экан, шуни топиб кавшанди.

Туйнуқдан тушаётган нур хиралашаётган паллада эшик ғичирлаб очилиб, Эшпўлат кириб келди ва отнинг олдига бир боғлам қуриган беда ташлади. Тулпор шоша-пиша кавшанишга тушди.

– Ҳа, ётибсанми?.. – деди Эшпўлат.

Тулпор унинг товушидан заррача меҳрни ҳис этади. Бирдан кавшанишдан тўхтаб, Эшпўлатга тикилди: «Мени нега бу ерга олиб келдинг?»

– Нимага ўшшаясан? – деб унинг яғринига шапалоқлади Эшпўлат. – Ҳе, эгангга ўхшамай ўл!

«У сенинг дўстинг эмасмиди?!»

– Икковинг ёмон жонимга тегдиларинг! Ана, томошасини кўряпман, чавандозинг ётиби сулайиб... Энди нима қилсан экан? – Эшпўлат ўйчан нигоҳ билан Оққашқага тикилди. – Бозорга обориб сотиб бўлмасди... Сени ҳамма танийди. Сўйиб, қази-қарта қиласай десам, уйимда от йўқлигини одамлар яхши билади. Дарров

мендан шубҳаланишади. Шу ерда ёта тур-чи, бир гап бўлар... Аммо майшатда бўламан, деб ўйлама, сенга ийғиб қўйган бир ғарам бедам йўқ менинг...

«Сен Бахтиёрга дўст эмасмисан?!»

– Намунча ҳамма гапни уққандай тикиласан менга?.. Ҳе... – Эшпўлат оғзини қийшайтириб кулди. – Ўзим ҳам ғалатиман, сен бор-йўғи бир от бўлсанг... Гапга тушунармидинг?.. Эгангни муштдайлигидан биламан. Тепишиб катта бўлганмиз. Болалигимиздан бери менга саховатпешалик қиласди. Ҳамма нарсасини бўлишишни истарди мен билан. Ҳар доим омад уники бўлди. Бир парча ер олиб фермерлик қилаётвидим, аммо уни ўзиникига қўшиб олди. Тағин кўзини лўқ қилиб, айб мендамас, қоидаси шунаقا бўп қолди, дейди ярамас. Яна менга саховатпешалик қилмоқчи бўлади. «Еримда ишлаб, дехқончилик қилсанг, косанг оқарармиди», деб ўтирибди. Вой, ерлик бойвачча бўлган-эй... Токайгача унинг соясида юраман? Ўзича сенга бино кўярди. Мана, иккалангни айирдим. Қани бир-бирингта ёрдам бериб кўр-чи... Қани, чақир Бахтиёрни, чавандозингни чақир!

Эшпўлат қамчи билан тулпорни аямай савалади. Сўнг ҳиринглаб кулди. Ўзича ғудраниб-ғудраниб, ёғоч эшикни фижирлатиб, очиб чиқиб кетди.

Қамчи зарбидан Оққашқанинг аъзойи бадани зирқираб кетди. Бағрига ўт тушгандек бўлди. У нафрар, ҳасад деган тушунчанинг нималигини билмасди. Ҳозир негадир юраги ёмон ўртанди. Туёклари билан ерни тепиб-тепкилаб, ўртаниб-ўртаниб кишнади. Эшик ортидан ҳиринглаган кулги эшитилди. Сўнг Эшпўлат мингирлади:

– Ҳадеб кишнайверма, барибир, овозингни ҳеч ким эшитмайди...

Тулпор ярим тунгача бошини силкиб, думини гажак қилиб, ер депсинди. Ўзича «Дўстим, дўстингдан эҳтиёт бўл... Уни ўзингга яқинлаштирма», деб Бахтиёрни огоҳлантироқчи бўлди. Уни Эшпўлатдан ҳимоя қилишини истади.

Юрагида бир қатъият үйғонди. Туйнуқдан тушаётган нурга термиларкан, ич-ичидан бир кишиноқ келди, ўзини учеб кетаётгандек ҳис этди. Бошини ерга эгиб, ҳолсизгина кўзини юмди... Сўнг тик туриб мулгий бошлади. Қалби нинадеккина ёруғлик тўкилаётган туйнутикараб интилди...

\* \* \*

Эшпўлат ярим тунда отнинг кишинашидан чўчиб үйғонди. Кўзини очиши билан ширингина ухлаётган Зубайдани кўриб: «Хайрият, тушим экан», деган ўйда тўшаги ёнидаги чойнакка кўл чўзди-ю, бақадек қотиб қолди: унинг тепасида катта, жуда катта бир от кўзларидан ўт чақнатиб турарди. От туёкларини кўтарди ва бутун савлати билан ўзини Эшпўлатнинг устига ташлади.

– А-а-а-а!!! – дея бақириб юборди у.

– Ҳай-ҳай, тинчликми? Нима бўлди? Ҳай, дейман... – Зубайда ўрнидан туриб, эрининг елкасига туртди. – Ёмон туш кўрдингизми?

– От, аллақандай от... – талмовсираб жавоб қайтарди Эшпўлат.

– Үлсин, шу ошнангизнинг оти йўқолди-ю, сизнинг уйқунгиз ҳам ҳаром бўлди. Икковингиз от дарди-



га мубтало бўлгансизлар. Кўзингизга отнинг девлари кўриниши етмай турувди энди, – деб Зубайда пиёлага совуқ чой қуйиб, Эшпўлатга тутқазди.

Сўнг оғир уф тортиб, тескари ўгирилиб ётди.

Эшпўлат эрталаб уйғонганда лабларининг атрофига учук тошиб кетганди. Унинг аҳволини кўрган Зубайда Сарви кинначиникига отланди.

– Қаерга кетяпсан? – деди Эшпўлат хотинининг муддаосини англаб.

– Сизни ўқитиб, кинна солдириб ташлаш керак.

– Ирим-сиримларингни энангга қиласан, ўтири уйда! – деди жеркиб берди у хотинини.

Орадан икки кун ўтиб, Бахтиёрникига бориб, уйига кеч қайтаётган Эшпўлат тутқаторлар орасидан ўтаётганда отнинг кишинашини эшитиб, тахтадек қотиб қолди. Унинг рўпарасида бир эмас, бир қанча отлар тизилиб туришар, ҳаммаси баравар кишинаётганди. Эшпўлатнинг оёғидан мадори кетиб, беихтиёр чўкка тушди. Шу пайт рўпарасидаги йўлдан унга қараб бир от шитоб билан чопиб кела бошлади ва шундоққина тепасига келганда туёқларини кўтариб, кишинаబ юборди. Эшпўлат қўлларини бошига пана қилиб, мук тушиб ётиб олди.

Қанча ётганини билмайди, бир пайт кимдир унинг елкасига қўлини қўйди. Дир-дир титраб ўгирилди. Ўғли Ойбек экан.

– Кечаси саёқ юрма, деб уришасиз, ота. Мана, тунда юришнинг ҳам фойдаси бор эканми? – деди у тиржайиб.

Сўнг отасининг қўлтиғидан олиб, уйига етаклади.

Эшпўлат бошка ҳеч нарсани эслай олмайди. Эрталаб турганида, боши лўқиллаб оғир, аъзойи бадани калтаклангандек зирқиради.

– Йўқ, бугун мени йўлимдан қайтарманг, сизни ўқитвориш керак, отнинг жинлари ёмон бўлади, – деди Зубайда енг шимариб.

Эшпўлат хотинининг орқасидан ҳайҳайлаб қолаверди.

– Эрингизга инс-жинслар дориган. Қон чиқарвoriш керак, – деди Сарви кинначи.

Зубайда шу куни ёқ Бахтиёрникига қараб йўргалади.

– Сизнинг отнинг йўқолганини эшитгандан бўён ғалати бўй қолган. Кечаси ўзиям ухламайди, менгаям уйқу бермайди, – деди у йигламсираб.

Бахтиёр шаҳардан дўхтири чақиртириди.

– Чинакам дўстингиз бор экан, – деди Эшпўлатни текширган дўхтири. – Қайғунгизни юрагига яқин олиби. Шунга асаблари анча толиқан. Мен дори-дармон ёзиб бераман.

– Мени кечир, дўстим, – деди Бахтиёр дўхтирини кузатиб қайтгач. – Авваллари ичингда бир хусуматинг бўлса керак, деб йўлардим. Энди чинакам дўстим эканнингга ишондим. Отим йўқолди, лекин бу билан ҳаёт тўхтаб қолмайди-ку... Мен чавандозман, фермерман, юрагимдан ўтаётганини бирорга билдириласлигим керак. Дўст-душманинг олдида бошимизни тик тутиб яшайлик, дўстим.

\* \* \*

Оққашқанинг ҳолидан ҳеч ким хабар олмай қўйди. Ташналиқдан тулпорнинг тили танглайига ёпишиди. Очликка чидолмай, депсина-депсина чарчади. Ҳам-

масидан ҳам у Бахтиёрни жуда соғинди. Туйнуқдан тушаётган нурга термиларкан, «Дўстим, дўстингдан ҳушёр бўл», дерди у ички овоз билан.

Ниҳоят, ёғоч эшик ғижирлаб очилди. Ноҳуш бир сезидан тулпорнинг юраги увишди. Оғзининг атрофига яра чиқкан, кўзлари чақчайган Эшпўлат кириб келди. Унинг бир қўлида челакда сув, бир қўлида бир боғлам беда бор эди.

– Мени қўрқитаман деб ўйладингми? Сен мени қўрқитмоқчи бўлдингми?! – деда Эшпўлат тулпорни қамчилай бошлади.

Оққашқа ҳолдан тойди. Эшпўлат қўлидагиларни эшик олдида қолдириб, ташқарига чиқиб кетди ва шу бўйи қайтиб кирмади.

Тулпорнинг димогига сув ва беда ҳиди урилар, очлиқдан ичаклари ағдарилиб кетгудек бўлар, аммо егуликка етолмасди. Бошини ерга солинтириб турган Оққашқанинг кўз олдига Бахтиёр келди: «Қани, тулпорим, кел ўзимга», дерди у жилмайиб. Оққашқа егулик томонга интилди. Бахтиёр: «Қани, қани, яна озгина...» деб унга далда бераётгандек бўларди. Тулпорнинг юрагига қувват кириб, егулик сари интилаверди.

Ниҳоят, неча кундан бўён темир қозикқа ишқаланиб, нозиклашиб бораётган арқон узилиб, тулпор егуликка етди. Қониб сув ичди. Кумир-кумир қилиб беда кавшади. Сўнг бошини солинтириб, эшикка кўз тикиб туриб қолди. Туйнуқдан тушаётган нур ёришди... хира тортди... Тулпорнинг тағин қорни очқади.

Бир маҳал эшик ғичирлаб очилди ва Эшпўлатнинг тиржайган башараси қўринди. Унинг қўлида нимадир ярқираб турарди.

– Бугун кунинг битади, Оққашқа. Сенинг бу ердлагингни билиб қолишиларини истамайман. Гўштингни қази-карта қилиб, Бахтиёрга едирсам, манави еримдаги, – Эшпўлат кўксига муштлади, – аламларим дорийди, – деб вишиллади у. – Сенинг ҳолдан тойишишнги кутдим. Ҳаром ўлмаслигинг учун икки кунда бир маҳал олдингга ҳашак ташлаб турдим. Энди кунинг битди, Оққашқа...

Эшпўлат енг шимариб, девордаги қозикда осилиб турган арқонни қўлига олиб, Оққашқага яқинлашди. Шунда тулпор шитоб билан туёқларини баланд кўтарди. Эшпўлат ўзини ўнглолмай ўтириб қолди. Оққашқа қаттиқ кишинади. Эшпўлат сесканиб, бошини қўли билан яшириди... Тулпор ёғоч эшикка ўзини урди... Эшпўлатнинг юзига отнинг орқа туёғи тегиб кетди. Атроф қоронги эди. Тулпорнинг кўксига тоза ҳаво, димогига намчил беда иси урилди. Шамол, майса ва ўт-ўланлар ҳиди, озодлик ифори қалбини ларзага солди. Сувнинг салқинини ҳис этиб энтиқди. Тўйиб сув ичгач, шамол билан қувлашмачоқ ўйнаётгандек югуриб кетди. Узоқ юурди. Кўз олдида Бахтиёрнинг сиймоси турап, у Оққашқани имлар, унга озодлик ваъда қиларди. Тонгга яқин қадрдан ерларга яқинлашганини сезди, атроф кўзига таниш қўринди...

\* \* \*

– Ота, отажон! – дарвозадан югуриб кирган Шаҳобиддин нафаси бўғзига тиқилиб, гапиролмай қолди.

– Ҳай, каллайи саҳарлаб яна нима шовқин? – деди ошхонадан ранги оқариб чиқиб келган Ҳанифа.



- Нима бало, отанг икковинг мени ажалимдан беш кун бурун ўлдирасанларми?
- Бедапояга боргандим, отимиз... отимизни кўриб қолдим. Ота, юринг, тезроқ юринг, – деб Бахтиёрнинг енгидан тортқилади Шаҳобиддин.
- Бахтиёр ўғлига ишониб-ишонмай қаради:
- Чинми, чиндан кўрдингми?
  - Ҳа, ота, Оққашқани кўрдим. Ўзингиз юринг...
- Оёғига бир этигини кийган Бахтиёр иккинчисига калиш илиб, ўғли билан кўчага қараб югурди. Ҳанифа эса ошхона остонасига ҳолсизгина ўтириб қолди.
- Оққашқа бедапояда зўр бериб кавшанаради.
- Бахтиёр уни кўриши билан:
- Тулпорим... менинг тулпорим, – деб пичирлади.
- Бошини кўтариб силкиган Оққашқа Бахтиёрни кўрди-ю, кавшанишдан тўхтаб, туёқларини баланд кўтариб, бор овозда кишинаб юборди. Шу тобда унинг куйлагиси келар, ич-ичидан бир қўшиқ отилиб чиқаётганди. У туёқлари билан ер депсиниб, думини гажак қилиб, ўйинга туша бошлади. Тулпор дийдор қўшиғини куйлаётганди. Бахтиёр эса кўзлари кувончдан порлаб:
- Ҳа, жонивор-а, менинг тулпорим, гижинглаб туришинга борман-да, – деб унинг бўйнидан қуchoқлаб олди.
  - Бормисан, қадрдоним?.. Оққашқа... дўстим...
- Оққашқа яйраб кетди ва бор овозда кишинаб юборди.

\*\*\*

- Бахтиёр яна қаддини ғоз тутган, аввалгидек салобатли фермерга, мағрут чавондозга айланганди.
- Бахтиёрбой, тулпорингиз асл зотли-да, қаранг, ўғриларни доғда қолдириб, қочиб келибди, – дейишди «куллук бўлсин»га кирган қўшнилар.
- Шаҳоб, бор, Эшпўлат амакингни чақириб кел, – деди Бахтиёр одамларнинг оёғи тингач. – Афтидан, уйида эмасга ўхшайди, ҳалигача дараги йўқ.
- Орадан чорак соат ўтиб, изига қайтган Шаҳобиддин нохуш хабар билан қайтди:

- Амаким бетоб экан.
- Ундан бўлса, бориб кўриш керак, – деда ўрнидан кўзғалди Бахтиёр.

Дарвозадан кираверишдаги қозикقا боғланган Оққашқа унинг йўлини тўсди: «Дўстим, дўстингдан хушёр бўл».

- Мен дарров келаман, ошнамиз бетобмиш, кўриб келай, – деда Бахтиёр тулпорнинг ёлини силаб, кўчага йўл олди.

Тулпор аччиқ алам билан кишинаб юборди. Бахтиёр ортига ўгирилди: Оққашқа бошини хам қилиб, ерга кўз тикиб туради, унинг кўзлари ёшланганди.

- Сен хафа бўлма, ошна, мен дарров келаман. Ҳали сен билан гаплашадиган гапларимиз бор.

Тулпор кипригини пирпиратиб қўйди.

Бахтиёр Эшпўлатнинг уйига кириб борганди, у айвон четидаги сўрида ёнбошлаб ётганди. Юзининг бир тарафи кўкариб кетган, кўзлари бежо боқарди.

- Тузукмисан, оғайни? – деди Бахтиёр унинг ёнига ўтириб.

– Отинг топилибди, қуллуқ бўлсин... – деда кўзини олиб қочди Эшпўлат.

- Сенгаям катта раҳмат, биз учун жон куйдирдинг, – деб Бахтиёр унинг юз-кўзларига синовчан боқди... – Юзингга нима бўлди, ошна?

– Шу... шу десанг, деворга уриб олдим, – деди Эшпўлат кўзи билан ер чизиб.

Бахтиёр яхшилаб разм солди. Эшпўлатнинг юзида отнинг туёғидан қолган из борлигини илғади. Бахтиёрнинг кўнгли алланечук ғаш тортиб, Эшпўлатнинг кўзларига тикилди. Дўсти кўзини олиб қочди. Бахтиёрнинг кўнглидаги хижиллик кучайди. Ерга қараб ўй суруб қолди. Кўз олдига дарвозадан чиқаётганди Оққашқанинг норози кишинагани келди. Шунда беихтиёр фотиҳага кўл очди:

– Дардингга шифо берсин.

У негадир «дўстим» деда олмади. Шитоб билан ўрнидан туриб, Эшпўлатнинг ҳовлисидан чиқиб кетди.





*Рахимжон РАҲМАТ*

# Бир келиб баҳтиёр айла

## ТҮРТЛИКЛАР

\* \* \*

Манманлик охири бошига етди,  
Аёндир Иблиснинг наасби, насли.  
Мана бу гапни ҳам ўйлаб кўрингиз:  
Жаннатдан ҳайдалган Инсон ҳам асли.

\* \* \*

Согиндим, жононнинг ўзи билади,  
Ой каби тўлишган юзи билади.  
Бир куни тўсатдан йўқолиб қолсам,  
Кўзидан сўрангиз, кўзи билади.

\* \* \*

Юзингни кўрмаса, кўзлар не керак?  
Сен тинглаб турмасанг, сўзлар не керак?  
Йил ошиди, юзингни бир бор кўрмадим,  
Гул фасли баҳору ёзлар не керак?

\* \* \*

Дунё ҳам шоирдир, шеър ёзар тинмай,  
Гўзал бир шеър ишиқи билан яшайди.  
Ҳар куни қўлига оқ қоғоз олиб,  
Эски ёзганларин йиртиб ташлайди.

\* \* \*

Чап томон дўзаху ўнг томон жаннат,  
Орқада бу дунё – сендан қолган кир.  
Охирги манзилим бу эмас менинг,  
Олдинда нима бор? Ўшандан гапир.

\* \* \*

Қалбим жароҳати битмади ҳали,  
Соғайиш тонги ҳам отмади ҳали.  
Кетма-кет сенга хат битиб турибман,  
Демакки, ажалим етмади ҳали.

\* \* \*

Хастаман, гоҳида ёд айла мени,  
Мактуб ҳам юбориб шод айла мени.  
Ўлимга парвом йўқ, сени ўйлайман,  
Бир келиб баҳтиёр зот айла мени.

\* \* \*

Хастаман. Бошимда оғирлик, оғриқ,  
Юракда қалтираш, хатарли санчиқ.  
Келар деб кун бўйи йўлга қарайман,  
Согинчим азоби баридан ортиқ.

\* \* \*

Кўзим оч! Ўзимга ўзимман қози,  
Жаннат инъом этдинг, бўлмади рози.  
Очкўзлик бошимга не кунлар солди,  
Етарди мен учун неъматнинг ози.

\* \* \*

Ҳар саҳар кечаги уним қайтади,  
Ҳар кеча уйқусиз туним қайтади.  
Қилар ишини қилиб уялмас сира,  
Ҳар йили тугилган куним қайтади.

\* \* \*

Очлик-ла нафсимни тўқ қилган Аллоҳ,  
Таъмадир дунёда энг оғир гуноҳ.  
Қўлимда кўрсангиз бир бутун нонни,  
Юзимга сепсангиз бир сиқим тупроқ.

\* \* \*

Бир куни кетаман, излаб топмайсан,  
Тўрт томон чопасан, бўзлаб топмайсан.  
Ёмон деб бошимга мунча муштладинг,  
Ўша кун ҳаттоки сизлаб топмайсан.





**Башорат ЖАМИЛОВА,**  
филология фанлари номзоди,  
Бухоро давлат университети доценти

## МАДАНИК

Эркин Маликни болалар адаби сифатида яхши биламиз. Муаллифнинг ўнлаб публицистик китоблари, ҳикоялар ва қиссалар тўпламлари ўзбек болалар матбуоти ва адабиёти хазинасидан жой олган. Бу асарлар таълим-тарбия, миллий қадриятларимиз анъаналари нафаси билан йўғиргани билан ўзбек болалар миллний матбуоти ва адабиётида салмоқли ўринга эга. Адебининг сўнгги йилларда чоп этилган қиссалари фикримизни бу жиҳатдан тўла далиллайди. “Шайтонваччанинг найранглари” маърифий қиссаси шу жиҳатдан эътиборга сазовор. Асар мавзу мундарижаси, образлар оламига кўра болалар тарбиясига хизмат қилувчи ахлоқий китобларнинг янгича, замонавий кўринишидир. Чиндан ҳам унда акс этган муаммолар шу кечакундузда содир бўлаётган воқеалар, Тоҳир Малик ибораси билан айтганда, кундалик ҳаёт шайтонларнинг кўзга кўринмас олами билан ифода этилади.

Қисса саргузашт-фантастик қиссалар анъанасига ҳамоҳанглиги билан ёш китобхонларни ўзига жалб эта олади. Асар ғояси ниҳоятда долзарб, юки залворли. Шу боис унда икки жиҳат апоҳида кўзга ташланади: **биринчидан**, у мустақиллик туфайли бадиий адабиётда ҳалқ педагогикаси, Куръоний мавзулар ифодасининг сингдирилиши намунаси сифатида диққатга сазовор. Биз биламизки, ўзбек ва туркӣ ҳалқлар адабиётида ана шу анъана бардавом бўлган. Зеро, адабиётшунослар тўғри таъкидлаганидек, ўзбек адабиётида диний ва дунёвий қатламларнинг бир-бири билан узвий боғлиқлиги Куръон оятлари ёрдамида таърифланади. Асли ўзбек адабиётининг бу икки қанотини бир-биридан айри ҳолда ўрганиш самарасизлигини тарих кўрсатди. Ана ўша ўтмиш йиллар сабоги, бугун ва келажакдаги эътиқодимизни илоҳий қалом вазни билан тўлдиришга эҳтиёж түғдиргани сир эмас. Бинобарин, Э.Маликнинг бу қиссаси Қуръони каримдаги мавзуларни болаларбоп, образли ифода этгани билан эътиборни тортади.

Иккинчи жиҳатдан қисса атрофимиизда “айтса тили, айтмаса дили куядиган” ҳодисалар тасвирига бағишланганни билан қимматлидир. Қисса сюжетидаги воқеалар болаларга ана шу жараённи бадастур тушунтиришга ёрдам беради. Ундаги образларнинг кўпчилиги шу маънода, рамзий. Айтайлик, қиссанинг биринчи китобидаги Бисмилло хола инсонлардаги виждан, Хожа иймон, Хожабека-нафс тимсоли бўлса, иккинчи китобдаги Пощаша ойи ёки Ҳожи она, спорт ўқитувчиси, унинг хотини, мактаб директори каби образлар орқали шайтоний нафс кўринишлари тасвиrlenган.

Ёзувчи қисса аввалида ёқ асл муддаога шаъма қиласи: жамиятимизда енг учидаги иш кўрувчи, чап томондан иш бажарадиган кимсалар. Улар қандай пайдо бўлаёт? Шайтонваччанинг кўриниши шу сабабли ғалати: на одамга ва на бир ҳайвонга ўхшайди. У бўйнида қошиғи билан туғилади. Она шайтон фарзанди дунёга келган куниданоқ қуидагиларни уқтиради: “Ота-боболаримиз бир туқканнинг, бир тўйдирганинг қорнига теп, дейишган, уқдингми? Нафсинг ҳакалак отмай ўлсин, сабр қил, сабр. Одам болаларига ўхшаб бесабр бўлма. Одам болаларини қанчалик кўп йўлдан урсанг, анави савил ёғоч қошиғинг шунча кўп мой ичидаги ўйнайди. Билсанг, одам болалари фирт душманимиз, йўлдан урганингдан кейин эса улар дўстингга айланади.” Шундан сўнг Шайтонвачча онасининг сабоқларига амал қилиб, ака-укаларни жиққамушт уриштиради, қўчадаги болаларни бир-бирига тезлаб, дўлпослатади; Ҳожабекани қингир йўлларга бошлайди.

Қисса сюжетидаги ҳар бир воқеа алоҳида бир мавзуни, ҳикояни тақозо этган. Уларда бугунги воқеалар ҳалқ ҳикматларига йўғирганинг ҳолда баён этилади. Шайтонвачча образи эса қисса композициясидаги бир бутунлики таъминлаш билан бирга, бола шахсининг шаклланиш тадрижи, унга тарбия ва муҳитнинг нечоғли таъсирини ойдинлаштиришга ҳам хизмат қиласи.

Ёзувчи қиссада Шайтонваччанинг мадрасадан олган сабоқлари амалиёти мисолида бозордаги ҳаномаларнинг реал манзарасини чизади. Бу ердаги олди-сотди ишларидан ташқари, фолбинлик, тиланчилик ёки илон, айик ўйнатиб кўзбўямачилик қиладиган томошалар китобхон кўз ўнгидаги яққол гавдаланади. Шу сабабли бозор иймонлиларга бамисоли ҳожатбарор гўша, иймони сустларга эса гуноҳи азимнинг уяси эканлиги аён бўлади. Одам болалари ҳам аксарият олди-сотдида, бозорларда синалиши кўрсатиб берилган.

Қиссада шунга ўхшаш ижтимоий, ҳаётий-маиший муаммолар жиддий таҳлилга тортиларкан, ҳодисанинг маърифий аҳамияти муаллиф назаридан асло четда қолмайди.

Болалар адабиёти ҳакида сўз кетганда, унинг икки планли-йўналишили эканлиги алоҳида таъкидланади. Зеро, болаларга асар сюжети, катталар учун эса унинг ғояси дахлдор эканлиги инкор этиб бўлмас ҳақиқатдир. Бинобарин, бу қисса ҳам аввало болажонлар учун ғоят севимли эртакка хос сюжет асосида ёзилган. Ундаги фантастик элементлар Шайтонваччанинг хатти-ҳараратларида, бозордаги шайтонлар “мадрасаси” қонун-



қоидалари, кирадиган-чиқадиган одамларнинг өлкасига миниб олиб, йўлдан уриши ва васваса қилиб турли қингир йўлларга бошлаши деталларда яққол кўринади. Хусусан, Шайтонваччанинг “Думи тугиклар мадрасаси”дан қувилиб, Хўжақишлоқ деган жойга туширилишида эврилиш санъати кўзга ташланади. Уни замбаракнинг тўпига қўйиб, осмону фалакка отиб юборганларида. Шайтонвачча (у илгари одамлар кўзига кўринмас, шунинг учун шир яланғоч юрар, хоҳлаган ишини осонгина бажаарди) ерга одам қиёфасида тушади. Яъни шайтондан одамга айланади. Ажинашамол унга ёрдамчи қилиб юбориладики, бу ҳам эртак қаҳрамонларини эслатади. Унда илгари сурилган ғоялар эса катталар учун муҳимлилик касб этади.

Бу воқеалар гувоҳи бўлган ўқувчи шуни англаб етадики, иймон-эътиқодга путур етса, одамшайтонлар замони бошланади. Ақл, куч, виждон-бари нафс йўлида ўзлигини йўқотади. Ёзувчи ана шу моҳиятни ёш авлодга теран англатиш учун, сабоқнома ёзган, гўё. Ҳар бир воқеа орасида, сўнггида, қиссадан ҳисса чиқарувчи ўйтлар мавжуд; уларнинг кўпчилиги назарий таърифларга, дарс ўтиш услубига ўхшайди. Айтайлик, адаб инсон сезув-

чанлигига хос оғриқ, ҳиссиётiga хос кўркув, уят кабиларни бундай таърифлайди: “Оғриқ борки, одам болалари ўзларини иссиқдан, совуқдан, турли-туман балою оғфатлардан ҳимоялашади. Кундузлари юрганда оёгининг тагига қараб, кечалари чироқ ёқиб юради. Гуноҳ ишлардан тийилади. Бирорнинг ҳақини емайди, дилини оғритмайди, бекордан бекор қон тўкмайди. Оғриқ жасадга ҳам, иймонга ҳам бир қалқон”.

“Кўркув оғриқнинг боласи. Йўлга кира бошлаган гўдак йиқилиб, жони оғрийди. Кейинига ҳушёр бўлиб қолади. Кўркув кутилмагандан фалокатларнинг хабарчисига айланади. Кўркувнинг “ҳадик”, “гумон” деган ошиналари ҳам бор”. Ёки: “Уят дегани кўзга кўринмас ҳарир кўйлакка ўхшайди. Уни на кўриб бўлади, на ушлаб. У иймонли одамлар учун тўзимайдиган либос...” Бу илмий таърифлардан фарқли ўлароқ, ўгитлар шаклида берилган бўлиб, барча ёшдаги китобхонлар учун фойдадан ҳоли эмас. Негаки, бу ўша тушунчаларнинг ҳикматнамо, халқчил таърифиdir. Бу таъкидларнинг қиссада бирор бир воқеа муносабати билан баён қилиниши эса қоидага далил келтирилгандек, таассурот уйғотади.



## БИРИНЧИ УЧРАШУВ

Ширин ШУКУРОВА



## Ғариф севгим

### СЕВГИМ

*Армон севгим, ёмон севгим,  
Ноҳақлиқда тамом севгим.  
Оҳ, бу ишқнинг шаробидан  
Мени қилди яксон севгим.*

*Оловида ёниб-ёниб,  
Кўз ёшлиарга қониб-қониб.  
Муҳаббатдан яна тониб,  
Ақлим қилди ҳайрон севгим.*

*Чўққиларда жайрон севгим,  
Денгизлардай уммон севгим.  
Мужгонларим мужрим этиб,  
Сизга бўлгум армон севгим.*

*Арzon севгим, ёлғон севгим,  
Ишончлардан қолғон севгим.  
Иродасиз у қўлларда,  
Яшар гарип, ҳамон севгим.*

### МАЙМУНЛАР

Она маймун кулиб дер ўз боласига:  
«Нега бунча битлаб юрасан, болам?»  
Бола маймун кулиб дер онасига:  
«Корним очса териб ейман-да, онам!»  
Ота маймун ийглаб дер боласига:  
«Нега шунча кирлаб юрасан, болам?»  
Маймунча қашиниб дер отасига:  
«Ахири кирлар увол кетади, отам.»  
Ота-она деяр ўз боласига:  
«Бу хислатлар кимдан меросдир, болам?»  
Маймунча ўйланиб турди-да бироз:  
«Қонимда бўлса гар нетарман, онам!»





**Шамсиддин САДОИЙ**

# Фақат кетиб бўлмас кетиб Ватандан



\* \* \*

Балким дengизларни кечиб ўтарсан,  
Балким қанот боғлаб кўкка етарсан.  
Балким кўкдан ўтиб бадар кетарсан,  
Фақат, кетиб бўлмас кечиб Ватандан.

Балким Ҳиндиқушига тикарсан ялов,  
Балким ойга чиқиб ёқарсан олов.  
Балким дунёларни оларсан гаров,  
Фақат, кетиб бўлмас кечиб Ватандан.

Кечарлар хоиндан, беуз сотқиндан,  
Кечарлар бевафо, айёр хотиндан.  
Кечарлар мартаба, моли олтиндан,  
Фақат, кетиб бўлмас кечиб Ватандан.

Қарзи бўлса кечиб кетарсан балким,  
Нарзи бўлса кечиб кетарсан балким.  
Айби бўлса кечиб кетарсан балким,  
Фақат, кетиб бўлмас кечиб Ватандан.

Бухорий жойнамоз ёзган бу юртдан,  
Мангуберди ёвни титратган юртдан.  
Юртбошинг кафтида тутган бу юртдан,  
Фақат, кетиб бўлмас кечиб Ватандан.

Ватан бўйларингга бўлай садога,  
Хоки пойинг ўпдим, шукр Худога.  
Садоий, кетсанг ҳам дорулбақога,  
Фақат, кетиб бўлмас кечиб Ватандан.

## ТАВАККАЛ АЙЛАГАЙ

Тоғу тоши, саҳро-дашт аё дengиз ҳам,  
Самоват бағридан учган юлдуз ҳам.



Қор остида қолган майса-илдиз ҳам,  
Худога таваккал айлагай!

Йўлидан адашган ҳайрона зорлар,  
Бахт излаб дунёни кезган шунқорлар.  
Умр сўраб ётган маъюс bemорлар,  
Худога таваккал айлагай!

Булбулдай юрагин ёққан шайдолар,  
Ўзанин тополмай тошган дарёлар.  
Қўл очиб ҳимоят кутган гадолар,  
Худога таваккал айлагай!

Паҳлавон Маҳмуддай ботирлар, довлар,  
Мармар қасрларда ухлаган бойлар.  
Йўлбарс, шеру қоплон, бургути сорлар,  
Худога таваккал айлагай!

Қалқон тешилганда, қилич синганда,  
Ёв она тупроққа яқин келганда.  
Мардлар ханжар тишлаб отга минганда,  
Худога таваккал айлагай!

Ватан улуғлари юрт деб, ёнган чоқ,  
Карвон йўл олганда чалиб қўнгироқ.  
Садоий қалбида шеър чақса чақмоқ,  
Худога таваккал айлагай!

## БУХОРО МИНОРАИ КАЛОНИГА

Бошингга самои азим ярашгай,  
Поингга минг бора таъзим ярашгай.  
Магур оқ лайлаклар ярашгай сенга,  
Шерозий битган байт – назм ярашгай.



Сенга минг бир кечада эртаги эмас,  
Сенга минг асрлик тарих ярашгай.  
Сенга Чин-Мочин ё Париж ярашмас,  
Сенга Бухорои Шариф ярашгай!

### ТҮРТЛИКЛАР


Гоҳо ёмғир, қорда қолди бу бошим,  
Билмасман нечада эканин ёшиим.  
Билганим воажаб бир қизни кўриб,  
Муаллақ қолди бу умр қуёшиим.

\* \* \*

Кўрдим, турфа ишқнинг синоатларин,  
Ўзимдек ошигу сардор топмадим.  
Ўқидим муҳаббат китобатларин,  
Ўзимдек сўзи хуши аттор топмадим.

\* \* \*

Эй, соқий қуяқол, тинмасин шароб,  
Дўсти-душман келсин, давра бўлсин шод.  
Пиёламни секин чертиб қўй, жонон,  
Бармогингга қурбон бўлай, паризод.



### АЁ КЎНГЛИМ

Аё кўнглим, нечук ҳолинг, баён қил,  
Ажаб саргашта фолингни аён қил.

Шамолдек далли девона келибсан,  
Бор энди бир замон сайри жаҳон қил.


Надомат чекмагил анда гарубим,  
Умид чархини бошга соябон қил.

Аё кўнглим, бу дунё кўбни кўрган,  
Ўзингни шоҳу султон Сураймон қил.

Аё кўнглим, келарда хуши келибсан,  
Кетарда телба руҳимни равон қил.

Аё кўнглим, бу не асрор хабар бер,  
Хазон ўлган бу ишқни имтиҳон қил.

Аё кўнглим, Садоий қолди ёрсиз,  
Жудолик ичра бир хатму Қуръон қил!



### БИРИНЧИ УЧРАШУВ

#### Барно ПЎЛАТОВА

### Эзгуликодир менини йўлим

#### ЮРТИМ

Айланайин осуда юрт осмонингдан,  
Истиқболинг берган давру давронингдан.  
Ҳар баҳорда интизорсан кўзлар тикиб,  
Калдиргочга жойлар бериб айвонингдан.

Ҳар фарзандинг орзусида осмон бўлар,  
Қадамлари етган жойда бўстон бўлар.  
Кўз тегмасин дунё аҳли лолдир бугун,  
ТАърифинг кенг жаҳон ичра достон бўлар.

Бахтиёрман қучогингда ўйнаб ўсдим,  
Ўзинг онам, қадрдоним, ўзинг дўстим.  
Армоним ўйқ фахр билан Ватан дейман,  
Болам дейсан, юлдузларга етар дастим.

Менга азиз гулу чечак, ўтлогинг ҳам,  
Баланд тогинг, адирларинг қумлогинг ҳам.  
Гиёҳингни кўзга суриб ардоқлайин,  
Қалбим қўри дарёнг, сойинг, булогинг ҳам.



\* \* \*

Юрагимга солавердинг,  
Оғриқларинг тақрор дунё.  
Тоҳирлар ўйқ, Зуҳролар кам,  
Қоработир бисёр дунё.

Ўнгинг хатар, сўлинг хатар,  
Шайтонларинг пойлаб ётар.  
Адолатга тошлар отар –  
Кўргилик ва озор дунё.

Нодонларинг дил яралар,  
Шеърлар ёзар дилпоралар.  
Ишқда қанча авворалар –  
Ғалваларинг бозор дунё.

Озорлама ўксик дилим,  
Эзгуликодир менинг йўлим.  
Бир кун очиқ кетар қўлим,  
Туйгуларга мозор дунё.


**Муҳаммад УЗОҚОВ**


# ХОННИНГ ХАТОСИ

**Ҳикоя**

\* \* \*

Бухородан чиққан Шоҳбаҳт султон Сайхуннинг қўйи оқимидағи бобокалонидан қолган қишлоғга етиб келди. Султон отдан тушиб ўтов томон юрди. Удумга кўра улуғ момоси овоз чиқарди:

*Дўстларини кулдириган хон бобонгиз йўқ энди,  
Душманларин ўлдириган хон бобонгиз йўқ энди,  
Кемтик бағрим тўлдириган хон бобонгиз йўқ энди,  
Бўлмас ишини бўлдириган хон бобонгиз йўқ энди.*

Қариндош-уруғлар, Абулхайрхон хонадонига у ёки бу сабаб билан боғланган элнинг улуғлари йиғилдилар. Ёқаларини йиртганча яқинларидан жудо бўлган аёллар ҳам кела бошладилар.

Шоҳбаҳт султон амакиси Шоҳ Ҳайдархон ёш баҳодирининг онаси томон юрди. Аёл айтиб-айтиб ииғларди:

*Кенг далада кас ёғий қайтмас қилди улимни,  
Саболардан сўрайман келтир дея бўйини,  
На чолим бор, на келин, қўмсайдирман улимни,  
Куймас эдим бунчалик, кўрсан эдим тўйини.*

Султон қулоғига аламзада аёлларнинг айтган гаплари кирди:

– Абулхайрхон хонадонининг умид юлдузи, ишонган тоғимиз қайтди. Энди ғанимларимиз кўзларидан ёш эмас, қон оқади, қон...

– Қиз-келинларимизни олиб кетган Ёмғурчи, Нўғай мирзаларни келтириб ўтовимиз олдига кўпрак қатори боғламасанг хумордан чиқмаймиз...

Қатор келинчаклар изилладилар:

– Султонимизни қўйдек бўғизлаганлари етмагандек, норасида гўдакларимизни-да чавакладилар...

Марҳум қозикалон Қўлмуҳаммад саййиднинг ўғли Нурмуҳаммад саййид Қуръон сураларидан тиловат қила бошлади. Қорачин баҳодир ҳамон дардларини айтиб айтиб йиглаётган аёллар томонга қараб баланд овозда:

– Бас қилинглар! Ахир Қуръон ўқиляпти, – деди.

Шоҳбаҳт султондан таскин кутганлар тинчланмади-

лар. Ахир уларга таскин берувчи сўз айтилмади-да. Ўтов олдидағи майдончага қилинган жойда давра олганлар фотиҳага кўшилган бўлсалар-да, ўтов ичида ҳам, сиртида ҳам йиғи-сиги тинмади. Султондан сўз чиқмагач, даврадагиларнинг кўпчилиги туриб у-бу юмушга уннади. Шоҳбаҳт ҳам ўрнидан турди. Қипчоқ бийларидан бирининг бойбичаси у томон юрди.

*Ҷўзсам қўлим салкам ойга етарди,  
Узун-узун қўлларимдан айрилдим,  
айрилдимо-айрилдим.  
Шафқат билмас ёғий босди овулим,  
Ҳам қизимдан, ҳам улимдан айрилдим,  
айрилдимо-айрилдим*

Султон бойбичани суяди. Чўл шамоли қорайтирган юзи янада қорайди, аммо оғиздан сўз чиқмади. Биргаликда қайғу оловида ёниш, биргаликда ўчиш, сўнгра биргаликда қасос оловида ёниш умидида келганларнинг умидлари пучга чиқди. Султон бағри куйганларга таскин бериб, уларнинг дардларига малҳам бўлмади. Бироз таскин топганларга қасос ҳақида сўз айтиб юракларига қайта олов ёқмади. Султондан ҳафсалалари пир бўлганлар орасидан илгари ўта гўзал бўлган, ҳозир эса сочлари тўзғиб, бир ахволга тушган келинчак чиқди. Султон Олтойнинг тарғабатай элидан бўлган бу келинчакни таниди. Султоннинг онаси Оқ қўзининг ҳам шу уруғдан бўлгани боис, келинчакни “кичик эгачим” деб эркалаб, ҳайит, байрамларда совға-салом йўллагувчи эди. Султоннинг ёнидаги йўлдоши секин: “Бечоранинг эрини ўлдирилар, ўзини зўрладилар. Ёш қизчаси борлиги учун ўзини ўлдиримай юриб эди, яқинда қизи ўлиб қолди. Ҳуши ўзига келса тузук, ҳуши бошидан учса далли-девона, қабристонда эри ва қизи қабрлари пойида ўтириб, бирор кўриб, билмаса ўша ерда қолиб кетади”, деди.

Келинчак сўнни нигоҳини султонга тикди. Султон сўз демади. Келинчак бурилди, у аёллар орасидан ўтиб қабристонга йўл олди. Аёллардан кимдир: “Унинг дардини ўликлар эшитиб, таскин берадилар”, деди. Юзини султондан ўғирган аёллардан бири: “Султон Самарқанд ва Бухорода яшаб ўзгарибди. “Илм кишини қўймижоз



қилиб қўяди” деб эшитар эдим, тўғри экан”, деди. Бошқа бири: “Унда интиқом туйғусидан нишон ҳам йўқ”, деди. Яна бири эса куч-қувватлари, салоҳиятлари туфайли дўсту душманинг султон ва инисини “Абулхайрхоннинг йўлбарслари” деб аташига ишора қилиб: “Садқаи йўлбарс кет!” деди. Аёллар тарқалдилар. Бутун вужуди қулоққа айланган султон барча айтилган гапларни эшитди. Унинг чўл шамолида қорайган юзи янада қорайса-да, сўз демади.

\* \* \*

Шоҳбаҳт султоннинг Бухородан қайтиб келган хабари Сайхуннинг қуи ва ўрта оқимига тарқади.

Бу хабарни эшитган Бурка султон яқинлари ва аъёнларини йиғиб сўради:

– Энди нима қиласми?

Бурка султоннинг отаси Ёдгорхон даврида улуғ бий бўлган Мусабий манғитнинг ўғли Эсонбий:

– Не қилсан ҳам бугун-эрта қиласми. Султон дарагини эшитиб эл йиғилиб хун талаб қилса иш йириклишади, – деди.

Кенгашиб бир неча оқсоқолни Шоҳбаҳт султон ҳузурига юборадиган бўлдилар. Оқсоқоллар кўнгил сўраш баҳонасида гап олишлари лозим эди. Агар султоннинг авзои бузук бўлса уни тундан тонгача қолдирмай босишга, агар муросага юрадиган бўлса шунга қараб иш тутадиган бўлдилар. Оқсоқоллар Шоҳбаҳт кўнглан овулга етмасданоқ зўрликнинг иложисизлигини тушундилар. Шоҳбаҳт овули ва Бурка султон қишлоғи орасидаги кенг ҳудудга Абулхайрхонга содиқ бий ва ботирларнинг овуллари жойлашиб улгурибдилар. Овулнинг ўнгу сўлиғи Қорачин баҳодир ва Оқсўфи ботирларнинг овуллари тушибдилар.

Бурка султон йўллаганларни қайғу билан кутиб олган Шоҳбаҳт султон қаҳрланганларни шаштларидан тушириб:

– Ўтганлар ўтиб кетдилар. Ўтмишни титкилашдан не наф? – деди.

– Тўғри айтасиз, султон, – деди Эсонбий. – Хонадонингизга, элингизга қилинган босқинга бош кўшганидан Бурка султон кўп пушаймон бўлмоқда. У ҳам, сиз ҳам шайбонийсиз. Қондош биродарингизнинг узрини қабул қилинг. Етказилган зарарни тўлаймиз.

Султон сўз демаган бўлса-да, Шоҳбаҳт келганидан буён ўзини гўё шавкатли Абулхайрхон ҳузуридаги бош маслаҳатчи каби тутаётган Қорачин баҳодир:

– Сизлар хонадонига шунчалик зарар етказдиларингизки, олам молини бериб ҳам бу зарар ўрнини тўлдира олмайсизлар, – деди.

Келганларнинг бошлари эгилди.

– Ҳақиқатан ҳам султон қилимишдан пушаймон бўлиб етказилган зарарни тўлайдиган бўлса, шариат ҳукми бўйича уни кечиришингиз лозим, – деди Нурмуҳаммад саййид.

– Султонингиз ўлганларни тирилтириб бера оладими? – деди Шоҳбаҳтнинг маъноли бокишига қараб ҳам кўймаган Қорачин баҳодир. – Орада тўқилган қон бор.

– Шариатда ўлдирилган одамга-да хун белгиланган, – деди Эсонбий.

– Бу ерда хун борасидаги гапларни бас қилайлик, – дедисултон. – Угапни Нурмуҳаммад саййид ва Оқсўфиҳожаларни ўзи томондан вакил қилиб тайинлади.

Тортилган таомдан сўнг мархумлар ҳақига дуо қилган оқсоқоллар қайтдилар. Султоннинг сўнгги гапидан кейин оқсоқолларнинг кўнгилларида яраш борасида пайдо бўлган умид учқунларини овул сиртида кўринган

қипчоқларнинг чанғарақларидан осмонга тутун ўрлаётган ўтовлари сўндириди.

\* \* \*

Игна устида ўтиргандек бесаранжом, безовталик билан оқсоқолларнинг Шоҳбаҳт султон овулидан қайтишларини кутган Бурка султон улар киришлари билан сўради:

– Нима гап?

– Назаримда ҳозирча хавотирга ўрин йўқ, – деди Эсонбий, – аммо султон овулнинг гирдини яқинда кўчиб келган овуллар қуршаб олиби.

– Шундай бўлиши ҳам керак-да, – деди хотиржамлик билан Эсонбийга ҳамроҳлик қилганлардан бири бўлмиш Сорибий. – Ахир хон хонадони босқин кўрган хонадон. Султон келгандан кейин эҳтиёт чораларини кўрган-да.

– Йўқ, – деди юзини ташвиш босган уйғур Яхшиликбий, – Шоҳбаҳт султон азалдан тадбиркор, ҳар жиҳатдан тўқис یигит. Унинг жангдан ўзга машғулотни ўзларига эп кўрмайдиган қипчоқларни атрофига тўплаши бежиз эмас.

– Ахир Абулхайрхон хонадони устига босқин ясаган бир биз эмасмиз-ку, – деди Сорибий.

Бурка султон савол назари билан Яхшиликбийга боқди.

– Абулхайрхон хонадони устига босқин ясаганлар ичида иккита шайбоний султон бўлган, – деди Яхшиликбий. – Биринчиси сиз ҳазрати олийлари бўлсангиз, иккинчиси Ибоқон ибн Маҳмудхондир. Хон бизни мустақилликдан маҳрум этган бўлса-да, ўз қаноти остига олиб асраб-авайлаб эди. Ибоқоннинг йўриғи бошқа. Отаси Маҳмудхон юртини Абулхайрхонга беришга мажбур бўлди. Оғаси Муртазоҳон ота юрти учун жанг қилиб ўз юритдан ҳам айрилди. Ибоқон кўп сарсон-саргардонликлардан сўнг Итилнинг ўнг соҳилида давлат тузишга муваффақ бўлди. Ҳозир у Рус ерларини босиб, Қозонга таҳдид соларлик даражада кудратга эга. Қолганлар бу ердан узокда. Ахвол шундай бўлгач Шоҳбаҳт султон қасос олишни кимдан бошлайди? Албатта сизданда, ҳазрати олийлари.

– Томирида Абулхайрхон қони оқаётган султоннинг қасоскор бўлмаслиги мумкин эмас, – деди Абулхайрхон билан кўп бор сафарларда бирга бўлиб, унинг топширикларини бажарган Бурка султон Яхшиликбийга қараб. – Мулоҳозангиз ўринли ва гапингизда жон бор.

Улуғ бий лавозимига талабор рақибининг султон мақтовига сазовор бўлганидан Эсонбийнинг жаҳли чиқди.

– Етказилган зарар ва ўлдирилганларнинг хуни борасида ҳам гаплашдик, – деди султон фикрини ўзгартиришга уриниб Эсонбий. – Шоҳбаҳт султон бу борадаги музокаралар учун Нурмуҳаммад саййид ва Оқсўфиҳожаларни ўзи томондан вакил қилиб тайинлади.

Айттилган гапларни дикқат билан тинглаган бўлса-да, бир қарорга кела олмаган Бурка султон таваккал қилишга қарор этиди:

– Эртага Шоҳбаҳт ҳузурига ўзим бориб бу масалага ойдинлик киритиб келаман, – деди.

– Бу ноўрин тантилик, – деди Яхшиликбий. – Султон ўзини тутиб сипо сўзлашган бўлса-да, Қорачин баҳодир сизни тириклайн ейдиган вахоҳатда.

– Ит ҳурар, карвон ўтар, – деди Бурка султон. – Элнинг кўз ўнгиде Шоҳбаҳт менга зиён етказишига ботина олмайди. Мен эса унинг дилидагиларни уқиш имконига эга бўламан. Сизлар ҳозир маслаҳатлашиб менинг уюр, пода, сурувимдан султон мол ажратинглар.



\*\*\*

Шоҳбаҳт султон ҳузурига борган Бурка султон унинг режаларидан воқиф бўла олмади. Барча кўргуликларни Яратганинг иродасига йўйган Шоҳбаҳт султон келганларнинг барчасига бирдек муомалада бўлди. Зарап ва хун борасидаги музокара ҳам ниҳоясига етмади. Бурка султон қайтарган молга эътиroz билдираган Шоҳбаҳт султон вакиллари орқали хун борасидаги масаланинг барча босқин иштирокчиларисиз ҳал бўлмаслигини билдири.

Ёз ўтиб, куз келди. Кўнгли хавотирга тўла Бурка султон Шоҳбаҳт султон босқинини кута-кута чарчади. Элининг бир қисмини инилари Абулак, Амнак, Абак, ўғиллари Элбарс ва Билбарслар<sup>1</sup> билан кўчириб юборган султон қолганлар билан қишлоvida ёта берди.

\*\*\*

Шоҳбаҳт султон овули. Овул ўртасидаги эшигига туғқадалган оқ ўтовнинг олдигача от йўрттириб келган киши отини тик устунларнинг бирига боғлаб ўтовга кирди. Найза, қилич, қалқонини эшик олдида қолдириб ўтов ўртасига ёқилган гулхан устига осилган қозондаги сутни шопираётган аёл томон юрди.

Марҳум Абулхайрхоннинг аёлларидан бири инисига кўзи тушиб:

— Кел, Туёқбий, — деди.

Туёқбий гулхан ёнига ёэйланган дастурхонга яқин турган эчки терисига ўтирас экан:

— Опа, егулик беринг, ўлгудек очман, — деди.

— Томоққа арзигулик иш қилиб келдингми ўзи? — деди кампир.

— Бўлмасам-чи, — деди Туёқбий, — тунда Шоҳбаҳт бошлиқ йигитлар билан Бурка султонни босдик ...

Тўрдаги ўриндан аввал пўстин, кейин қалин кўрпа учди. Абулхайрхоннинг ақли камлиги учун босқиндан омон қолган ўғли Хожа Муҳаммад тоғасига дағдаға кила кетди:

— Ну яна нимаси? “Бурка султонни босдик” дейсизми? Менсиз-а? Абулхайрхон ўлган бўлса ўрнини босадиган ўғли Хожа Муҳаммад султон тирик-ку, нега менга бир оғиз эса-да айтмадиларингиз? Бурка ҳаммангизни қириб юборса элга не деб жавоб берар эдим?

Тоғаси берилган қатор саволларнинг қай бирига жавоб беришни билмай турган эди, султон оёғига этикни, эгнига пўстинни илганча ўтовдан югуриб чиқиб кетди.

Жиянининг дағдағасидан “шу туришда от миниб Бурка султон овуллига жўнаб юборадими?” деган ўй ўтган Туёқбий бақирди:

— Ҳой, қаёқقا?

— Хавотирланма. Жиянинг юпун ҳолича Шоҳбаҳт ва унинг йигитларига жон тортиб сўғиши майдонига от кўядиган даражада аҳмоқ эмас, — деган кампир сўради: — Шоҳбаҳт кўп талофат кўрмадими?

— Йўқ, Бурка султон ғафлатда қолди. — деди Туёқбий.

— Йигитларимиз овулнинг Бурка султон ўтовлари жойлашган қисмига етганларидагина босқиндан хабар топиб энгига пўстинини илиб яланг оёқлигича ўтовидан югуриб чиқкан. Аҳволни кўргач эса шу ҳолича ўзини қамишзорга урган.

— Тутдиларингизми?

— Қалин қорда яланг оёқ қочиб қаерга ҳам бораради.

— Менинг Хўжагумим қолиб бобосидаги кўп хислатлар Шоҳбаҳтга ўтган. Сут тўккан мушукдай шумшайибиги

на юриб эди болам бечора. Йўлбарс-да, йўлбарслигини кўрсатди.

— Ҳа, — деган Туёқбий опаси узатган сут тўла гулли ёғоч косани олди. — Қон тўкилган жойда томогимдан ҳеч нарса ўтмайди. Буни биладиган султон отдан йиқилиб қўли синган навкарни овулга олиб қайтишимни буюрди.

— Хизматимдаги қиз-келиnlар босқинда йўқолганларидан буён барча юмуш ўзимга қолди, — деб нолиди кампир.

— Ҳм-м, — деди Туёқбий ва косани қўйиб корсондаги этга қўл узатган эди ҳамки, у олмоқчи бўлган устихонни ўзга қўл илиб кетди.

— Юз-қўлингни ювмай дастурхонга йўлама деб эдимку, — деб ўғлига чўмич билан ҳезланган кампир инисига шикоят қилди: — Келиним суйгани билан қочиб кетгандан буён бу тентак бўлганича бўлиб қолди. Энди билсан юз-қўлини келин бечора алдаб-сулдаб ювдирап экан.

— Яна хотин олиб беринг-да, опа, — деди эт чайнаганча Туёқбий. — Ана, Бурка султон овулини босиб, султон ва қатор йигитларни қатл этдик. Қанчадан-қанча жувон бева бўлиб қолди.

Онасидан узоқроқда устихон ғажиётган Хожа Муҳаммад оғзини очганча бир неча лаҳза қотиб турди-да, кўлидагини қўйиб, оғзидағини ютганча апил-тапил кийнишга тутинди.

— Ҳа? — деди онаси.

— Шоҳбаҳт Буркани қатл эттирган бўлса бориб бевасини олиб келаман.

Онаси ва тоғасини ҳайратда қолдирганча Хожа Муҳаммад султон, яни орқаворотдан Хўжагум тентак деб аталувчи Абулхайрхоннинг ўғли тоғасининг отини миниб Бурка султон овулига йўл олди. Шоҳбаҳт султон ва Қорачин баҳодир бошлиқ йигитлар Бурка султон элини босиб, қаршилик қилганларни чопдилар. Бурка султон ва Абулхайрхон хонадонига уюштирилган босқинда қатнашиб қўллари қонга бўялганлар тутиб қатл этилдилар. Бузуқпикда қатнашганлар жазоларини олганларидан кейин эл улуғлари султондан раҳм-шафқат тилаб, қолган элни паноҳига олишини сўрадилар. Мол ва жонларини Шоҳбаҳт ихтиёрига топширдилар. Муддаоси ҳам шу бўлган султон Бурка султоннинг инилари ва ўғилларини топиб қатл этмоқчи бўлганларга рухсат бермай улуғлар билан марҳумларни дағн этиш маслаҳатини қилаётган вақтда қишловга: “Тўхта ҳов, тўхта” деганча Хожа Муҳаммад султон от чоптириб кириб келди. Навкарлардан бири кўпириб кетган от жиловини олди.

Отдан тушган Хожа Муҳаммад султон “бирон фалокат юз бердими” деб ўтовдан шошилиб чиқсан Шоҳбаҳт султонга қараб:

— Мен марҳум хоннинг ўғли, сен набирасисан. Шаҳид бўлганлар қасдини олиш менинг ҳаққим эди. Модомики сен бу ишни уddaлаган экансан, майли, мен розиман, аммо ўлжа бобида биринчиликни менга қўйиб беришинг керак, негаки ғанимлар босқинида мен хотинимдан айрилганман, — деди.

Оғасининг муддаосини кечикиброк тушунган султоннинг юзига Бухордан чиққанидан буён биринчи бор кулги югурди.

— Майли оға, ҳоҳишингиз бош устига. Ҳали ҳеч нарса олгани йўқ. Мана, йигитларга буюраверинг, оға, — деган султон ўтовга қайтиб кириб кетди.

Қаддини ғоз тутган Хожа Муҳаммад султон йигитларга буюрди:

— Бурка султоннинг аҳли аёлини келтиринг.

Бурка султоннинг хотини Малойни келтирилар.

<sup>1</sup> Элбарс ва Билбарс – кейинчалик Хоразмда ҳукм сурган хонлар.



– Султоннинг эгачилари, қизлари, бошқа хотинлари йўқми? – деб дағдага қилди султон.

– Султоннинг эгачилари, қизлари йўқ, – деди Бурка султоннинг маҳрами Мунакабий. – Катта қўчлари, ўғиллари элнинг бир қисми билан Хоразм томонларга кетганлар.

Бурка султон қишининг мана шундай теварак-атрофни қалин қор қоплаган кунларининг бирида ғафлатда ётган Қўжаш мирза овулини босиб, мирзани қатл эттириб, қизи хонзода Малойни никоҳига олиб эди.

– Бай-бай, – деди Малойнинг юзидағи ёпинчиқни кўтарган Хожа Муҳаммад султон. – Бу аёл бунча гўзал бўлмаса. Ўтов ҳозирлаб мулла топинг, шу бугуноқ никоҳимга оламан.

Ўзини кўрмаган бўлса-да, Хўжагум тентакнинг таърифини эшишиб юрган Мунакабий қўлини кўксига босиб:

– Xўп бўлади, ҳазрати олийлари, – деди.

Малойни ўтовидаги аёллар ёнида қолдирган Мунакабий Шоҳбахт султонни бундан огоҳ этди:

– Ҳазратим, оғангиз Бурка султоннинг беваси хонзода Малойни никоҳига олмоқчи.

– Хўш, нима бўлибди? – деди султон.

– Ахир шариатда иддаси ўтган бевани эркак кишига никоҳлаш жоиз дейилмаганми?

– Шундайликка шундайку-я, – деди Шоҳбахт султон, чора излаган каби Қорачин баҳодирга тикилди.

Йўқолган шон-шавкатни тиклаш йўлида ташланган илк қадамнинг муваффақиятидан маст Қорачин баҳодир султоннинг марҳамати туфайли ўлимдан қолган Мунакабийга иддао қилди:

– Нима, ўлгинг келяптими? Голибининг амри вожиб. Бор, султоннинг амрини адо эт!

Огулга бостириб кирганларининг илк дамларida қуролли, қуролсиз бир неча кишини қўлга туширган султон йигитларининг бошлиғи улардан сўраб эди:

– Орангизда Бурка султон борми?

Ўшанда вақтни чўзиб ҳожасининг узокроққа қочиб яширинишига имкон бериш мақсадида Мунакабий:

– Бор, мен Бурка султонман, – деб олдинга чиқди.

Кўп ўтмай ёлғони фош бўлган мулозимни Шоҳбахт султон олдига олиб бордилар.

– Нега ёлғон сўзладинг? – деди султон.

Бир муддат сукут сақлаб турган Мунакабий ниҳоят ўлимни бўйнига олиб:

– Ҳожамнинг тузини оқламоқчи эдим, – деди.

Мулозимнинг садоқатидан завқланган султон унинг гуноҳидан ўтди.

Тақдирнинг қайта марҳаматига умид қилган Мунакабий тихирлик қилган муллани шаштидан тушириб никоҳга ҳозирлик кўрилган ўтовга киритиб юборгач, ғурданди:

– Овулини босиб, отасини ўлдириб Бурка султон хонзода Малойни никоҳига олиб эди. Орадан йиллар ўтиб ўзи ҳам босқинга учраб, қизнинг отаси каби қатл этилди. Энди эри қатл этилиб, иддаси ўтмаган аёлни Хўжагум тентак никоҳига олаётир. Бу никоҳ Абулхайрхон хонадони аъзоларининг тирик қолганлари бошига қандай кулфатлар келтирап экан?

Орадан етти ой ўтиб Хожа Муҳаммад султон ўтовида чақалоқнинг “инга-инга”си янгради. Туғилган боланинг исмини Жонибек қўйдилар...

\* \* \*

Дарҳақиқат, Шайбонийлар сулоласининг таназзулига Шоҳбахт султон беихтиёр йўл қўйган хатолик сабаб бўлди.

Вояга етиб Шоҳбахт султоннинг сафдошига айланган Жонибек султон аслида Хожа Муҳаммад султоннинг эмас, Бурка султоннинг зуриёти бўлган. Шоҳбахт султоннинг шариат аҳкомининг поймол этилишига лоқайд қарashi алал-оқибат сулоласининг таназзулига сабаб бўлди. Бу таназзул Жонибек султон авлодлари томонидан амалга оширилди.

Қирғинлардан Абулхайрхоннинг набиралари Шоҳбахт ва Маҳмуд султонлардан ташқари ўғиллари Хожа Муҳаммад, Суюнчхожа ва Кўчкинчхожа султонлар омон қолиб эдилар. Шайбонийхон вафотидан кейин таҳтга Кўчкинчхожаҳон<sup>2</sup> ўтириди. Кўчкинчхожаҳон замонида хон ҳазрати олийларининг аждодлари Ҳожи Тархондан Моварауннаҳрга келиб эдилар. Хон ҳазрати олийларининг отдошлари Убайдуллаҳон<sup>3</sup> вафотидан кейин Абдулхайрхон ва Жонибек султон авлодлари таҳт учун курашдилар. Бу курашда жўйбор шайхлари<sup>4</sup> томонидан кўллаб-қувватланган Жонибек султоннинг набираси Абдулла султон ғолиб бўлди. Аввал отаси Искандар султонни<sup>5</sup> таҳтга ўтириғизди. Отаси вафотидан кейин ўзи хонлик қилди<sup>6</sup>. Бухоро хонлигини Шайбонийхон давридаги ҳолатига етказишга муваффақ бўлаёзган Абдуллаҳонни ўғли Абдулмўмин султон<sup>7</sup> заҳарлаб ўлдирди. Илгари ўтган падаркуш шаҳзодалар каби Абдулмўминхоннинг хонлиги ҳам олти ойдан ортмади. Абдулмўминхон отасининг амирлари томонидан ўлдирилгач, Миёнқолда уч ўғли билан жон сақлаб қолган Пирмуҳаммад султон<sup>8</sup> хон қилиб кўтирилди. Пирмуҳаммадхон ва ўғилларининг жонийлар билан бўлган жангда ўлдирилишлари билан шайбонийхонлар сулоласининг Моварауннаҳрдаги ҳукмронлиги интиҳосига етди. Бухоро таҳти жонийлар қўлига ўтди.

<sup>2</sup> Кўчкинчхожаҳон – Шоҳбахтхон вафотидан кейин 1510–1531 йилларда хонлик қилган.

<sup>3</sup> Убайдуллаҳон – Шайбонийхоннинг иниси Маҳмуд султоннинг ўғли. Пойтахти Самарқанддан Бухорога кўчириб, 1533 йилдан 1539 йилгача хонлик қилган.

<sup>4</sup> Жўйбор шайхлари – Бухоронинг жўйбор маҳалласида истиқомат қилган ҳазрати Али авлодлари.

<sup>5</sup> Искандар султон – Жонибек султоннинг бешинчи ўғли. Хонлик даври 1561–1583 йиллар.

<sup>6</sup> Абдуллаҳон Искандарнинг ўғли, хонлик даври 1583–1598 йиллар.

<sup>7</sup> Абдулмўминхон – Абдуллаҳоннинг ўғли, отасини 1598 йилнинг 8 феевралида заҳарлашган.

<sup>8</sup> Пирмуҳаммад султон – Жонибек султоннинг еттинчи ўғли Сулаймон султоннинг ўғли. 1598–1601 йилларда Бухорода хонлик қилган. Аштаржоний Боқи Муҳаммад султон билан бўлган жангда ўлдирилган.





**Темир ҚУРБОН**



## ШАВКАМ РАХМОН ҲАҚИДА ҚҰШИК

*Түркүм*

### I

“Сангин қирғоқ”,  
“Қисилған денгиз”,  
Нафас олар солиб қалдироқ.  
Үзбекнинг бир бебаҳо, тенгсиз  
Шоирiga ҳаво йўқ бироқ.

Тоғлар бағрин безаги бўлган,  
Арчазорлар энг сўлим маъво.  
Ҳатто улар ҳавога тўлган,  
Бир шоирга етмайди ҳаво.

О, дунё, сен бунча бағритоши,  
Баҳра олар бағрингда харсанг.  
Не бўларди чумолию тоши,  
Баҳра олган ҳавонгдан берсанг??!

“Аравонда абадий чўккан  
Нортуюлар” олмоқда нафас.  
Юрагига бутун юрт сикқан,  
Бир шоирга ҳаво етишимас.

Узоқларда қолган Аравон,  
Сулаймонтог султонсиз бугун.  
Курагига ботар каравот,  
Юрагида минг битта тугун...

### II

Тоғлар оша бераётир сас,  
Баҳорларни согинган кузлар.  
Юрагига ҳаво етишимас,  
Тиллар ожиз, шеър сўйлар кўзлар.



Бу кўзлардан шеърлар нур олган,  
Шундан ўтлиғ мисралари ҳам.  
Бу кўзларга жо бўлиб қолган,  
Олойтогнинг тизмалари ҳам.

Бу кўзларнинг битикларида,  
Армон бисёр, бисёр сималлар.  
Азим тоғлар этакларида,  
Қолиб кетган беғубор дамлар.

Кўзлар бутқул чўккан, мисоли –  
Қирғозини йўқотган денгиз.  
Жаранглайди шоир саволи –  
Ўткир тиғдек: “Нега келдингиз?!”

Кўнгил сўраши – гирт бемаънилик,  
Ахир шундоқ аён-ку бари.  
Ўзгариши йўқ, йўқ бир янгилик,  
Фақат ортган игна излари.

Етар унинг тоғдек бардоши,  
Дарди оғир бўлса-да тенгсиз.  
Тоқатин тоқ қиласар ётиши,  
Янграп савол: “Нега келдингиз?!”



Йиллар муҳрин ўйиблар кетган,  
Юзи улкан тошни эслатмас.  
Бутун вужуд бўғриқиб ётган,  
Чўнг юракка ҳеч ҳаво етмас.

Бургут нигоҳ Шавкат Раҳмон йўқ,  
У дард билан олишиган бемор.



Энди ёнмас кўзларида چўг,  
Бу ётишидан кўзголади ор.

Куз келмасдан бошга ёккан қор,  
Юзларида аччиқ изгирин.  
Наҳот, дунё бўлса шунча тор,  
Бир шоирдан аяса меҳрин.

“Шамол кезар зерикиб, уфлаб,  
Саҳаргача табассум бўлмас”.  
Кўйган каби кўксини қулфлаб,  
Ҳансираиди, ҳавога тўлмас.

“Тоғ хўрсиниб юборди огир,  
Тоғлар каби хўрсинмоқ керак”.  
Ич-ичидан хўрсинди шоир,  
Тоғлар каби гувранди юрак.

Айвондаги “озодруҳ қуиҷа”,  
Шоирдан ҳеч кўзин узмайди.  
Бир ой қолди қаҳратон қишига,  
У шоирни ўйлаб бўзлайди.

Оппоқ девор, қордай оқ тўшак,  
Чўнг юракка туюлар қафас.  
Ажал турар пайт пойлаб бешак,  
Симирмоққа ҳаво етишимас.

У ажсалдан кўркмайди, йўқ, йўқ,  
Кўркмагандир у шу ёшигача.  
Фақат кўксин тилар тилсиз ўқ –  
У истаган ўлим боишқача.

Бир ўлимки, ётмаган азал,  
Шеъри каби аччиқ, тенги кам.  
Шеъри каби аёвсиз, гўзал,  
Ҳатто бир оз фожеали ҳам.

### III

“Юрак сокин қарар атрофга,  
Синдирмайди энди қафасин.  
Фақат сезар поёнсизликда  
Ўлаётган кузнинг нафасин.

Хувиллаган сариқ водийда  
Қариган куз ётади беҳол –  
Кўзларига осмонни жойлаб,  
Ўлса бўлар энди бемалол...”



Шоир ўлди, деган шум хабар  
Етиб борди улуғ тогларга.  
Уввос солиб ишглар майсалар,  
Кўшилишиб зардранг боғларга.

Одамларга билдиримай ишглар,  
Гард юқмаган гўзал гиёҳлар.  
Мажнунтоллар кўксини тиглар,  
Гуллаган тош дилин сиёҳлар.

Йилларки йиши остонасида,  
Йўлларига тикилган зор-зор.  
Бугун унинг хобхонасида,  
Нола қилар бир онаизор:

“Карами кенг, қудратли Аллоҳ,  
Мен ўзимга тиламам шафқат.  
Жон тиласанг, менинг жоним ол,  
Шавкатимга шафқат қил, фақат”.



Тогим дея суюнган эди,  
Манзуранинг тоги қулади.  
Боғчадаги гулдек унганди,  
Энди дилда армон гуллади.

Нодиранинг нолаларига,  
Қайси юрак бера олар доши.  
Шеъриятнинг болаларига,  
Энди кимлар бўла олар боши?


Шоиранинг шодликларига,  
Ким бўлади Шоирдек шерик.  
Тақдирнинг бу чўнг юкларига,  
Шавкат Раҳмон каби зот керак.

“Ўлсам сенга суюниб ўлай”,  
Деган эди Шоир пок руҳга.  
Энди кимлар чин суюнч бўлар,  
Омасини берган Шоҳруҳга.

Абадият оралаб шоир,  
Ўшига қачон етамиз, дерди.  
Мангаликка йўл олди энди,  
Мангаликнинг йўлинин берди.



Муяссар ТИЛОВОВА



# ОЛМАЗОР

## Хикоя

- Келгинди.
- Сен кетмонсан, дастаси синган кетмон.
- Молбоқар.
- Дала кўрсичқони.
- Кўчманчи.
- Каламуш.

Бизнинг даҳанаки, аммо охири кўринмайдиган урушларимиз мана шундай бошланади. Чўпон болалар билан айни тушда бошланган жанжал то шомгача, кун ҳовуридан тушгунича давом этади. Чунки фақат шу пайтда сойда чўмилишни тўхтатиб уйга кетамиз. Аслида бир-биримизни нима деб сўксак ҳам эшитмаймиз, улар сойнинг нариги, биз эса бу қирғоғида бўламиз. Сувнинг шовиллашида қулоқларга ўз чийиллашларимиздан бошқа нарса эшитилмайди. Лекин ҳар ҳолда енгилмаганимизга асос бор. Биз бисотимиздаги бор ёмон сўзлардан фойдаланамиз. Янгилари тугаб қолса,

рақибларимиз айтган гапларни қайтаришга тушамиз. Қўлимиздан келгани шу. Бу урушлар мен эсимни таниганимдан бўён бўлади. Аввал акаларим уришишарди, кейин улар тинчиди кетишди. Навбат бизга етиди. Бошида уларга нималар деб сўкканимни айтиб роса мақтанар эдим. Бироқ бу ҳеч кимни қизиқтирумади. Кейин жанг тафсилотларимизни айтишга ҳафсалам ҳам сўниб кетди.

Бугун далада акамга ёрдамлашиб қоқ тушгача қолиб кетдим. Сўнгра Даврон билан эшакни секин йўргалатганча сойга йўл олдик. Жуда ҳориганимиздан кўйлакни ечиб бошга соябон қилганмиз, эшакни эса бошқармай ўз ҳолига ташладик. Жонивор ҳар куни борадиган йўлини топиб кетаверади. Сойга етгач жуда



жаҳлим чиқиб кетди. Чўпонлар биз чўмиладиган жойни эгаллаб олишганди. Бу ҳолдан ҳайрон бўлишишимиз табиий. Чунки сой биз билан улар ўртасида тенг бўлинган. Ҳар кимнинг ери дахлсиз эди.

- Нега биз томонга ўтдинг, келгинди?
- Кўлингдан келса ҳайда, кетмон.

Уларнинг бошлиғи, менинг асосий душманим Шаҳбоз курка юриш билан менга яқинлашди.

“Кўрқан номард” – деб ўзимга пичирладим-да, доимги вазмин қадамларимда у томонга илдамладим.

- Жой бўлинган, лафзингда тур.
- Ўртага лафзни қўшма. Уни сендан яхши биламан.
- Унда нимага биз томонга ўтдинг?
- Бу тоғликларнинг одати.
- Босқинчиликми?
- Йўқ, бирга-бир қилиш.
- Мен сен томонга ўтганим йўқ.
- Иккита ширбозни ўғирладиларинг.
- Биз сенинг молларингни деб ўлиб турганимиз йўқ.

Мен ўғирликни ўзимдан соқит қилдим-у, аммо ширбозларнинг гўшидан еганим эсимга тушди. Уни акам ва жўралари ўғирлашган эди. Буни тан олиб бўлмайди, чунки ютқазган бўламан. Сир бой бермадим.

– Сен ўғирлаганлар билан ҳисоб-китоб қил, молбоқар.

- Жигимга тегма, дала кўрсичони.
- Кўчманчи, беватан.

Шаҳбоз бу гапидан жим бўлиб қолди. Мен нишонга ургандим. Ўша гапни тоғликларни қарғаётгандан онамдан ўргангандан. Бугун асқотди. Бошимни ғолибларга хос баланд кўтардим. Бироқ кутмаган нарсам содир бўлди. Юзимнинг остида қаттиқ муштни ҳис қилдим. Кўз олдим қоронилашиб кетди. Гандиракладим, чоғи. Лекин буни билдирамаслигим керак. Ўзимни тутдим. Зўрға тутдим. Тан олиш керак, зарбаси жуда кучли экан. Худди темир қўлларга ўхшайди. Буни шундай қолдириб бўлмайди. Бор кучимни қўлимга ўғидимда, унинг ўнг юзини мўлжалладим. Зўр зарба бўлди. Боягина ҳайрат эгаллаб турган Давроннинг юзида хушкайфият пайдо бўлди. Шаҳбоз тараф болалар эса йиқилиб тушган дўстларига парвона эди. Мен бутунлай ғолибман. Кийимларимни ечиб, озғин, чайир гавдамни қуёшда берилиб кериштирдим. Ўзим билан ўзим банд бўлиб Шаҳбознинг ўрнидан турганини сезмабман. Биқинимда нимадир узилиб кетгандай бўлди. Фақат, сўкишиб ўтган болаларча жангларимиз тугаган, энди ниҳоясиз муштлашувлар бошланганди. Унга еб қўйгудай тикилиб турган кўзларимдан зарба кучидан беихтиёр ёш қалқиб кетди.

- Бориб онангга ўғиғлаб бер. Сени овутади.

Балки таслим бўлардим, лекин бу гапидан кейин эмас. Қорнимни ушлаб турган кўлларимда мушт тугилди. Шаҳбоз томонга югурдим. Бўйнига маҳкам осилиб, ерга йиқитиб олдим. Бир-биримизга кетма-кет зарбалар ёғдирдик. Шунчалик кучли эканимни бугун ҳис қилдим. Аммо Шаҳбоз ҳам қолишмасди. Бақувват бола экан. Кўз қиримда қараб, Даврон билан Шеркўзи олишаётганини кўрдим. Негадир Жўра бу олишувда иштирок этмасди. Чеккада туриб гоҳ бизга, гоҳ Шеркўзи билан Давронга қаради. Демак қўрқаяпти. Албатта,

бу фикрдан куч олдим. Лекин кейинчалик билсан мен адашган эканман. Тоғлик чўпонлар одатида бир кишига икки кишининг ташланиши уят ҳисобланар экан.

Назаримда мен енгаётгандай эдим. Чунки Шаҳбоз букилган оёқларим остида эди. У таслим бўлишга ҳозирланаётгандай кўринди.

Энди охирги зарбани бериш керак. Башарасини нишонга олиб қўлларимни баланд кўтардим. Улар залворли муштга айланганди.

Энди урмоқчи бўлганимда қўлимни кимдир ушлади. Ўғирилиб тепамага қарадим. Тоғ ёнбағирлигидаги катта олмазорнинг эгаси Қодир ота экан. Хаёлим у билан бўлиб тепишга ҳозирланган Шаҳбознинг оёқларини илғамабман. Қодир ота иккинчи қўли билан унинг оёғини ушлади.

- Нега урушасанлар?

– Манови бизни чўмиладиган жойга ўтиб олибди.

– Уят, болаларим, уят. Бир жойда яшайдиган оғанинлар ҳам муштлашадими?

Чол доимги хушчақчақ чехраси билан табасум қилди. Мени мажбурлаб чеккага олди. Юзлари тупроқча беланган, қошининг усти ёрилиб қон сизаётган Шаҳбоз ўғиғлашдан нари-бери бўлиб ўрнидан турди. Унинг кўрқаётгани билиниб турарди. Чунки, чол бизнинг қишлоқдан. У биз тараф бўлиши аниқ эди.

– Хўш, бир-бирингиздан кечирим сўраб ярашиб оласизларми?

Биз жиммиз. Кимнинг ҳам паст кетгиси келарди. Чол бизга қаради-да, нимадандир афсусланиб бошини сарак-сарак қилди.

– Ҳеч одамларга тушунмайман-да, ўзлари душман бўлса болаларда нима айб? Бу одамни одам ажратиши ҳеч тугамас экан-да. Ҳатто, болаларга ҳам сингдирив улгуришибди. Ҳа майли. – Қодир ота эътиборсиз қўлни силкитди. – Боғда ҳозир олма тирқ пишган. Ким дўст бўлмоқчи бўлса, мен билан юрсин. Олмаҳўрлик қилишга.

Чол ҳассасини дўқиллатиб йўлга тушди. Биз эса ким ортидан эргашса, таслим бўлишини тушунгандик. Қилт этмадик. Аммо томонлар иккilonарди. Боғдаги олмаларнинг таърифини ҳамма биларди. Шаҳбоз, Шеркўзи, Жўра чолнинг ортидан юрди. Мен шуни кутиб тургандим, энди йўл очиқ. Даврон иккимиз ҳам эргашдик. Боғга етгунча ҳеч ким чурқ этмади.

Чол орқасига ўғирилиб қаради-да, мамнун жилмайди.

– Бу бошқа гап. Яхшилаб уқиб олинглар, бир ерда яшаган одам ғаним бўлмайди. Худо барчани бир хил яратган, у оқми, қорами, лўлими, кўчманчими – бунинг аҳамияти йўқ. Нега индамайсанлар? Сизларга болаларча уришиш, болаларча ўйинқароқлик ярашади. Насл-насад ва бошқа нарсаларни ўртага қўшманлар. Қани сени отинг нима эди? Дарахтга чиқиб олма қоқ-чи?

Қодир ота ўтмаслашиб қолган кўзларини Шаҳбозга қисиб қаради.

- Исмим Шаҳбоз.

– Бу бургут деганими?

- Ҳа.

– Жуда соз, ўзинг ҳам бургутга ўхшагин. Улар кучли, бақувват, мағрур бўлишади. Бир пайтлар ҳов анави, тоғларда кўрганман.



Чол кўрсаткич бармоини учлари оқариб кўриниб турган тоғ чўққиларига қадади.

Шаҳбознинг ўртоги Жўра сұхбатга аралашди:

– Бизда уларнинг тириги бор. Полопонлигидан боқамиз.

Ҳайратини яширомаган Даврон энди гапираман деб оғиз жуфтлаганди, мен туртиб қўйгач гапи оғзида қолди.

Ҳаш-паш дегунча сара олмалардан бир саватини тердик. Боф қишлоқнинг четида, охири баланд тоғларга уланиб кетган қирлиқда барпо этилган. Жуда хушманзара, сўлим жой. Қодир ота ёлғиз ўғли Нодир билан парваришлайди уни.

– Нега қариндошларинг биз томонга келишмайди? Сизларда мева-чева йўқ, келсанглар қоплаб бериб юборардим.

– Бизга қишлоққа тушманглар дейишади. Шунинг учун то кетгунимизча яйловда бўламиз.

Чўпон болалар олмалардан ютоқиб ер, бу эса бизнинг завқимизни келтиради. Биринчи учрашувимиз унчалик кўнгилдагидек ўтмади. Аммо биз шу пайтгacha олақараш қиласиган болалар билан орамизда қандайдир яқинлик уйғонган эди.

– Баракалла, болаларим. Оға-ини тутининглар, агар қишлоққа тушишни истамасанглар мана, менинг боғим. Хоҳлаган пайтда келиб-кетаверинглар. Олмазор барча болаларнинг ўйнайдиган жойи бўлсин.

Шу куни чўмилишга бормадик. Олмазорда қолдик. Ўша ёз биз учун бошқача ўтганди. Чўпонлар ва қишлоқ болалари дўст тутинишиди. Ҳаммаси эмас. Мен ва Шаҳбоз.

Кузга яқин улар кетишиди. Қишлиш учун ўз қишлоқларига.

Қишихирлашди, аммо кунлар совуқ. Тоғдаги қорни энди онда-сонда ўт-ўланлар ёриб чиқяпти. Тоғнинг баланд жойларига, қалин яйловларга кўчманчи чўпонлар қайтишиди. Улар ўтган йилги хароба кулбаларини қайтадан қуришяпти. Аслида, уларнинг ўрни ҳам билинмай кетган. Чунки, ҳар йили кетишгач қишлоқ одамлари уларнинг ўйларини ё бузиб ташлашади, ёки ёқиб юборишиди. Лекин бирор марта чўпонлардан ҳеч бири “нимага бундай қилдинг” деб келмаган. Изғиринли баҳорнинг узун кечаларида тоғнинг ҳар ер-ҳар ерида қурилган, худди бостиримага ўхшайдиган ўйларининг ёниқ чироқлари кўриниб туради. Улар ҳар йили то яна қишиш бошлангунга қадар тоғларда бўлишади. Қишлоқ билан ҳеч қачон алоқада бўлишмайди. Биз уларни, чўпонлар бизни ёмон кўришади.

Ҳаш-паш дегунча орадан иккى ойча вақт ўтди. Қодир отанинг олмазори ҳам қийғос ҳосилга кирган. Биз вақтимиз бўлди дегунча ўша ерга шошиламиз. Қишлоқда чўпонлар билан дўст тутинган ягона одам биз болалармиз. Олмани бўкканимизча еймиз, қорин тўйгач бир-биримизга олма отиш бошланади. Қандай шўхлик қилсан ҳам Қодир ота индамайди. Гўёки олмазор ҳамма болаларнинг дўстлик масканига айланиб қолган. Мен, Шаҳбоз, чўпон болалар ва яна татар йигит Башир ҳам шу ерга келади. Улар оиласи билан кўчиб келишган. Бошида болалар уни туртқилашарди, сўнг Қодир отанинг гапи билан биз дўстлашиб кетдик. Олмазордаги ўтган ҳар дақиқамиз гўзал. Бу ерда бизни каталарнинг муаммолари, шунга ўхшаш майда-чўйдалар

ажратмайди. Мен қишлоқ ҳақида, Шаҳбоз чўпонлар ҳақида, Башир эса ўзлари ҳақида айтуб беради. Олмазор болалар дўстлигининг рамзига айланди.

Ёз охирлашди. Биз олмазорга боришни кандо қилмадик. Лекин бир ҳафтадан бўён Шаҳбоз ва чўпон болалар кўринмайди. Мен ҳайрон бўлиб Қодир отадан сўрадим.

– Эй, нимасини айтасан, болам? Мен бир умр чўпонлар билан яхши муносабатда бўлиш тарафдори эдим. Лекин одамлар буни хоҳлашмади. Тунов куни тўрт-бешта ҳамқишлоғимиз уларнинг кўрасига ўғирлиқка тушибди. Бундай ўғирликлар кўп содир бўлгани учун чўпонлар сергак ётишган экан, тутиб олишибди. Таланавергач уларнинг ҳам жонига теккан-да, роса дўппослашибди.

Чол гапираётib чуқур хўрсинди.

– Бобо, нега бизникилар чўпонларни ёмон кўради?

– Ерни деб, мана шу ҳаммадан қоладиган ерни деб.

– Қишлоғимиз катта-ку, ҳаммага ер етади.

– Қанийди катталар ҳам сендей ўйлашса!

Чол негадир ўйчан бўлиб қолди. Кўзларини қаёқладир мунгли қадади. Аммо нимага тикилаётганини мен билолмадим.

– Ишқилиб бу нарсанинг охири яхшилик билан тугасин-да.

Қодир ота хўрсиниб бошимни силаб қўйди.

Мен у нималар деганини унчалик тушунмадим. Бироқ куюниб гапиришидан, жиддий муаммо эканини фахмладим.

Кечкурун ўйимизда акам ўртоқлари билан тўпланишиди. Мен уларнинг сұхбатини эшикнинг орқасидан туриб эшитдим.

– Тўранинг жагини эзib қўйишибди.

Акам оғир зарбаси билан хонтахтани бир урганда мен учеб тушдим.

– Ҳаддидан ошиб кетишиди. Индамаган сари ўзидан кетишияпти.

Қайси жўраси гапирганини аниқ англопладим.

– Улар кетишармиш, бошқа бу ерга қайтишмас экан, қилғиликни қилиб шундай кетаверишадими?

Акам бунга чидай олмаётгани билиниб турарди.

– Кетаётган бўлишса, яхши. Лекин қилмишига яраша жазо олиб кетишиди. Индамай қўйиб қўймаймиз.

– Нима қиламиш?

– Мол тўла қўрасига ўт қўямиз.

Катталарнинг бу гапидан юрагим музлаб кетди. Наҳотки, шундай қилишса!

– Қачон қиламиш?

Барча акамга юзланди.

– Шу бугуноқ. Мен билан йигитман деганинг борасан.

Акамнинг қўйган шартидан кейин ҳаммаси қўзғалди.

Кетаётган улар-у, кўрқаётган мен эдим. Аслида қоронғида бир ўзим юришга қўрқсан ҳам қандайдир куч мени тоқقا, чўпонлар ёнига етаклади. Кучим борича югурдим. Уларни огоҳлантиришим керак. Кўп нарсада бизникилар айбдор. Чунки чўпонлар қишлоқнинг хасини ҳам ўғирламаган. Бизникилар эса кўп марта ўғирлиқ қилғанларини ўзим кўрганман. Қанча югурдим, билмайман. Бироқ бир марта йўлдан адашганимни би-



ламан. Етиб борганимда нафас олишим қийинлашиб, ўпкам оғзимга тиқилиб қолгандай эди. Аммо, не кўз билан кўрайки, мен кечиккандим. Қўра алангаси кўкка ўрлаб ёнарди, чўпонлар билан йигитларимиз ўртасида эса, аллақачон, муштлашув бошланиб кетганди. Улар кўччилик, бизнинг йигитлар эса оз эди. Мен довдираб қолгандим. Кимдир бошимдан бир челак сув қуиди. Чўчиб ўгирилсам, Шаҳбоз.

– Бу ерда бўлганингни ҳеч кимга айтмайман. Фақат, кет. Бошқа кўришмаймиз.

Мен аслида уларни огоҳлантиришга келганимни айтишга улгурмадим. У челагига сув тўлдириб, молхоналари томонга юргурди.

Бу жанжални тўхтатиш керак, нима қилиб бўлса ҳам. Қишлоқ олис. Бу ерга энг яқин жой Қодир отанинг боғи. Мен боғ томонга чопдим. Қуюқ олмазорни оралаб чолнинг уйига етдим. Бобо ниманидир сезган, шекилли, ухламаган экан.

– Бобо, тезроқ юринг. Тоғда жанжал бўляпти. Ҳозир йигитларни ўлдириб қўйишади.

– Товба, шунга юрагим безовта экан-да. Нодир, Нодир. Югар, болам. Уларни тинчлантир. Мендан чақонсан. Ортингдан етиб оламан.

Нодир aka тоғ томонга илдамлаб кетди.

Биз бир соатлар фарқи билан етиб бордик. Борганимизда жанжал тугаган, бизниклар қочиб кетган экан. Чўпонлар Қодир отага индашмайди. Уни хурмат қилишади. Чунки ҳеч кимни ажратмайдиган яхши одам эканини билишади. Ачимсиқ тутун ҳидидан улар анча талофат кўрганини билиш қийин эмас.

– Яхшимисиз, ота?

Улардан ёши каттароқ бир киши чолга салом берди.

– Валайкум, Мурод, яхшимисан?

– Кўряпсиз-ку, аҳволни.

– Ҳа, хомсут эмган бандалар.

– Хафа бўлманг-у, ота, сиз томон номардлик қилди.

Улар қанча ўғирликлар қилишмади. Биз индамадик.

– Тўғри, аммо бир куни шундай воқеа юз беришини мен билардим. Ишқилиб, ҳеч кимга зарар етмадими, Мурод?

Ҳалиги киши бошини қуи солди. Оғир хўрсинди.

– Нимага индамайсан?

– Ҳеч ким хоҳламаганди, аммо муштлашувда бир йигит ўлди.

– Ким?

Ота иккимиз бирдан сўрадик. Ўлай агар у акам эканига ишончим комил эди. Ҳали совимаган жасадни гиламга ўраб қўйишганди.

– Биз қишлоқни танимаймиз. Ўзингиз кўринг.

Мен боролмадим. Дош бера олмасдим. Қодир ота секин гиламни очди. Лекин индамади. Ўрнидан тураётуб бир қалқиб кетди. Ҳеч кимнинг гапига жавоб бермай, келган йўлимизга равона бўлди. Мен ҳайрон эдим. Қўрқаётган бўлсан ҳам гиламни очиб кўрдим. Ўлган Қодир отанинг ўғли Нодир ака экан. Чолнинг йўлда бирор нарса бўлишидан хавотир олиб унга эргашдим. У ўғлини олиб кетишига ҳам қайтмади. Уйига тонг ёришаётганда етиб бордик. У жимгина жойига кириб ётди. Мен ёнида қолдим. Бироқ эрталабга яқин уйқу эллитган экан. Қаттиқ қўрқув ва чарчашдан қанча ётганимни билмайман. Уйғонганимда тушга яқин пайт эди. Негадир Қодир отани кўрмадим. Излаб боғга чиқдим. Чолни топдим. Ота кўлида болта, дараҳтларни чопарди. Қандай куч билан ишлаганини билмайман. Анча дараҳт қулаган экан. Қанча ҳаракат қилмайин, чолни тинчлантиrolмадим. У ғазаб билан қиларди бу ишларни. Кейин индамадим. Бизнинг дўстлик кўрғонимиз қулаётганини азоб билан кузатдим. Катта-катта олмалар ерга тўп-тўп этиб тушарди.

– Мен олмазорни бекорга қишлоқ билан тоғ ўртасида бунёд қилмагандим. У қишлоқ билан қўра ўртасида кўприк бўлсин дегандим. Лекин бу боламнинг умрига зомин бўлишини билмабман.

Ота хўнграб йиғлади ва олма дараҳтларини чопишини тезлаштириди.





Сайёра РАҲМОНОВА,  
Ўзбекистон давлат консерваторияси  
ўқитувчиси

## СЎЗ САНЪАТИГА МАФТУН МУНАҚҚИД

Аслида филология фанлари доктори, профессор, Ўзбекистонда хизмат кўрсатган фан арбоби Умарали Норматовни таниширишнинг ҳожати йўқ. Унинг номини кўпчилик яхши билади. Адабиёт ихолосмандлари Умарали Норматовни энг фаол мунакқид деб эътироф этишиди. Унинг дарслик ва ўкув қўлланмалари асосида йигирма йилдан бери мактаб ва олий ўкув юртларида сабоқ бериб келинади.

Айримлар ёши улуғлигини пеш қилиб, унга алоҳида ҳурмат-эҳтиром кўрсатишларини талаб қиласди. Устоз Умарали Норматов эса бундай манманлиқдан холи, камтарин инсон. Ҳартугул, шу боисдан бўлса керак, у киши саксондан сакраб ўтган бўлсалар-да, худди ёшлардек бардам, қувноқ ва ҳаётсевар.

Уқубатли замонларда одамлар китоблардан тасалли олганини ҳикоя қилишади. Ойбек, Абдулла Қаҳҳор, Ҳамид Олимжон таржимаи ҳолида улар эртаклар эшишиб, китоблар ўқиб тинглаб улғайгани қайд этилади. Одамлар кечалари, чироқ ёруғида “Минг бир кеча” ва достонларни ўқиб тинглагани, фузулийхонлик, бедилхонлик қилингани энди эртакдай туюлади. Лекин у пайтларида бу ҳаётий воқелик эди. У замонларда китобга муносабат бўлакча эди. Кишиларнинг қалбида китобга меҳр-муҳаббат бор эди. Китоб ардоқланиб, хонадон тўрига кўйиларди. Умарали Норматов китобга муҳаббат баланд ўша замонда, китоб қадрланган оиласда ўсиб улғайди. Ақлинни таниганидан китоб мутолаасига берилди. Китоб ўқишини кундалик одатига айлантириди. Шундан завқланди, лаззатланди. Бошқаларни ҳам китобларнинг сирли-сехрли дунёсидан баҳраманд этишга интилди.

Домла адабий жараённи муттасил кузатиб боради. У ярим асрдан бери “Ўзбекистон адабиёти ва санъати” газетаси, “Шарқ юлдузи”, “Жаҳон адабиёти”, “Ёшлиқ”, “Гулистон” журналларининг ҳар бир сонини, албатта, олиб ўқииди. Энг муҳими, босилиб чиқсан янги асар тўғрисида тақриз ёки мақола ёзиб, мулоҳазаларини

матбуотга тақдим этади. Унинг янги асарлар тўғрисидағи фикрини адабий жамоатчилик қўллаб- қувватлайди. Шунинг учун бўлса керак, Озод Шарафиддинов ўзининг машҳур мақолаларидан бирида “Умарали ҳақида гапириш, маълум маънода, бугунги ўзбек танқидчилиги ҳақида гапирмоқ демакдир” деб лутф этганлар.

Умарали Норматов Ўзбекистон Қаҳҳармони Озод Шарафиддиновнинг тўнгич шогирди эканидан фахрланади. “Менинг университетда топган энг катта бойлигим, баҳтим шуки, мен Озод Шарафиддиновнинг биринчи аспирант шогирди бўлиш шарафига мусассар бўлганман. Ярим аср у билан бирга ишлаш, ҳамкору ҳамнафас бўлиш мен учун Аллоҳнинг беназир инояти деб биламан”, деб қайд этганди устоз ўз эсадаликларининг бирида.

Устоз Умарали Норматов ижтимоий ҳаётда ҳам жуда фаол. У киши ютуқларимиздан астойдил севиниб, камчиликлардан чинакамига ташвишланади, изтироб билан қалам тебратади. Домла бугунги китобхонлик муаммоларига эътибор қаратганини қўп бор учратганимиз. Бу бежизмас, албатта. Чунки бу маънавият билан боғлиқ масала саналади. Негаки кишиларнинг одобаҳлоқи, уларнинг табиат ва жамиятга, умуминсоний ва миллий қадриятларига муносабатида китобхонлик жуда муҳим ўрин тутади. Чунки китобхон одамлар табиатга, жамиятга зарар келтирадиган ишга қўл урмайди, бошқаларга атайлаб озор етказмайди. Бундай қилиш гуноҳ эканлигини чуқур хис қилишади. Бу китобхонликнинг муҳим ижтимоий аҳамиятга эга эканлигини билдиради. Китоб ўқишига ҳордиқ чиқариш, дам олиш, эрмак деб карамаслиқ керак. Китобхонликни бу тарзда жўн талқин этиш ярамайди. Чунки китоб ўқиганида ҳар бир киши, албатта, нимадир билиб олади, шеър, ҳикоя ёки роман мутолаа қилганида, шубҳасиз, таъсирланади, қалби тўлқинланиб, ҳиссиятлари жунбушга келади, нималардир тўғрисида ўйланиб қолади, айрим қаҳрамонларига меҳри товланиб, қайсиdir персонаж-



лардан нафратланади – бир сўз билан айтганда, маънавий озиқланади. Шундай экан, китобхонлик бекорчилик эмас. Умарали Норматов бадиий асарлар мана шундай кучга эгалигини ич-ичидан сезади ва мана шу ҳақиқатни бошқалар ҳам англашини истайди. Унинг танқидчилик фаолияти заминида шу туради. Умарали Норматов ўқиган, таъсириланган асарлари кўччилиқда қизиқиш ўйфотишини мўлжаллаб мулҳоза юритади. Бу эса, табиийки, ижодкорларга ҳам, ўқувчиларга ҳам бирдай маъқул келади. Шоир, адиллар унинг фаоллиги ва ҳалоллигидан мамнун бўлишади, китобхонлар эса янги асар тўғрисида муайян тасаввур олишади.

Фаоллик ва ҳалоллик сеҳрли калит каби ҳар бир киши учун соҳасининг сир-синоатга тўла сандикларини очади. Жиндак сусткашлик қилинса, салгина ҳаром-ҳарис аралашса, касб-кордан барака кетади, киши топган обрўсини бой берганини билмай қолади. Умарали Норматов мунаққид, адабиёт муаллими сифатида сидқидилдан, иштиёқ билан меҳнат қилгани учун Абдулла Қаҳҳор, Одил Ёкубов, Пиримқул Қодиров каби аллома адиллар ҳурматини қозонди. Кўплаб адаб, шоир, адабиётшунос, мунаққидларнинг энг қадрдан кишисига айланди. Улар билан ҳаёт ва адабиёт

тўғрисидаги сұхбатларини ўқувчиларга тақдим этди. Сұхбатларини ўқиганда Умарали Норматов у билан баҳслашаётган кишининг фикрини худди сўзма-сўз ёзib олиб тақдим этгандай туюлади... Ким биландир мулокотини, бир марта бўлса-да, қофозга туширишга уриниб кўрган одам бу юмуш осон эмаслигини дарҳол билиб олади ва Умарали Норматовнинг хотирасига тан беради. “Ижодкорнинг даҳлсиз дунёси”, “Нафосат гурунглари” билан танишиб чиқсан киши муаллифнинг ҳар бир ижодкорнинг ўз “тил”ида гапирганини пайқайди. Бу иккала китобда жами йигирмата сұхбат берилган бўлиб, уларда адабиёт ва ҳаётнинг долзарб муаммоларига эътибор қаратилган. Муаллифнинг Асқад Мухтор, Саид Аҳмад, Одил Ёкубов, Пиримқул Қодиров, Эркин Воҳидов, Худойберди Тўхтабоев, Шукур Холмирзаев, Ўткир Ҳошимов, Омон Матжон каби таниқли адаб ва шоирлар билан сұхбатлари ўқувчини сўз санъатининг сирли-сеҳрли оламига олиб кирса, адабиётшунос, мунаққидлар билан мулокот адабий жараёндаги янгича ўзгаришлардан хабардор этади. Ушбу сұхбат-мулокотларда баҳс-мунозара руҳи устунлик қиласи ва Умарали Норматовнинг сўз санъатига меҳри нақадар баланд эканлиги билинади.

## ХУҚУҚШУНОС БУРЧАГИ

# ХУҚУҚИЙ АТАМАЛАР

**Гаров** – бир шахснинг бошқа шахсга мол-мulkни ёки унга бўлган хуқуқий мажбуриятларни таъминлаш учун бериши гаров ҳисобланади. Бизнинг мамлакатимизда гаров шартномавий муносабатларда жуда кенг қўлланиладиган ва турли битимлар бўйича юзага келадиган мажбуриятларнинг тўлиқ бажарилишини таъминлашга, кредитор манфаатларини бошқа кредиторларга нисбатан имтиёзли ва ишончли равишда ҳимоя қилишга қаратилган усуллардан бири ҳисобланади. Гаров закалат, ипотека, шунингдек хуқуқлар гарови тарзида амал қилиши мумкин. Гаровга қўйилган мулк гаровга кўювчи томонидан гаровга олувчига ўтказилганда гаров закалат ҳисобланади, қўчмас мулкни гаровга қўйиш эса ипотека ҳисобланади. Ўзбекистон Республикаси “Фуқаролик Кодекси”нинг 280-моддасига мувофиқ “Гаровга олувчининг талаблари гаровга қўйилган қўчмас мулк қийматидан суднинг қарорига мувофиқ қондириллади”.

**Закалат** – шартнома тузэётган тарафлардан бирининг шартнома тузилганлигини исботлаш ва унинг ижорсини таъминлаш юзасидан бериладиган пул суммасидир. “Фуқаролик Кодекси”нинг 311-моддасига мувофиқ “закалат тўғрисидаги келишув закалатнинг суммасидан қатъий назар фақат ёзма равишда тузилиши керак”.

Юқоридаги хужжатдан кўриниб турибиди, закалат суммасининг миқдори ҳар қанча бўлиши мумкин, аммо

мажбурият бўйича асосий тўлов суммасидан ошиб кетмаслиги лозим. Закалатнинг ўзига хос хусусиятлари қуйидагилардан иборат:

– Мажбуриятнинг бажарилишини таъминлаш учун фақат пул суммасида берилади;

– Закалат билан фақат назарда тутилаётган шартнома муносабатларидан келиб чиқадиган мажбуриятларнинг бажарилиши таъминланади;

Закалат нафақат мажбуриятларнинг бажарилишини таъминлаш усули, балки шартнома тузилганлигини исботловчи восита ҳамdir.


“Фуқаролик Кодекси”нинг 312-моддасига асосан “мажбурият уни бажарилишдан олдин тарафларнинг келишувига мувофиқ ёки бажаришнинг имконияти йўқлиги оқибатида бекор қилинганда закалат пули қайтариб берилади”.

Агар шартноманинг бажарилмаганлиги учун закалат пули берган тараф жавобгар бўлса закалат иккинчи тарафда қолади. Агар шартноманинг бажарилмаганлиги учун закалат олган тараф жавобгар бўлса, у иккинчи тарафга закалатни икки баравар қилиб қайтариши шарт бўлади.

**Дилором ИМАМБОЕВА,**  
Зангиота тумани 2-давлат нотариал  
идораси катта нотариуси.



Хотам ФАЙЗИЕВ,  
фильмнинг саҳналаштирувчи-оператори.



## ЧАУФ АЖДОДЖА ЭҲТИРОМ

“АБУ РАЙҲОН БЕРУНИЙ”  
ФИЛЬМИ ЯРАТИЛИШИ ТАРИХИНИ ЭСЛАБ

1972 йили эди. Шуҳрат Аббосов менга ўрта асрлар Шарқининг буюк олими, мутафаккири Абу Райҳон Беруний ҳақида кенг кўламли фильм суратга олиниши режалаштирилаётганини айтиб қолди.

Фильм сценарийсини Шуҳрат Аббосов билан шарқшунос олим, Беруний ҳаёти ва фаолиятининг билимдони Павел Булгаков ҳамкорликда ёзишганди.

Пугаченкованинг таклифига кўра Ш. Аббосов, Э. Калонтаров учаламиз олиманинг мутахассислар уйидаги хонадонига бордик. Учрашувимиз ишчан руҳда ўтди.

Режиссёрлик сценарийси устида ишлаш узоқ давом этди. Бу жараёнда Беруний асарларини ўқишимизга, у бўлган мамлакатларни, шунингдек, аллома яшаган даврда қўлланилган айрим атамаларни ўрганишимизга тўғри келди.

Режиссёр, оператор ва рассомдан иборат ижодий гуруҳ натурани кўриш учун сафарга чиқди. Биз аввал Самарқандда тўхтадик. Афросиёб, шаҳарнинг бошқа меъморий обидалари, тарих музеи ҳамда шаҳар ташқарисини кўриб чиқдик.

Қадимий тангалар ва Сомонийлар мақбарасини ҳисобга олмаганда, кўрганларимизнинг ҳаммаси Берунийдан кейинги даврларга оид эди.



Суратга олиш учун табиий жой ва объектларни излашда давом этиб Тўрткўл ҳамда Беруний шаҳарларига йўл олдик. Кемада Амударёнинг нариги қирғоғига сузуб ўтиб, Қорақалпоғистон заминига қадам қўйдик. Аммо бу ерда Беруний туғилиб ўсган Кўхна Қиётдан (ҳозирги Беруний) ҳеч нарса қолмаган эди.

Хива кўнглиминизга анча умид бағишлади. Шаҳар кўчалари ва майдонлари фильмимизнинг бир неча объектини суратга олиш учун мос келарди.

Хоразмдан кейин биз Туркманистон худудига ўтдик. Кун ёнаяпти. “Қылт” этган шабада йўқ. Кўпдан буён таъмирланмаган асфалт йўллар ўнқир-чўнқир бўлиб, эриб ётарди.

Жой бизга ёққани билан, бу ерга кўп сонли суратга олиш техникасини олиб келиш, яшаш жуда оғир ва ўнгайсиз эди.

Биз афсусланган ҳолда Тошовузга йўл олдик.

Тошовузда кўп ушланиб қолмадик, Ашхободга қараб йўлга тушдик.

Бизни Ичери-Шаҳар ҳайратга солди. Шаҳарнинг бу қисмида тошдан қурилган уйлар ва ғаройиб тор кўчалар сақланиб қолган эди. Ажойиб шаклини минора, карvonсарой ва бошқа обидалар бизнинг эътиборимизни тортди.

Шоҳ саройини кўрганимизда эса “хайрият” дегандай енгил нафас олдик. Биз бу ерда фильмимизнинг бир неча объектини хотиржам суратга олишимиз мумкин эди.

Бокудан биз Низомий Ганжавий ватани бўлган Кироводога йўл олдик. Шаҳарда мозийдан қолган кўп сонли тарихий ва меъморий обидалар бўлиб, улар яққол ажralиб турган озарбайжон миллий нақшларига эга эди.

Ереванга бориб, театрлар актёрлари билан учрашдик. Уларнинг айримлари арман фильмлари орқали танилган эдилар. Актёрлар бизнинг фильмимизда суратга тушишга бажонидил рози бўлиши.

Бизнинг Кавказ орти республикалари бўйлаб сафаримиз тугади. Барча кўрганларимиздан Бокунинг қадимий обидалари кўпроқ ёди. Биз бу шаҳарда суратга олишимиз мумкин бўлган объектларни ўзимизга белгилаб олдик.

Тошкентга келганимиздан сўнг студия раҳбариятига изланишларимиз якунлари ҳақида ҳисобот бердик. Раҳбарият Бокудаги бир нечта объектни суратга олиш учун маъқуллади. Бироқ смета тузилаётганида пулнимиз



бундай сафарларга етмаслиги маълум бўлди ва биз студия ҳовлиси ва павильонларида декорация куришга қарор қилдик.

\* \* \*

Фильмга тайёргарлик жараённида актёрлар танлаш ишига алоҳида эътибор қаратилди. Бизнинг фильмимизда бош қаҳрамонлар ва иккинчи даражали қаҳрамонлар роллари мўл эди. Биз актёрлар танлашга киришдик.

Студия коридорлари Тошкентнинг турли театрларидан, вилоят театрларидан, шунингдек, мамлакатнинг бошка республикаларидан таклиф этилган актёрлар билан тўлди. Улар фото ва киносновларидан ўтишарди, уларга рассомлар эскизлари бўйича тикилган либослар кийдириб кўриларди, турли грим ва бошқа безаклар танланарди.

Фильмга таникли ўзбек кино ва театр актёрлари тақлиф этилганди. Киносновларга бошқа республикалардан ҳам актёрлар келишди. Турли ролларга Рассоқ Ҳамроев, Наби Раҳимов, Пўлат Сайдқосимов, Бибо Баҳаев, Баҳтиёр Иҳтиёров, Владимир Якут, Тамара Шокирова, Дилором Қамбарова, Тошхўжа Хўжаев, Евгений Гуров, Баҳодир Йўлдошев (кейинчалик у таникли режиссёр бўлиб етишди), Тўғон Режаметов ва бошқа актёрларни синаб кўрдик.

Фильмни суратга олишда оператор актёрлар билан тез тил топишиши, актёр билан оператор бир-бирини тушиниши керак. Ақлли, пластик актёр операторга тасвирнинг таъсирчан ифодасини топишга кўмаклашади.

Фильм учун истеъододли актёрларни танлаб олдик. Гуруҳимиз учун энг машақатли синов бош рол ижрочисини танлаш эди. Бизга довур Берунийнинг ташки қиёфаси қандай бўлганилиги ҳақида маълумотлар етиб келмаганди, шунинг учун қаҳрамонимизни ҳаммамиз ҳар хил тасаввур этардик.

Ниҳоят “Ўзбекфильм”нинг ўша пайтдаги директори Абдулаҳат Абдуллаев бу масалага нуқта қўйди. У Беруний ролига актёр Пўлат Сайдқосимовни тасдиқлади.

\* \* \*

Фильмни суратга олиш ишлари 1973 йилнинг апрель ойи охирларида бошланди. Ҳали об-ҳаво маромига етманди. Шу сабабли тасвирга туширишни павильонлардағи объектлардан бошлашга қарор қилдик.

Ишнинг дастлабки кунларидан биз режадан орқада қола бошладик. Кўп вақтимиз актёрларнинг мураккаб гримига, либосларни тайёrlашга, чироқларни ўрнатишга кетарди. Гуруҳимиз суткасига ўн икки соатлаб ишлашга мажбур бўлди.

Кинода саҳналар тартиб билан тасвирга туширилмайди. Бу актёрларнинг доимо ҳам бўш бўлмаслиги, суратга олиш объекти ёки декорация ҳали тайёр эмаслиги билан боғлиқ.

Павильонда “Боғбоннинг боғи ва ҳужраси” декорацияси қурилган эди. Биз бу ерда Берунийнинг суюклиси Райхона билан учрашувини тасвирга туширишимиз керак эди. Саҳна тунда, шамлар ёруғида ўтиши керак эди.

Кундуз актёрлар билан репетиция қилишга ва суратга олиш декорацияларини тайёrlашга кетди. Эртасига эрталабдан суратга олишни бошлашимиз керак эди.

Бироқ тонгда биз Райхона роли ижрочиси Дилором Қамбарованинг онаси вафот этганини эшитдик. Суратга олиш ишларини номаълум муддатга кечикиришга мажбур бўлдик.

З-сон. 2011 (244)

Илиқ кунлар келди. Гуруҳ маъмурияти картина директори Юрий Исакиевич Ращраговиҷ билан натурада суратга олишга тайёргарликни бошлаб юборди.

Самарқандда директорнинг маъмурий гуруҳи фильмнинг оммавий саҳнасида суратга олиш учун беш юздан ортиқ отлиқни йиғиши лозим эди. Бу ўта мураккаб вазифа эди. Отлар ва уларнинг эгаларини турли хўжаликлардан тўплаш керак эди.

Самарқанд вилоятининг турли туманларидан таклиф этилган чавандозлар эрта тонгда белгиланган жойга йиғилиб келмасдилар, бу эса суратга туширишни бошлаш вақти чўзилишига олиб келарди.

Суратга олиш майдонидан унча узоқ бўлмаган жойга палаткалар тикишга ва тўрт юзта от учун отхона куришга қарор қилинди. Бу палаткалар ва отхона то биз суратга олишни тутатгунга қадар сақланиб турди.

Режиссёрик сценарийси ёзилиши босқичида ҳамма нарсани ҳисобга олиб бўлмайди. Суратга олиш майдон-часида жойнинг ўзига хослиги, иштирокчилар сони, декорацияни қуриш имкониятларидан келиб чиққан ҳолда сценарий айрим ўзгаришларга, тузатишларга дучор бўлиши мумкин.

Томошабин учун тасвир таъсири кучини ошириш мақсадида улкан майдонда дорлар ясад, уларга ташки қиёфаси асир ҳиндларга ўхшаш тулум-қўғирчоқларни осиб қўйдик. Ҳар бир устун тагига тез ёнадиган, баланд олов ҳосил этадиган материаллардан кўйиб чиқдик.

Кадрда оловда жизгинак бўлаётган одамлар тана-сини кўрсатиш учун бир нечта устунга каскадёрларни боғладик. Бирон ҳавф туғилган тақдирда дарҳол кучли сув оқимини йўллаш учун уларга ёнгин ўчирувчи машиналарнинг бранспойтлари тўғриланди.

Актёрлар суратга олиш аппаратига яқин жода саҳнани ўйнашлари керак эди. Улар атрофида ҳам олов ёндирилди, лекин уларга оловдан ҳавфсиз масофа аниқлаб берилди.

Гулханлар ёқилиб, олов устунларга боғланган манекенларни домига ола бошлади, олдинги планда кутурган ўт ичидаги актёрлар кўринди, ана шунда кадрда ҳақиқий дўзах манзараси намоён бўлди: одамлар ёнарди, дорга осилган таналар ёнарди, ер ёнарди, осмон ёнарди, коинот олов ичидаги эди.

Фильмда бу эпизод жуда кучли ҳиссий таъсир кўрсатади.

Биз мураккаб саҳналарни суратга олдик. Лекин қувонишга эрта эди. Олинган материал тасмалари “Ўзбекфильм” кинолабораториясида ишловдан ўтганидан сўнг бир мураккаб кадр операторлик гуруҳи айби билан бракка чиққани маълум бўлди.

Кейинроқ бу саҳнани қайтадан ташкил этишга ва қайтадан тасвирга туширишга тўғри келди. Шу сабабли операторлик гуруҳи навбатдаги пул мукофотидан маҳрум қилинди.

\* \* \*

Тошкентда тасвирга туширишни бошлаганимизда чи-даб бўлмас даражада иссиқ эди. Июль ойи бошланмоқда эди.

Суратга олиш учун туялар, отлар, моллар, қўй-эчкилар келтирилди. Қадимий либослар кийган кўплаб одамлар пайдо бўлишди. Ҳаммаёқ шовқин-сурон, қийчув. Одамлар ва ҳайвонлар иссиқдан қақраб кетган ердан ўтгандаридаги куюқ чанг кўкка ўрларди.

Нафақат ишлаш, балки нафас олиш ҳам оғир эди. Биз терга фарқ ботган кўйи тинмай қайноқ чой ичардик.



Шундай лаҳзалар ҳам бўлардики, мен деярли хушимни йўқотардим. Айнан шу иш жараёнда мен оташин күёш ва қайноқ проJECTорлар ҳарорати таъсирида лимфалейкоз хасаталигига чалиниб қолдим ва ҳозиргача даволаниб келмоқдаман.

Ўша пайти эса, ишга жон-дилим билан берилиб кетганимданми, нима учун тез-тез иссифим кўтарилиб кетаётганини, ўзимнинг эса қуёш нурида қолишдан чўчиётганимни тушумасдим.

Фильмда кўп актёрлар ва оммавий саҳналар иштирокчилари қатнашаётган бўлса биз кўпроқ кадрни суратга олиб қолишга улгuriш учун дам олишсиз, кунига ўн икки соатлаб ишлашга ҳаракат қиласиз. Одатда оммавий саҳнада иштирок этаётганилар тасвирига тушириш майдончасида ишнинг бу қадар сермашақат, азобли эканини кўриб, эртаси куни келмаёт қўя қоладилар.

Суратга олиш гурухи учун синовлар давом этаверди: Сухробнинг ҳовлisisи ва кўчаси билан боғлиқ эпизодлар кечаси тасвирига туширилиши керак эди. Бу декорацияларда Қиёт шахрига душманлар тўсатдан ҳужум қилиб, ҳамма нарсани вайрон қилишини, кулини кўкка совуришини кўрсатишмиз керак эди. Кадрда актёрлар билан бирга қариялар, аёллар, болалар, аскарлар ва отлиқлар ҳам иштирок этишарди.

“Ўзбекфильм”нинг яrim натура майдонини эгалланган декорациялар тез ёнувчи материаллар билан ўраб кўйилганди. Пиротехника воситалари ҳам катта миқдорда тайёрлаб кўйилганди.

Тасвирининг таъсири кучини янада ошириш учун биз кўплаб одамлар, отлиқлар, ёнаётган объектларни умумий планларда олдик. Актёрлар, оммавий саҳна иштирокчилари, суратга олиш гурухи тутун ва иссиқдан роса азоб чекарди.

Воқеа кўламини кўрсатиш мақсадида мен катта операторлик крани ёрдамида суратга олиш камерам билан энг баланд нуқтага кўтарилиб. Оловдан ўзимни ҳимоя қилиш учун ёнғин ўчирувчиларнинг маҳсус костюмини кийиб олгандим. Бироқ, шунга қарамасдан, ловуллаб ёнаётган олов типлари мени ҳар томондан куршаб олди.

Бизни кузатиб турган ўт ўчирувчилар эса хавфни пайқаб қолишган захоти менга қараб бранспойтлардан кусли сув оқимини йўллашиб. Ҳозиргина чидаб бўлмас даражадаги иссиқда турган одам бирдан муздай сув тагида қолди...

Суратга олиш ишлари тўхтатилди. Қран хартуми пастга туширилди, мени дарҳол қутишишга ўтишиб. Омадим келган экан, олов менга зарар етказиб улгурмабди.

Бирордан сўнг суратга олиш ишлари давом эттирилди. Сухроб Берунийни таъқиб этувчилардан кутқариб қолиши саҳнasi тасвирига туширилиши керак эди. Бу кадр ҳам олов ва тутун ичиди суратга олинди. Сухроб ролини актёр Бахтиёр Ихтиёров ижро этди. Камера билан Сухробнинг ҳаракатини узлуксиз кузатиб бораётгандим, бирдан у кадрда йўқолиб қолди. Жаҳлим чиқиб кетди. Ахир бу кадрни узоқ вақт репетиция қилгандик, ҳар битта иштирокчининг ҳаракати миридан-сиригача кўриб чиқилганди.

Маълум бўлдики, оловнинг аччиқ дуди сабаб Бахтиёр ҳушдан кетган экан. Актёр яна суратга тушишга тайёр эмасди. Саҳнани бошқа кунга кўчиришга тўғри келди.

“Саҳро”, “Хароба қудук” объектлари учун натура Арнасойда танланди. Кадрда персонажлардан ташқари тялялар карвони ҳам қатнашиши керак эди. Гурух маъмуриятига Арнасойнинг қозоқ овулларидан етарли даражада от ва тия тўплаш учнчалик мушкуллик туғдирмасди. Бу саҳнада Хоразм шоҳининг Беруний бошчилигидаги ва-

киллари Халифанинг элчиларини кутиб олишлари керак эди. Учрашув кечаси, Маҳмуд Ғазнавийнинг айғоқчилари кўзидан пана жойда кечиши керак эди.

Тасвирий жиҳатдан эса одамларнинг тунги саҳрордаги кўркувини беришимиз лозим эди, чунки улар истаган сонияда Маҳмуд Ғазнавий одамлари қўлига тушиб қолишлари мумкин. Беруний элчиларни топиб бориш учун тунги осмонда юлдузларга қараб йўл бошларди, экранда ана шу ҳолатни бериш бўйича муаммо пайдо бўлди.

Тунда кўп миқдордаги одамлар ва ҳайвонларни суратга олиш ўта мураккаб иш эди. Бу катта объекти суратга олишга бир ҳафтага яқин вақт мўлжалланганди. Бир неча тунни саҳрода ўтказганимиздан кейин суратга олишини тўхтатишига мажбур бўлдик. Биз кадрда персонажларнинг ҳаракатини юлдузли осмон фонида кўрсатишмиз керак эди. Кинотасма сезирлигининг кичикилиги туфайли кўқдаги юлдузлар унда ўзининг тўла аксини тополмасди. Бусиз эпизоднинг маъно ва мазмуни йўқоларди. Муаммони кейинги тасвирига олишларни “Ўзбекфильм” киностудиясидаги павильонга кўчириш билан ҳал қиладиган бўлдик.

Рассом Э. Калонтаров павильоннинг бир қисмida саҳро ва хароба кудукини қутишини бошлаб юборди. Қоронғу тун манзарасини ҳосил қилиш учун катта павильоннинг барча деворларига қора қоғоз ёпишириб чиқди. Кўкдаги юлдузларни эса турли катталиқдаги ялтироқ металл зўлдирларни ингичка симларга осиб қўйиш билан ҳосил этди. Пастдан бу шарикларни кучли проJECTорлар билан ёритиб турдик. Натижада “ҳақиқий” юлдузлар чараклаб турган осмон пайдо бўлди.

Павильонда турли проJECTорлар ёрдамида тун манзарасини ҳосил қилиш ҳам осонлашди. Натурада олинган кадрлар павильондагидан фарқ қилимаслиги учун ёритиш тизими билан алоҳида ишлашга тўғри келди.

“Ўзбекфильм” тарихида биринчи марта катта павильон ва коллекторни қамраб олган улкан декорация курилган эди.

“Маҳмуд Ғазнавийнинг саройи” объекти катта ҳажмли бўлганли сабабли уни тасвирига туширишга икки ҳафтадан кўпроқ вақт ажратилган эди. Бир сменанинг ўзига бир яrim минг киловатт электр энергияси декорацияни ёритиш учун сарфланарди. Юздан ортиқ проJECTор ишларди. Вакти иқтисод қилиш учун олдиндан, актёрлар иштирокисиз декорацияга чироқлар қўйиб чиқиларди. Шунинг ўзига ҳам бир смена вақт кетарди.

...Фильмимизнинг биринчи намойиши Чилонзор кўчасидаги эски Киночилар уйи залида бўлиб ўтди.

Зал томошабинга тўлган эди. Кўплар жой етмай қолганлиги боис йўлакларда, ўтиш жойларида тик туришарди.

Фильм экранларга чиқарилганидан кейин Ашхобод ва Бокуда ҳам томошабин тўла залларда намойиш қилинди. Картинамиз ҳақида ижобий муносабатларни, ҳаяконли мақтovларни эшитиш ёқимли эди.

Мен иштирок этиш баҳтига мұяссар бўлган Кишинёв кинофестивалида (1975 йил) фильмимиз Бош соврин билан тақдирланди.

Техронда ўтган ҳалқаро кинофестивалда (1977 йил) ҳам фильмимиз “Олтин дельфин” Бош совринига муносаб кўрилди.

Шу фильм учун Шуҳрат Аббосовга Ҳамза номидаги Давлат мукофоти берилди.

Фильм муваффақияти бизни қанотлантириди. Биз янада яхшироқ, янада сифатлироқ фильм яратишни истардик...



МУНАВВАРА

## *Юрт ишқини тұрдым юракқа*

### **ВАТАН БҮЛСА**

Дайди шамол тегиб ўтмайды,  
Тикану хас пешиим тутмайды.  
Нодон күлиб, дўстим сотмайды  
Отам бўлса ёнимда менинг!

Қадам қўйса құтлуг остана,  
Юрса йўлим бўлар гулхона,  
Нури билан кулбам кошона,  
Онам бўлса ёнимда менинг!

Теграмни тарк этмас қўргоним,  
Боши осмон, юксалса шоним.  
Кўнглим бутун тоза вижедоним,  
Оғам бўлса ёнимда менинг!

Эл дуоси қанот тилакка,  
Юрт ишқини тұрдым юракка,  
Наволарим етар фалакка,  
Ватан бўлса жонимда менинг!

### **ОЛОВ БҮЛСА**

Тандир бўлса ичиди чўг, олов бўлса,  
Кекса ўрик шохларидан қалов бўлса,  
Патнис тўла майиз, туршак, иссиқ патир,  
Уй тўрида онам ёнда, палов бўлса.  
Ёғаверсин, қорга бирор қарармиди,  
Қаҳратоннинг ҳолин бориб сўрармиди.  
Гуллади-ку бодом онам сочларида,  
Увиллаган аёз буни билармиди.  
Ростин айтсам тўйдим, роса хаёл қилиб,  
Бедор бўлдим неча тунни увол қилиб.  
Ҳаммасини топар эдим онам келиб,  
Ўтирасайди уй тўрида дуо қилиб.



Нечун бошим суқдим шаҳар дарчасига,  
Шеърлар битиб, газал ёзиб қанчасига.  
Этагимнинг қорин қоқиб кетгим келди,  
Онам олов солиб қўйган танчасига.

### **УЛАР**

Дур тишиларим қатордан хато,  
Киприкларим бандидан жудо,  
Кокилимда оқ тола – жило,  
Нетай, умр ўтиб борадир.

Гоҳо бироз безовта юрак,  
Кирқ йилда бир қўзголса керак,  
Болалигим энди бир эртак –  
Нетай, умр ўтиб борадир.

Бир гиёҳча бўлмасми алам,  
Кўриб қайта унмасми алам.  
Бир ииқилиб турмасми алам,  
Нетай, умр ўтиб борадир.

Менсиз яна келади баҳор,  
Менсиз яна ёғаверар қор,  
Сигдирмайди дунё бунча тор,  
Нетай, умр ўтиб борадир.




Тош бўлсайдим – кичик битта тош,  
Кўзларимда бўлмасмиди ёи,  
Гул ёшлигим согинчга талош,  
Нетай, умр ўтиб борадир.

Бир ёнда ўғлиму, бир ёнда қизим,  
Ер юзидан йўқолмас изим,  
Ўчмасайди минг йил юлдузим –  
Нетай, умр ўтиб борадир.

**Файзулла САЛАЕВ**

# ҚАМИШ ҚАЙИҚЧАЛАР

**Хикоя**

Айвон хариларида уялаган қалдирғочларнинг «вижир-вижир» үйготиб юборди. Атроф ним қоронғи. Яна бироз мизғиши ниятида күрпага буркандим. Эшик очилиб, полда ойимнинг шиппаги шипиллади. Күрпа күтарили.

– Ёзниң иссиқ куніда бунчалик ўранмасанг. Тур, болам, акангнинг мазаси қочиб қолди. Дармон опанға бориб келмасанг бўлмайди. – Ойим туни бўйи ухламаган шекилли, овози ҳорғин эштилар, қабоқлари шишинқираган эди. – Тез бор, ўғлим! Аканг қийналиб кетди. Уйини биларсан, Бештомда, «Зариф тракторчиники қайси» десанг, ҳамма кўрсатади.

Апил-тапил кийиниб, ташқарига отилдим. Акам айвонда кўрпасидан ярим чиққанича ёнбошлаб ётар, боши-

ни бир қўлига тираб, ўхчиқ аралаш йўталарди. Юзи-кўзи қизарип кетган... Саломимга сўлғин бир қарашиб билан жавоб берди.

Канал бўйидаги йўлдан велосипедга «қамчи босдим».

Бештом – қўшни овул. Каттагина-ю, нечундир шундай номланади. Бизнинг овул – Қўштерак билан мана шу канал боғлаб туради Бештомни. Илгари йўл анча айланыш эди. Тўғридан мана шу канал олингач, бештомликларга қулай бўлди. Улар колхоз маркази ва Кўккўлдаги мактабга мана шу йўлдан қатнайдилар. Бу кичик уч овул колхоз марказидан анча олис бўлгани учун уларга бир ҳамшира – Дармон опа биркитилганди. Унинг ишхонаси ўйқ, беморларга уйма-уй қарарди.

Зариф тракторчининг уйи худди бизникидай канал бўйида экан. Уйининг тўғрисида худди бизникидай появуп<sup>1</sup>. Зариф ака ишга ҷоғланётган бўлса керак, трактори ёнида куймаланиб юарди. Келишимнинг сабабини билгач, қузини чақириб чиқди.

Дармон опа қизғиши-сарғиши ранглар қоришган атлас қўйлак устидан яшил нимча кийиб, тилларанг симли рўмолини ингичка ияги тагидан танғиб олган эди.

Велосипедга мингашиб олдик. Йўл сертупроқ бўлгани учун мен ҳайдолмадим. Стрелизаторни менга тутқазиб, велосипед рулини Дармон опанинг ўзи олди.

– Қайси аканг оғриди?

– Менинг бир акам бор. Қодир акам.

– Ҳа-а, сен ҳали Салима холанинг ўғлимисан? Тунов куни армиядан келган акангми мазаси қочган?..

Дармон опа жим қолди. Чунки бир ойларча аввал дадамнинг вафот этганини биларди у. Дадамнинг ҳеч қандай касали ўйқ эди. Бир куни кечқурун даладан қайтдилар-у, ювиниб, дастурхон бошида ёнбошлаганларича... қайта турмадилар. Кутимаган йўқотишдан қариндошлар довдираб қолишиди. Қодир акам хизматнинг сўнгги ойини ўтаётган эди. Уни маросимга чақириш ҳеч кимнинг хаёлига ҳам келмабди. Эртасига хола-амма, амаки-тоғалар маслаҳатлашиб, акамга хабар беришмайдиган бўлишиди. «Биратўла хизматини тугатсин энди. Маросимдан аввал

<sup>1</sup> Пояпул – ёлғизоёққўприк



бўлса бошқа гап эди» дейиши. Ойимнинг дарди болалади. У деярли ҳар куни акамни эслар, «юраккинаси ёрилади энди боламнинг» деб, кўзёшларини дарё қиларди. Мана, беш кун бўлди акам уйда. Ойим қайғурганидек унинг юраги ёрилмади. Олдига йиғлаб чиқиб, хушсиз йиқилган ойимни даст кўтартганида кўзидан тўкилган ёш олдин ўзининг, кейин ойимнинг юзларини ювди. Олдига келган таъзиячилар билан совуқ-салқи сўрашиб, уч кун уйда ётди. Тўртинчи кун ўзи ёлғиз балиқقا кетиб, мана шу дардга чалингани...

– Нечанчи синфда ўқийсан, полвон? – Эрталабки салқиндан бўлса керак, овози титраброқ чиқди Дармон опанинг.

– Бешинчига ўтдим.

– Солдат ҳам касалланаркан-да, а, полвон? – Афтидан Дармон опа менинг хомуш тортиб қолганимни сезиб, кўнглимни кўтармоқчи эди.

– Қайдам...

Ҳадемай уйга етиб келдик.

– Айнанай дўхтир қизимдан! – Ойим Дармон опа билан ачомлашиб, ўпишиб кўриши. – Шу десанг, қизим, кеча балиқдан келиб, кўл-оёги ўт билан олов. Нақ қирк дараҷа. Ухлайди – сапчиб уйғонади. Ухлайди – чўчиб тушади. Йўтал арапаш ўхчигани яна ортича... Барака топтур қизим, сениям тонг билан безовта қилдик...

– Ҳечқиси йўқ, безовталиги бор эканми?.. – Дармон опа шиппагини пастда қолдириб, акамнинг каровати томон юрди.

Акам ухлаётгандек кўзларини юмиб ётар, хўрсиникка ўхшатиб нафас оларди. Ҳамширанинг қўли пешонасига теккач чўчиниб кўзини очди. Лоқайд назар билан атрофга аланглади. Кечагина соппа-соғ акамнинг бундай аҳволга тушиб қолганини кўриб хўрлигим келиб кетди.

– Ана-ана. Яна алаҳсираётир, жон қизим. Ёки куюқданмикан, дадасига куяди-да энди эслигим... – Ойим йиғлаб юборди, мен ҳам...

Дармон опа ойимга тасалли бериб, акамнинг қўлтиғига термометр кўйди. Йўқ, акам алаҳсирамаётган экан.

– Дармон, сенмисан? – Билинار-билинмас мийик тортиди у. – Мен тузукман, яхшиман!

Дармон опа жилмайиб салом берди.

– Хизматни яхши битирдингизми?!

– Раҳмат! Ўзинг қалай... битказдингми ўқишингни?!

Акам энтикиб, базўр гапираётган бўлса ҳам, анча тетиклашгандек эди. Унинг лабларида табассумга ўхшаган енгил бир тўлқин кезинар, Дармон опанинг юз-кўзида ҳам қандайдир бир ёқимли ёѓду бордай эди. Буни кўрган ойим йигини йигиштириб, чой кўйгани кетди.

– Озоджон, молларингга ўт-чўп солмадинг-ку бугун!

– Ошхонадан қичқирди ойим. Унинг овозида қандайдир мамнуният бор эди.

Уйга келсам, ойим Дармон опа билан супада чой ичиб ўтиришарди. Ойим шу орада тухум қовуриб ҳам улгуриби.

Дармон опа ойим билан хайрлашаётуб, акамни қуёш урганлигини айтди. Армияда салқин юртларда бўлгани учун бизнинг иссиқни кўтаролмаганмиш.

– Ҳозир ўзим «Тез ёрдам»га қўнғироқ қиласман. Учтўрт кун ичиди отдай бўлиб кетади. Сира безовта бўлманг, холажон! – деб ойимни овутди.

Ойим энди ўзини кўлга олган, ҳатто бироз хурсанд ҳам эди. Дадам вафотидан кейин уни биринчи марта хушнуд кўришим.

Акам касалхонада бир ҳафтача ётиб чиқди. У анча озган, бироқ ўзини енгил ҳис қиласди. Ойимнинг «ҳай-ҳай»ига қарамай боғдаги ишларда менга қарашарди.

Бир куни акам кўлимга лапа<sup>2</sup> тутқазди.

– Бошим яна оғрияпти, – деди у пешонасини тириштириб, – мана шу хатда дорининг номи бор. Дармон опанга оборсанг, бериб юборади!

Қайдасан Бештом деб велосипед попишагини босдим, жонивор елдай учди. Уйларида Дармон опадан бўлак ҳеч ким йўқ экан. Лапани кўлига тутқаздим.

– Акам бериб юборди. Дори берармишсиз!..

– Қачон чиқди?

– Тунов куни. Кечадан олдингида.

Дармон опа негадир ингичка қошларини чимириб кўйди. Лапани очди. Мана сенга дорининг номи, икки варақ қоғозга зўрга сиғиб турибди. Ким билади, балки бошининг қандай оғриётганини ҳам ёзгандир.

Дармон опа хатни лабларини сезилар-сезилмас қимирлаб ўқиди. Нигоҳлари жиддий эди. Иккинчи варақ-қа ўтгач, қошлари ораси очилиб, киприклари туташгандай бўлди, лабларидан бошланган табассум ёноқларига ёйилди.

Мен велосипедим «шоҳ»ларини силаганча анграйиб қолибман.

– Ха, сен нега туриб қолдинг?

– Дори...

– Ха-а, айтгандай, эсим қурсин... – Дармон опа юргилаганча уйига кириб кетди. Зум ўтмай қоғозчаларга ўралган дориларни олиб чиқди...

Эртасига акам овулдаги ўзгаришларни кўриб келаман деб кетди. Эрталаб кетган одам кун оққанда қайтди. Унинг руҳи тетик эди. Мен билан кечгача беда ўрди.

\* \* \*

Бир куни тушдан кейин акам Кўккўлга кетди. Вақт ўтказиш учун қармоқ олиб, канал бўйига чиқдим. Уйимиздан икки юз қадамча юқорида, каналнинг биз томон қирғоғида кичик толзор бўлиб, узоқлардан ҳам кўзга ташланиб турарди. Толлиқнинг бир чеккасига жойлашиб олдим. Борган пайтда унчалик эмасди-ю, кечқурунга қараб «торт-торт» авжига чиқди. Ем илиб ташлайсан, беш-ўн минут ўтмайди. Пўкак аввалига ўйнайди, кейин ярми сувга ботганича канал ўртасига қараб кескин сузади. Тортасан, тирсак бўйли лаққа ё сазан!..

Қуёш уфққа тегар-тегмас пайтда йўл томонда йигит кишининг дўриллган саси эшилтилди. Даров танидим – акам. Ёнидаги – Дармон опа. Нима учундир уларга кўриниш беришдан уялдим. Қармоқ дастагини қирғоқча суқиб, ўзимни бўёнлар<sup>3</sup> ораси – панага олдим.

– Уф-ф, чарчаб кетдим. Мана шу ерда бир нафас дам олайлик!

– Сиз-а ҷарчаган?! Ҳали дунёнинг у бурчига етмадик-ку?

– Хўп де, Дармон. Бирпасгина ўтирамиз-у...

Акам велосипедни мендан икки қадамча нарига ётқизди. Кейин Дармон опа билан етаклашиб келиб, толларнинг куюқ шохлари орасидаги тўнкага ўтирилар. Ботаётган кўш акси сув юзида жимир-жимир ўйнади, қизариб бўзариб ўтирган Дармон опанинг юз-кўзига тушиб, уни янада чиройлироқ кўрсатарди. Улар нима учундир жимиб қолишиди. Дармон опа сокинлик билан оқаётган сувга тикилганича ўтираси, акам атрофдан чўпми, кесакчами олиб, сувга итқитар, хосил бўлган тўлқинларни томоша қиласди. Узоқ давом этган жимликни Дармон опа бузди:

– Гапларингизга ишонмайман! Рост бўлса, ёзардингиз. Ақалли бир табрик ҳам юбормадингиз-а, байрамларда... – Дармон опа йиғлагудек куониб гапиради.

<sup>2</sup> Лапа – конверт (Хоразмча)

<sup>3</sup> Бўён – ширинмиянинг Хоразмча аталиши



Акам қўлидаги кесакни зарб билан сувга уриб, қиз томон юзланди. Унинг қўлларидан ушлаб, қўзларига тикилди.

– Наҳотки, наҳотки Дармон, хатларимни олмаган бўлсанг?!.

– Йўқ, ҳеч нима олганим йўқ! Худо ҳақи!..

Дармон опа лабини тишлаб жимиб қолди. У акамнинг қўзларига синчковлик билан тикилар, ингичка қошларини чимириб, алланималарни эслашга ҳаракат қиларди.

– Бўлди! Тушундим, ҳаммасини билдим. Сизга ишондим, Қодир ака!

У ёш боланинг йиғи орасида сўзлаганидек, энтика энтика гапира бошлади... Ҳаммасига айбдор Сотим пўшта экан... Дармон опа унинг ўғли таклифини рад этиб, совчиларини қайтаргач...

– Тумшуғини ёраман ўша уккияпалоқнинг!.. – Акам ғазаб билан ўнг қўлини мушт қилиб, ўз тиззасига урди. Унинг қўллари қалтирас, ғазаб билан гавдасини ҳар томонга ташлар, сўкмаса ҳам энг кўпоп сўзларни ишлатиб ўшқиради. – Онасини кўрсатаман, ўлдирман ўша қилтириқ боласини!..

Бир маҳал ўзининг қиз бола олдида эканлиги эсига тушдими, бирданга тинчили. Беозор бир товушда:

– Мен эсам, хатларимни жавобсиз қолдиришинг сабабини сўрашга ботинолмай юрувдим. Дармон... – деди. Акам қизнинг олдига ташлаб қўйган соч ўримини баромғига ўрай бошлади. – Кап-катта қиз бўлиб қопсан. Эсингдами, Хиванинг автобусида йиғлаганинг?..

– Кўрқандим-да, ким билади ўшанда сизлар бўлмаганди... – эркаланди Дармон опа.

Акам қўлларини қизнинг елкасидан ошириб, гавдасини ўзига торти. Дармон опа ҳам қаршилик қилмади. Улар худди менинг кузатаётганимни билишгандай энди шивирлашиб гаплаша бошлаши.

Дарвоқе, мен нега гап ўғирлаб ўтирибман. Ўзимдан ўзим қисиниб кетдим. Онда-сонда чигиртка чириллаб қўяди, «кетар вақт бўлди» дегандек. Қимирласам, каналга кесак юмалайди. Улар томонга қарамаслик ва кулоқ тутмасликни шарт қилиб, бироз кутишга қарор қилдим. Оёқларим оғриб кетди. Кечкурун иш бошлайдиган чивинлар ҳам изиллай бошлади. Кетмасмиканлар, деган умид билан яна ўша ёққа қарашга мажбур бўлдим.

– Вой-вуй, бунча чиройли бўлмас! Кимдан ўргандингиз? Худди қайиқнинг ўзи-я! – Дармон опа қамиш япроғидан ясалган қайиқчани қўлига олганича болалардек кувонар, сувга кўйвориб, тағин кўлига оларди. – Сузиниши қаранг, Қодир ака, худди катта қайиқлардай...

– Кўйворавер! Мана, яна биттаси тайёр!

– Биласизми, Қодир ака, қайиқчидир бир юртда қизлар сувга гулчамбар оқизарканлар. Кимнинг гуллари узоққа сусса, умри узун, баҳтли бўлармиш...

– Кел, бизларам... Қайиқчалар оқизамиз!

– Келинг, фақат каттароқ япроқдан, нари-бери тўлқинга дош бероладиган қилиб ясад берасиз. Йў-йўқ, ҳар ким ўз қайигини ўзи ясади!

Дармон опа ҳам бир зумда қайиқ ясашни ўрганиб олди. Кейин икки қайиқни ёнма-ён қўйиб, оқизиб юборишиди. Қиз қайиқчаларни ҳаяжон билан кузатар, сувни қўллари билан тўлқинлатиб, уларни канал ўртасига ҳайдашга интиларди. Қайиқчалар менинг тўғримдан ҳам бир-бирига текканича кўшалоқ бўлиб, оқиб ўтиб кетишиди.

– Дармон, Дармоним менинг! – Акам тик турган қизни кучди. – Истайсанми, мен сенга ҳар куни қайиқчалар юбориб тураман! Худди шу пайтда кутгин! Ҳар куни...

– Қайиқчалар?!

– Ҳа, қайиқчалар! Уларга қўшиб юрагимни...

Улар ўпиша бошлашди. Қўзларимни чирт юмдим. Қулокларимга бармоқларимни тиқдим. Бир маҳал «энди кетишгандир-ов» деган умидда қўзимни очдим. Ҳали ҳам шу ердалар. Яна тўнкага ўтиришибди.

Тизинга тизиб, сувга ташлаб қўйган балиқларга илон келдими, сувни шўпирлатиб, типирчилаб қўйишибди. Бирдан қармоқ эсимга тушди. Вой, дастак кўринмайди-ку! Бўйнимни чўзиброк мўраладим. Пўкак бутунлай йўқ, ип теран тортилган эди. Юрагим ҳапқириб кетди. Тўрт қадамча йўлни бир сакрашда ўтиб, қийшайиб қолган дастакни суғуриб олиб, тортидим. Балиқ катта бўлса керак, ип сувни ёриб, у ёқдан-бу ёққа тортилар, балиқнинг сувдан чиқкusi йўқ эди.

– Қиялаб торт, қиялаб! Ҳозир ипни узасан...

Акам чопиб келиб, қўлимдан дастакни олди, балиқни ўзи сувдан чиқарди.

Тирсак бўйли сазан бўён ва такасоқоллар орасида типирчилар, акам уни ушлашга ҳаракат қиларди. Дармон опа жойида турганича хандон отиб кулар, кулгидан қўзлари ёшланиб кетганди.

– Қачон келдинг бу ерга? – сўради акам балиқни ушлаб, ўзига келгач.

– Ҳозир... Боя қуриб кетгандим қармоқни. – Ўйимга келган баҳонадан хурсанд бўлдим, ўзимга қойил қолдим.

Бу воқеадан сўнг Дармон опани янада яқин сеза бошладим ўзимга. У ҳам кўрган жойда бирор нарса деб ҳазиллашиб қўяр, ойимга салом айтиб қўйишимни тъкидларди. Уйга келган пайтда ойим билан у ёқ-бу ёқдан сухбатлашиб ўтишни яхши кўрарди. Ойим унга ўрганиб қолдилар. Икки-уч кун кўриниш бермаса, «дўхтир қизим нега келмай қўйди» деб, соғинчини яшира олмасди.

Акам армиядан аввал бирор иш қилиб қўйса, ойимга чақиб бермаслигимни уқтириб, ваъдамни олмагунча қўймасди. Негадир бу сафар ундай қилмади. Мен ойимга чақмасам-да, уларни кузатишни давом эттиридим. Нега шундай қилдим, билмайман. Уларни кузатиш, иккисини бир ерда учратиш менга қандайдир завқ бағишларди. Кунондардим, Дармон опага эркалантим келарди.

Акам толзорда келишилганидек, ҳар куни қайиқчалар оқизиб турди...

Ҳаммаси акам ишга киргандан кейин бошланди. Бир куни кечкурун овқатдан кейин ойим гап бошладилар:

– Бугун далага раис келди. Айди-да, ачинади. Да-данг иккаласи қандай иноқ эдилар. Қаландарнинг тракторини ўғли ҳайдайди деб, ҳеч кимнинг қўлини теккизмай қўйибман, дейди. Кузда ваъда қилинган «Москвич»ни ҳам ўғлингга берамиз, дейди...

– Қўйинг, ойи. Мен колхозда ишламайман. – Ойимнинг гапини бўлди акам. – Дадамнинг адойи тамом бўлгани ҳам етар колхознинг ишини деб.

– Тавба дегин, болам! Мард одам мусибатни Худодан кўради, номард атрофдагилардан...

– Ойи, худою бошқаларни тинч қўйинг! – Овозини кўтарди акам. – «Москвич»мас, «Волга» беришса ҳам... Вақти йўқ, соати йўқ, байрами, якшанбаси йўқ...

Хуллас, акам кўп ўтмай район марказига ишга қатнай бошлади. У эрталаб велосипедда кетганича кечкурун қайтарди. Унга ачинардим. Боришда етти, қайтишда етти, кунига ўн тўрт чақириб йўл босиш осон эмас-да велосипедда. Яна ҳамма қатори ишлаш...

Дастлабки кунлари акамнинг чарчагани шундай қўриниб турарди. Ишдан келгач, ҳеч ким билан сўзлашмас, нари-бери овқатланиб, йиғма кароватини кўтариб, бокса ошиқарди, уйқунинг тадоригини кўрарди. Бу ҳол узоқ давом этмади. Икки ҳафтача ўтгач, акам чиниқиб кетди шекилли, ишдан кайфи чоғ қайтадиган, менинг ишларимни суриштирадиган бўлди. Бироқ у негадир Дармон опа



билан учрашишга ҳаракат қилмасди. Бу кунлари Дармон опа деярли ҳар куни тушда үйимизга келар, ойим билан йўл-йўлакай, баъзан чой устида сухбатлашиб кетарди. У менга ёқимли бир туйғу билан қарар, кўзлари нимадир истаб жовдиарди. Мен энди ҳамма нарсага тушунардим. У мендан ўшандаги дорининг номи ёзилганга ўхшаган бирон лапа кутарди.

– Қиз бола ҳам бунчалик кўхлик бўларкан-а, одобини айтмайсанми! Онасини кўру қизини ол, демишлари шу-да! Гулсара бекорга тўйбоши бўлиб юргани йўғакан. – Дармон опа кетгач, ўзиға-ўзи гапириб, нима учундир бош чайқаб қўярди ойим.

Акам кўп ўтмай канал бўйига бориб, қайиқчалар жўнатишини ҳам унуди. Қайиқчалар оқизилмаган биринчи куни ёқимли юрагимнинг аллақаерида увишиқ ҳис қилдим. Балки эсидан чиққандир? Эслатсаммикан? Йўқ, унақада уларни кузатиб юрганим очилиб қолади. Кўз олдимда уйи олдидағи появул ёнида сувга термулганича паришон ўтирган Дармон опа гавдаланади. Акамнинг юбормаслигига аниқ кўзим етгач, ўзим оқиздим қамиш қайиқчаларни. Эртасига ҳам, индинига ҳам...

Бир куни акам ишдан вақтлироқ қайтди.

– Озод, чопгин! Ойимни айтиб кел! Уйга меҳмон келармиш, дегин! – Буюрди у. – Велосипедга тегинма. Магазинга боришим керак. Йўлакай олиб кепай десам, бир тийинсиз чиқибман.

Меҳмонлар икки йигит ва уч нафар қиз бўлиб, иккита бир-бирига ўхшаш кажавали мотоциклда келишиди. Йигитларнинг озғин ва чайир гавдалари, сочларидан яқинда ҳарбийдан қайтганлари сезилиб турарди. Акам йигитларни «куролдошларим», қизларни «ҳамкасларим» дей танишириди ойимга. Кейин номларини бир-бир санаб чиқди. Кун иссиқ бўлишига қарамай, акам меҳмонларни ичкари уйга таклиф қилди.

Мен одатдагидек, меҳмонларга хизматга шошилдим. Акам йўлдан қайтарди:

– Бошингни сукма хонага. Бор, ойингга қараш!

Ошхонага қайтдим. Ойим ўчоқ бошида паришонхтир ўтирар, тутунданми, пиёс арчиғанми, кўзларида ёш қалқириди. Мени кўриб бепарвогина:

– Кел, болам, - деб қўйди.

Бир маҳал ошхонага бўш чойнак кўтарган акам, кетидан боя «Каромат» деб танишириган қиз кириб келди. Каромат рўмолини ечиб ташлаган, қоп-қора соchlари елкаларини тўлдириб турарди. У чой дамлаб чиқиб кетди. Ойим ниманидир сезди шекилли:

– Уятмасми, болам, дадангнинг тупроғи совумасдан туриб... – деб тутилиб қолди.

– Шу ёшингиз билан кампирнинг гапини гапирманг, ойи! – деди акам бамайлихотиригина. – Дадам қайтиб келармиди ичмасам... Ундан кўра Каромат билан танишинг! Идорамизда иккинчи буголтири. Менам ўқийман, заушний...

Ойим индамади. Акам сигаретини тутатиб, чиқиб кетгач, бурнини тортиб, кўз ўшларини енгига артди.

Акам шу куни ярим тунда меҳмонлар билан бирга кетди. Ишхонаси ётоқхона берганмиш. Кийимларини олиб, биратўла кетди. Кетаётганида чидағ туролмадим:

– Ака, балки Дармон опамга бирор гапингиз бордир? Мен айтиб қўйсам...

– Нима?! – Акамнинг кайфдан сузилган кўзлари йиртилиб, ғазабдан чақнади. Негадир тариқча ҳам кўрқмадим ундан.

– Дармон опамга нима дейин?

Акам кутилмагандага хандон отиб кулиб юборди.

– Эй, галварс! Эй, хумкалла!.. Ҳоҳ-ҳоҳ-ҳо! Демак,

бўш эмаскан-да бу қовоқ! – Тақир бошимни шапатилади у. – Сенга барибормасми, Дармон бўлмаса, Каромат! Ишқилиб чечасиз<sup>4</sup> қолмассан, ахир! Шуни айт қишлоқи опачангга-а! – Акам яна кулганича ўт олдирилиб, уни кутаётган мотоцикллар томон лўкиллади.

Йиглаб юбордим. Нега йиглаётганимни аниқ билмасдим. Гўё кўкрак қафасим кўзёши ва яна аллақандай оғир нарсаларга тўлиб кетган, йиглаганим сари улардан кутулмокда эдим.

– Ҳа, болам? Ҳали сенга ишониб акангни ётоқхонага жўнатиб юрсам... Айтди-ку, ахир, ҳафта сайин келиб турармиш... Қўй, йиглама, болам! – Ойимнинг титроқ товушидан унинг ҳам йиглаётганини сезиш қийинмасди.

Эртасига тушда Дармон опам яна келди. Мен унинг кўзига қарай олмадим. Ичкари кириб, китоб ўқишга уннадим. Китоб саҳифасида нигоҳим сўздан-сўзга сакрар, хаёлимда қоришик фикрлар гўжон ўйнарди...

Нега мен уларни кузатдим? Нима учун қайиқчалар жўнатдим? Қандай ҳаддим бор эди бундай қилишга? Балки ўша қайиқчалар бормаганида Дармон опам илгарироқ сезармиди акамнинг бунақалигини... Бугун айтаман, ҳаммасини гапириб бераман. Уларни пойлаб юрганимни ҳам, қайиқчалар жўнатганимни ҳам! Ялинуб-ёлвораман, кечирим сўрайман!..

Дармон опа ойим билан хайрлашиб, дераза олдидан канал томон ўтиб кетди. Ташқарига отилдим. Пояпул устида кетидан етдим.

– Дармон опа, тўхтанг, илтимос! Биласизми, мен, мен сизни... – Томоғимга алланарса тиқилиб гапиролмай қолдим. – Биласизми...

У менга қараб маъюсгина жилмайиб турар, мен айтмоқчи гап уни қизиқтирмаётгандек эди. У стрелизаторини ерга қўйиб, менга интилди. Юзимни иссиқ қафтлари орасига олиб, кўзларимга тикилди.

– Гапир, полвон!

– Мен... мен сизни алдадим, Дармон опа! Қайиқчаларни...

Дармон опа пастки лабларини тишлиб жим қолди. Узун ва қора киприклини орасида ёш томчилари пайдо бўлди.

– Айтмай қўяқол!.. – Ҳалиги мунчоқдек томчилар ёногига тушди. Кейин ияги томон бир-бирини қувлаб оқа бошлади. – Раҳмат сенга, ука! – Дармон опа ортиқча гапира олмади. Мени бағрига тортиб, титроқ лаблари билан ёш қўйилаётган кўзларимдан ўпди. Мен унинг меҳр уфуриб турган оғушидан йигидан тўхтолмасдим.

– Йиглама, ука! – деди у. Аввал менинг, кейин ўзининг ўшларини артди. – Шунга ҳам йигими, а, полвон? – У жилмайишга ҳаракат қилди.

– Дармон опа, кечиринг мени! – дедим унинг кўзларига тик қараёлмай.

– Нимани? Сен нима гуноҳ қилдинг?!

– Қайиқчаларни... – дейёлдим сўлиғимни<sup>5</sup> босолмай.

– Нима қайиқчалар?.. Энди оқизмай қўймоқчимисан? – деди у жиддий оҳангда. – Мен эсам, ҳар куни кутаман қайиқчаларингни!

У стрелизаторини олиб, секин мендан узоқлашди. Йигирма қадамча юргач, кўлини кўтариб, рўмолчасини силкиди.

– Майли, эртагача! Қайиқчаларингни эса кутаман!

Мен ўша куни кечқурун Бештомдаги опамга одатдагидан бир неча марта кўп қамиш қайиқчалар оқиздим...

1978 йил. Нукус шаҳри.

<sup>4</sup> Чеч – келинойи (Хоразмча)

<sup>5</sup> Сўлиқ – ўигидан кейинги энтиқиши, хўрсаник



**Назира БОЙМУРОДОВА**



## Поніда эсін саболағ үйзап

### БАХТ НЕДУР

Юзимдан порласа жисілва-нур,  
Сұзимда тополса діл ҳузур,  
Дунёда яшолсам әрқин, ҳур,  
Мен учун баҳт шудир, баҳт шудир.

Халқымнинг корига яролсам,  
Фарибнинг ҳолини сүролсам,  
Боламнинг баҳтини күролсам,  
Мен учун баҳт шудир, баҳт шудир.

Орзулар қушиларга айланса,  
Азблар тушларга айланса,  
Ижодим парвозга шайланса,  
Мен учун баҳт шудир, баҳт шудир.

Меҳнатим кетмаса бесамар,  
Билингки, бекадр сийму зар.  
Ҳаромдан қылолсам гар ҳазар,  
Мен учун баҳт шудир, баҳт шудир.

Қалбимда тұяман бир ғурур,  
Юрт озод, күнглем шод, мине шукур,  
Гар мендан сұрсалар: баҳт недур,  
Дейманки, мен учун баҳт шудир.

### БАҲОР

Баҳор келса боғларда  
Яшнаб кетар майсалар.  
Чүгірлашиб шохларда  
Баҳра олар саъвалар.

Чучомаю, бинафша  
Дарал берар баҳордан.



Чаманда сайраб булбул,  
Күшик қуйлар наҳордан.

Мен ҳам шу баҳоримни  
Күшик қылгым келади.  
Ҳар баҳтиёр онимни  
Күшиб айтгим келади.

Майсаларни эркалаб,  
Шабада гир-гир эсар.  
Дала-боғлар устидан,  
Жилмайиб баҳор кезар.

### СОҒИНЧ

Қарогимга соғинч тұлғанда,  
Вужудимга севинч тұлғанда,  
Гул болғимда чечак күлғанда,  
Күшиқларим, сизни йүқладим.

Рұхимда бир шүхлик турғанда,  
Дилда ёшлиқ ҳукм сурғанда,  
Омад менға юзин бурғанда,  
Күшиқларим, сизни йүқладим.



Күшиқларим, сизде ҳаёт бор,  
Қалбға таскин, дилга најсөт бор.  
Сизде күч бор, сизде сабот бор,  
Күшиқларим, сизни йүқладим.

Күшиғим, сиз жавоҳир, дурсиз,  
Эзгуликка чорлаган нурсиз.  
Яшолмасман ҳаётда сизсиз,  
Күшиқларим, сизни йүқладим.



Яшин ТҮРАЕВ

## Күнглим аро васл шаъмин ёқ

\* \* \*

Бўлди, сенга айтар бошқа сўзим йўқ,  
Қолмади ўртада пинҳон бирор сир.  
Мен энди кетаман, манзисиз бир ўқ,  
Сен менинг ҳар замон тушиларимга кир.

Сиё кўнглим аро васл шаъмин ёқ,  
Бу куйган дилимга наззора эт бир.  
Менга насиб эмас, Қалбингга кирмоқ,  
Сен менинг ҳар замон тушиларимга кир.

Орзу эшигидан нари ўтолмай,  
Ҳисларим титрайди, чорасиз дир-дир.  
Караминг беқиёс, бебаҳра қилмай,  
Сен менинг ҳар замон тушиларимга кир.

Ҳаддим йўқ, биламан, бунда қолмоққа,  
Бироқ кетмоқ учун ихтиёр бер.  
Жонимни азоблаб ўтга солмоққа,  
Сен менинг ҳар замон тушиларимга кир.

Менга поёни йўқ дард ато этдинг,  
Вужудим оташда бир ҳисга асир.  
Азоблар беролдинг, ваъда ҳам бергин,  
Сен менинг ҳар замон тушиларимга кир.

### УЧЧАНОҚЛАР

Бошингга тушимасин мусибат дедилар,  
Бошингга тушимасин дард, гийбат дедилар,  
Ҳеч нарса кўрмади унинг хум боши.

\* \* \*

Дилдан ёмонликни тиларди доим,  
Ранги сомонликни тиларди доим,  
Тилагини берди Худойим.

\* \* \*

Бўлди, бошқа шеър ёзмайман,  
Ўртанишидан тўйдим мен.  
Суйганимни сүйдиролмай,  
Шеърим билан куйдим мен.

Ғамсиз эдим, масур ғамсиз,  
Ўз-ўзимча баҳтиёр.  
Шодлигимни ерга қўйиб,  
Устидан ғам ўйдим мен.

Сени қўрдим беҳаловат,  
Чексиз кунлар бошлианди.  
Бу кунларни яратгиннинг,  
Карамига йўйдим мен.

Кўнгилгинанг кошонаси,  
Фарибларча берк эрур.  
Остонаси узра бошим,  
Кестиргани қўйдим мен.

Бўлди, бошқа шеър ёзмайман.





## ҚУВНОҚ ҚАРДОШЛАР ХАҚИДАГИ КИТОБ

Туркияning бир муҳити бор: Қораденгиз. Атрофлари яшиллик ва денгиз. У ерлик одамларнинг севган овқати қора карам ва маккажӯхори. Севган балиқлари ҳамси. Севимли чолғу асбоблари камончча. Қайиқлари кичкина елкан. Ана шу ўзига хос хусусиятларни бағирларида олиб юрган инсонлар – ҚОРАДЕНГИЗЛИКЛАР.

Жонга жон дўстдир улар. Жаҳли чиқиб қизишиб кетганларида сиз уларнинг ёнига бориб: “Нима гап, ушогум (болам)?” дессангиз бўлди, яқинига айланасиз, меҳмони бўласиз, энг муҳими, “то ўлгунча” ҳимоясида бўлажаксиз.

Нозик гап-сўзлари, йирик бурунлари ва ўзларига хос лаҗжалари билан Қораденгизлилар “ўзига хос бир мактаб”дир. “Қораденгизли” дейишингиз билан “оқар сувлар ҳам тўхтайди” ва улар қайси ишга қўл урсалар, “юзларининг оқи” билан, яъни уялтириб қўймай голиб бўлиб чиқадилар.

Қораденгизлилар жуда қизиқ бўлади. Булғористоннинг Габрово одамларига ўхшаган содда, ғалати, аммо мард.

“Қора денгиз фуқаролари”, яъни “Қораденгиз латифалари” номли китоб айнан шу инсонлар ҳаёти ҳақида битилган. Бу асар қизиқарли, назокатли гапларга бой. Унинг қаҳрамонлари Тамал, Жамол, Илёс деган уч оғайни ва Фодима исмли бир қиз. Улар севган ҳамси балиғи – одамнинг кўрсаткич бармоғидан сал катттароқ, майда балиқ тури бўлиб, Туркияда “ҳамси” деган сўзнинг ўзиданоқ одамларнинг лабларида табассум пайдо бўлади. Ҳамси, кўпинча, катта қозон ёки товада қизаргунча пишириб тановул қилинади. Шўрваси ҳам, қовурмаси ҳам ғоят лаззатли бўлади. Консервалари ҳам харидоргир. Ўша Тамал, Жамол, Илёс ва Фодима деган қаҳрамонларимиз Қораденгиз бўйларида яшовчи ҳалқ тимсоллари бўлиб, улар зукко ва ҳозиржавоблиги билан ҳам ажralиб турадилар.

Хўллас, ушибу “Қора денгиз латифалари”дан айрим намуналарни таржима қилиб, муҳтарам журнал-хонлар ҳукмига ҳавола этишини лозим топдим.

**Миразиз АЪЗАМ**

### САЁЗМИ, ЧУҚУРМИ?

Олис шаҳарлик бир киши Қораденгиз вилоятининг бир қишлоғига машинада кетаётган эди, бир дарё соҳилига чиқиб қолди. Дарё саёздай кўринар, аммо ўртасида сув тез оқарди. Бир пайт у дарахт тагида камонча чалиб ўтирган йигитни кўриб қолди.

Шаҳарлик: Менга қаранг, иним! Исмингиз нима?

Йигит: Тамал.

Шаҳарлик: Тамалжон! Машина билан нариги қирғоққа ўтса бўладими?

Тамал: Бўлади!

Шаҳарлик машинаси билан дарёга қараб юрди. Бироқ салда сувга кўмила бошлади. Зўр бериб тислан-

ганча зўрға соҳилга чиқиб олди.

Шаҳарлик: (Тамалга қичқиради): Ҳой йигит! Чуқур эмас девдинг-ку! Бу қанақаси?

Тамал: Манам ҳайронман, ҳамشاҳар. Сиздан олдин бир ўрдак нариги қирғоққа бемалол ўтиб кетди. Сув белигача ҳам келмаганди!

### ОЛТИН ЧИҚСА

Тамал, Жамол ва Илёс елканли қайиқда денгизга чиққандилар. Қайик сув остидаги бир сандиқа урилди. Уч оғайни сандиқни қайиққа олиб, қирғоққа чиқдилар.

Тамал: Бунинг ичida олтин бўлса, нима қиласиз, оғайнилар?



Жамол: Бўлишиб оламиз.  
Илёс: Қандай бўлишамиз?  
Жамол: Бири сенга, бири Тамалга, иккиси менга.  
Тамал ва Илёс: Нега бизга биттадан-у, сенга иккиси?

Ўртада жанжал кўтарилиди. Тамал билан Илёс Жамолни уриб дабдаласини чиқарди. Соҳилда юрган полициячи Жамолни тутди ва учковларини тергов қилди.

Терговчи: Нима бўлди ўзи, Жамол, менга тушунтири-чи!

Жамол: Сандиқдаги олтиннинг икки ҳиссаси менга, қолган икки ҳиссасини икковинглар бўлиб оласиз, десам, мени ура кетиши.

Терговчи: Сандиқда олтин бормиди?

Жамол: Йўқ. Йўқ эди. Агар олтин бўлса, дегандик-да.

## КАТТА ОДАМ ТУҒИЛГАНМИ?

Бир саёҳатчи инглиз аёл Қораденгиз вилоятининг қишлоқларидан бирида Фодимага яқинлашди.

Инглиз аёл: Мен Англиядан саёҳатга келганиман. Исмим Жэн, фамилиям Стоун. Журналистман. Қишлоғингиз ҳақида бир асар ёзмоқчи эдим. Менга баъзи масалаларда ёрдам берсангиз.

Фодима: Менинг исмим Фодима. Ўқитувчиман. Бу ерда ёнғоқ теряпман. Айтинг, сизга қандай ёрдам керак?

Инглиз аёл: Қишлоғингизда бирон катта одам туғилганми?

Фодима (инглиз хотинни михлаб ташлади): Йўқ, туғилмаган. Бизда катта одам туғилмайди. Биз фақат чақалоқ туғамиз. Сиз томонларда катта одам туғиш зарурати пайдо бўлган бўлса, биз бунга ёрдам беролмаймиз.

## БИР БЎСА КЕРАК

Тамал бенихоя шўх йигит эди. Бекорчиликдан қизларга гап отар ва муваффақият қозонарди. Бир

куни кўчадан бир гўзал жувон ўтиб қолди. Тамал унга эргашди. Жувон бир ательега кириб кетди. Тамал ҳам орқасидан кирди. Жувон шу ернинг бошлиғи экан. Орқага қайтишни ўзига эп кўрмади, таваккал гап бошлади.

Тамал: Саломлар бўлсин!

Жувон: Келинг, келинг. Сизга нима керак?

Тамал: Менга бир бўса керак.

Жувон: Бир бўса керакми?

Тамал: (бошини ликиллатиб): Бир бўса...

Жувон: (бир хизматчини чақирди): Ойша хола, мана бу йигитчага бир бўса керак экан, келинг, битта ўптиринг.

(Бир кампир лапанглаб, Тамалга яқинлашди)

Тамал: Яхши, яхши. Ҳозир шошилинч ишим бор. Бошқа бир пайт келиб, сўраганимни оларман.

## ИМТИЁЗ ҚОҒОЗИ

Қораденгиз соҳилида яшаб, умрида автобусга чиқмаган Жамол, тақдир тақозоси билан Истанбулга келиб автобусга чиқди. Йўл ҳақини тўлаш учун чўнтагини кавлаб, пул чиқармоқчи бўлиб турганди, қараса, ёнида ўтирган бир йигит, кондуктор Тамалга бир қоғоз кўрсатиб, "Имтиёз" деб қўйди. Шунда Жамол ҳам ёнидан никоҳ гувоҳномасини чиқазди.

Жамол (кондукторга): Имтиёз... (Ўтирган кўйи гувоҳномани кондукторга узатиб, тескари ўгирилди).

Тамал (Жамолнинг енгидан тортиб): Сен бу имтиёз билан фақат хотининг Фодимага текин минасан, автобусга эмас. Қани, пулни чиқар...


## САБАБСИЗ

Тамалнинг кенжা ўғли ёмон иш қилиб қўйди. Тамал олдин уни яхшилаб савалади. Кейин...

Тамал (ўғидан сўрайди): Нега урганимни тушундингми?

Кенжা ўғил (отасига терс қараб): Сабабини билмас экансиз, нега урасиз бўлмаса?





**Jamoatchilik kengashi raisi:**  
Abdulla ORIPOV

**Jamoatchilik kengashi:**

Akramjon ADIZOV  
Feruza MUHAMMADJONOVA  
Abulqosim MAMARASULOV  
Ahmad OTABOYEV  
Minhojiddin MIRZO  
Shuhrat SIROJIDDINOV  
Ahmad USMONOV

**Bosh muharrir:**  
**Sobir O'NAR**

**Bosh muharrir o'rningbosari:**  
Luqmon BO'RIXON

**Mas'ul kotib:**  
Akbarali MAMASOLIYEV

**Tahrir hay'ati:**

Bobur ALIMOV  
Iqbol MIRZO  
Abduqayum YO'LDOSHEV  
Abdusaid KO'CHIMOV  
Sirojiddin SAYYID  
Alisher NAZAR  
O'rozboy ABDURAHMONOV

**Sahifalovchi:** Saodat RUSTAMOVA  
**Rassom:** Dadaxon BAHODIROV

Ushbu son "Yoshlik" jurnali tahriri-yatining kompyuter markazida sahilafandi.

**Manzilimiz:**  
Toshkent. sh.  
O'zbekiston shohko'chasi, 16-«a» uy.  
**E-mail:** yoshlik-xatlar@rambler.ru  
**Tel/faxc:** (8371) 227-0-227,  
245-5-793, 245-0-552



© "Yoshlik" № 3 (244) 2011 y.

O'zbekiston Yozuvchilar uyushmasi,  
«Kamolot» yoshlar ijtimoiy harakati muassisligidagi  
yoshlarning adabiy-ijtimoiy jurnalı  
1982 yildan chiqsa boshlagan.

## MUNDARIJA

<b>Mirpo'lat MIRZO.</b> Do'rmon bahori .....	1
<b>ADIB XONADONIDA</b>	
<b>Halima XUDOYBERDIYEVA.</b> «Eng qora ish, eng toza ish – bizning ishimiz» .....	2
<b>MULOQOT</b>	
<b>O'tkir HOSHIMOV.</b> Ijod – ma'nnavi hodisa...mi? .....	8
<b>NAZM</b>	
<b>Zebo RAHIMOVA.</b> Sevdim dema, ey dil, sevganing yolg'on. ....	14
<b>Mahmud TOIR.</b> Sog'inchi jonimga chirmashgan bir gul. ....	26
<b>Rahimjon RAHMAT.</b> Bir kelib baxtiyor ayla. ....	35
<b>Shamsiddin SADOIY.</b> Faqat ketib bo'limas kechib Vatandan. ....	38
<b>Temur QURBON.</b> Shavkat Rahmon haqida qo'shiq. ....	44
<b>MUNAVVARA.</b> Yurt ishqini tugdim yurakka. ....	45
<b>Nazira BOYMURODOVA.</b> Tongda esgan sabolar go'zal. ....	60
<b>Yashin TO'RAYEV.</b> Ko'nglim aro vasl sha'min yoq. ....	61
<b>NASR</b>	
<b>Sobir O'NAR.</b> Begona mehmon. Hikoya. ....	17
<b>Hamroxon MUSURMONOVA.</b> Diyor qo'shig'i. Hikoya. ....	30
<b>Muhammad UZOQOV.</b> Xonning xatosi. Hikoya. ....	40
<b>Muyassar TILOVOVA.</b> Olmazor. Hikoya. ....	46
<b>Fayzulla SALAYEV.</b> Qamish qayiqchalar. Hikoya. ....	58
<b>MUTOLAA</b>	
<b>Abdug'afur RASULOV.</b> Oydin she'riyat. ....	12
<b>MUNOSABAT</b>	
<b>Uzoq JO'RAQULOV.</b> Jarayon maromi. ....	24
<b>ISTIQLOL VA YOSHLAR</b>	
<b>Dildora ABDURAIMOVA.</b> O'zlikni anglash yo'lida. ....	28
<b>TADQIQOT</b>	
<b>Bashorat JAMILOVA.</b> Ma'rifiy saboqnomasi. ....	36
<b>BIRINCHI UCHRASHUV</b>	
<b>Shirin SHUKUROVA.</b> G'arib sevgimi. ....	37
<b>Barno PO'LATOVA.</b> Ezgulikdir mening yo'llim. ....	39
<b>QUTLOV</b>	
<b>Sayyora RAHMONOVA.</b> So'z san'atiga maftun munaqqid. ....	50
<b>SAN'AT</b>	
<b>Hotam FAYZIYEV.</b> Ulug' ajqdoga ehtirom. ....	52
<b>HUQUQSHUNOS BURCHAGI</b>	
<b>Dilorom IMANBOYEVA.</b> Huquqiy atamalar. ....	51
<b>YELPUG'UCH</b>	
<b>Miraziz A'ZAM.</b> Quvnoq qardoshlar haqidagi kitob. ....	62

Bosishga 02. 03. 2011 yilda ruxsat berildi. Qog'oz formati 60x84 1/8. Nashriyot hisob tobog'i 8,7. Indeks 822.  
ISSN 0207-9137. Jurnal 2007 yil 4 mayda Matbuot va Axborot agentligi tomonidan № 0253 raqami bilan ro'yxtaqliganga.  
Jurnaldan ko'chirib bosilganda «Yoshlik» dan olindi» deb izohlanishi shart.  
G'afur G'ulom nomidagi NMIU bosmaxonasida chop etildi. Buyurtma № 116. Adadi 7052 dona.  
100128, Toshkent sh., Shayxontohur ko'chasi, 86-uy.